




scuber

1570








3500
2.000 A

H x L 11

16/8



D

M.

A

64573

1111111111

DES ARCBV.

S A D E S, CONTENANT
LA VRAVE ESSENCE DV
mal, & sa propre curation, par cer-
taines & methodiques indica-
tions : avec l'explication
de diuers Problemes
touchant ceste
matiere.

P A R

*M. Laurens Ioubert Medecin du Roy, &
son Lecteur en l'Escole de medeci-
ne, à Mompelier.*



A PARIS,
A l'Oliuier de P. l'Huillier, rue S. Iacques.
1570.

Beauregard

DES ARCHIVES

DE LA BIBLIOTHEQUE

NATIONALE

DE LA VILLE DE PARIS

DE LA BIBLIOTHEQUE

NATIONALE

DE LA VILLE DE PARIS

DE LA BIBLIOTHEQUE

NATIONALE

DE LA VILLE DE PARIS

DE LA BIBLIOTHEQUE

NATIONALE

DE LA VILLE DE PARIS

DE LA BIBLIOTHEQUE

NATIONALE

DE LA VILLE DE PARIS

DE LA BIBLIOTHEQUE

NATIONALE

DE LA VILLE DE PARIS

DE LA BIBLIOTHEQUE

NATIONALE

DE LA VILLE DE PARIS

DE LA BIBLIOTHEQUE

NATIONALE

DE LA VILLE DE PARIS

DE LA BIBLIOTHEQUE

NATIONALE

DE LA VILLE DE PARIS

AV TRES-MAGNANIME,
ET TRES-INVINCIBLE HENRY DE
France, fils & frere de Roy, Duc d'Anjou
& de Bourbonnoys, Comte de Forest,
Pair de France, & Lieutenant General de
S. M. representant la personne d'icelle
par tout son Royaume, païs, terres & sei-
gneuries de son obeïssance, Laurens Iou-
bert, son tref-humble & tref-affectionné
seruiteur, souhaite toute prosperité.



ONSEIGNEVR,
comme la republicque
Françoise est tripartie,
en ceux qu'on nomme
le Clergé, la Noblesse,
& le Peuple, ainsi no-
stre medecine a esté ia
de long temps divi-
sée en trois estats: desquels l'un entreprend la
curation de toutes maladies, l'autre luy pre-
ste la main ou il en est besoin, & le tiers four-
nit de remedes. Ceux du premier estat, qui du
vltre general sont nommez Medecins, ont à
ordonner toutes choses, requises & necessaires
pour la guerison (entant qu'elle est possible) de
chaque mal, soit dans le corps, ou en partie ex-
terne. Mais si l'y échet operation manuelle, com-
me es fractures & dislocations, louppes, ver-
à ij

EPISTRE.

ruës, & autres excressences de superfluité, pierres en la vessie, catarattes, apostemes plains de matiere, chancres, fistules, gangrenes, sepha- coles, & semblables maux, qui mesprisent les medicamens, & nous contraignent d auoir re- cours & au fer & au feu: adonc le chirurgien expert & bien adroit sy employe. L'apoticaire sert aux deux autres & n'a rien plus à fai- re que d'accomplir fidelement ce qu'ils com- mandent, pour le seruice du patient. Voyla comment les trois estats de medecine se doi- uent accorder en leur pratique, euitant la con- fusion, au prouffit des malades: sans toutesfois que le medecin soit aucunement distencé de- stre bien entendu, & versé en toutes les par- ties de l'art, qui luy donne ce tiltre, duquel il est conuaincu de ce deuoir. Et telle fut (à mon ad- uis) l'intention de nos ancestres, qui ont fait le d'apartement: non par delicateffe ou noncha- loir, comme quelques vns pensent, & moins pour exempter le medecin de la parfaicte co- gnoissance de Chirurgie, & de la Pharmacie: ains a fin que les malades fussent mieux secon- rus, & qu'un homme peust seruir à plusieurs. Car auparavant chaque medecin faisoit tout: mais il n'auoit pas grand loisir de preparer & composer tant de medicamens, qui sont bien souuent necessaires à un seul patient: & ne pou

EPISTRE.

uoit commodément vaquer à penser toute sorte de maladies, quand il en est foison. Mesmement que du temps iadis les professeurs de nostre art estoient fort cler semez: & sur tout auant Hippocras, lors que la science de Medecine estoit presque totalement conioincte à la Physique, & y auoit bien peu de gens, qui fissent profession d'en seruir au public. Encor ceux cy n'estoient que chirurgiens, tels qu'on les void auioird'huy: c'est qu'ils ne s'emploient que pour maladies auenuës de cause exterieure, comme blessures, & leurs semblables. Dont ils estoient sur tout requis en guerre, honorez des soldats & capitaines plus que leur propre Roy, voire tenus au rang des Dieux. Tels furent iadis au camp des Grecs, en l'expedition de Troye, Machaon & Podalyre enfans d'Asculape, fils d'Apollon Dieu, auteur de la medecine (comme disent les Payens) lesquels ne s'entremettoient que de guerir les playes, par ser (dit Celse) & par medicamens: comme il est aisé à comprendre de ce que Homere en a escrit. Car quant aux sieures pestes, dysenteres, & semblables maux qui regnent souuent en vn camp, & sont epidemiques, & dont la cause est ignorée de vulgair, ces bonnes gens n'y faisoient aucun remede, ains comme ils rapportoient ces maux estre aduenus pour l'ire de leurs Dieux, ainsi

EPISTRE.

croyoient-ils simplement, qu'il n'y auoit autre moyen de guerison, que d'appaiser celui des Dieux qui pratiquoit vne telle vengeance. De ces propos on peut entendre que la chirurgie est fort ancienne, & celle des trois parties qu'on a dès le commencement appellé medecine, & ses professeurs medecins. Car de tels parle le bon
 " Homere, Poëre tres-ancien, quand il a dict: Vn
 " medecin tout seul aura autant d'honneur, ou
 " sera egal en prix, à vn grand nombre d'autres gens. Mais il ne faut tant priser la chirurgie de son antiquité, veu que plusieurs autres ars & sciëces, beaucoup moins dignes, estoient auparavant: il y a bien plus de quoy la priser de son excellence à faire choses fort admirables, & contre tout espoir, entant que ses actions & effets sont euidentement notoires à chacun.

En la prefa-
 ce du septi-
 ème liure

La chirurgie (dict le tres-elegant Celse) entre toutes les parties de la medecine, a l'eff. Et tres-
 " euiden: car comme ainsi soit que les medica-
 " mens proufient grandement és maladies, &
 " qu'ils soient souuent salutaires, & souuēt prins
 " en vain, on peut douter si la santé est auenuë
 " par le moyen du corps, ou du medicamēt. Aus-
 " si combien qu'és maux ausquels nous vsons
 " fort de medecines, le proufit en soit euiden,
 " toutes-fois il est certain que bien souuēt par
 " eux en vain on cherche la santé, & que sans

EPISTRE.

eux elle est restituée. Comme on peut apperce-
 uoir au mal des yeux, qui ayans esté longuement
 tourmentez par medecines, quelques fois gue-
 rissent d'eux-mesmes, &c. Donques la partie
 qu'on dict auioird'huy medecine, ne peut e-
 stre en si grand' admiration que la manuelle:
 & ce pour l'ignorance de la grandeur ou qua-
 lité des maux interieurs incogneuz au vulgai-
 re. Dont il aduiant que la plus-part de ses
 plus excellentes curations est communément
 rapportée ou à fortune, ou à la seule force du pa-
 tient. Et ce n'est pas tousiours à tort: car sou-
 uent le medecin mesmes ignore l'essence du mal,
 ou bien sa cause, ou pour estre peu versé en l'a-
 natomie (vn des principaux fondemens de no-
 stre art) ne sçait discerner le lieu, siege, ou par-
 tie d'ou prouient le desordre. Dequoy il s'ensuit
 bien, que lors la guerison est vrayement fortui-
 te, ou du seul effort de nature, qui a peu tenir
 bon contre la maladie, & resister à la mau-
 uaise procedure du medecin, qui ordonnoit mal
 à propos. Et de faict plusieurs meurent qui pou-
 uoient eschapper, selon nature, si on n'eut rien
 attenté par medecines, ausquels bastoit vn bon
 regime, apres auoir esté saignez tout au com-
 mencement. Mais il n'est ia besoin donner plus
 d'ouuerture à ce reproche, d'autant que nostre
 medecine n'est que trop subiecte à calomnies:

EPISTRE.

de sorte que les plus sçauans & pruden's medecins y trempent quelques fois, pour tel iniuste iugement des idiots. Tant y a. que le chirurgien a cet auantage d'heur & felicité dessus le medecin, qu'il n'est si souuēt soupçonné de la mort du patient: & qu'au contraire il rapporte de tres-grandes loüanges, gré & proufit d'infinites pratiques: lesquelles toutes fois il n'a gueres fait autre chose, que obseruer, contre son esperance, vne tres-merueilleuse, & presque incroyable action de nature. Pour toutes ses considerations, & plusieurs autres qui seroient trop longues à deduire (que ie tais pour vostre esgard, Monseigneur, craignant de vous ennuyer d'une facheuse prolixité) i'ay eu tousiours en singulier respect la chirurgie, & m'y suis autant recreé qu'en autre partie de nostre art, duquel ie fais ia de longz temps profession publique, enseignant és trois parties, medecins, chirurgiens & apoticaire, ainsi qu'il appartient au medecin de sçauoir l'art entier pour enseigner troi'stars, & de parole, & par escrit. Ce que i'ay commencé y a pres de 20. ans, & espere continuer tant que Dieu m'en fera la grace. Mais tousiours & sur tout, i'ay eu tres-grant desir de pouuoir illustrer la chirurgie de mon labour: comme ie vois que de tout temps les plus excellens medecins l'ont honorée de leurs doctes escrits: les vns en in-

EPISTRE.

uentant les plus subtiles operations & tres-
 exquis remedes: ainsi qu'a faict nostre Hip-
 pocrus (auteur & pere de tous les biens que
 nous donne la medecine, comme à bon droit
 Galen le reclame) qui tout le premier a ietté
 sur nostre champ vne bonne semence: les au-
 tres en bien, entretenant ce qu'ils ont trouué
 de semé, & recueillant soigneusement les
 fruits pour en espandre plus auant, & auan-
 cer de tant plus nos limites: te les estimes tous
 verineux, & d'une grand' bonté, d'auoir ain-
 si travaillé apres si digne labourage: mais si
 i'ose faire comparaison, nostre Guidon (ie le
 dis nostre, pour ce qu'il est sorti de nostre scol-
 le de Mompelier) me semble auoir mieux em-
 ployé sa sueur à reparer toute la chirurgie. Ce
 que ses successeurs n'ont pas bien recogneu en
 son endroict: autrement ils n'eussent permis que
 ce bel heritage fust de peu à peu venu en friche,
 comme il est, si plain de mauuaise herbe, &
 tant abatardy; qu'à peine y void-on rien de
 bon. Dequoy ie me suis si souuent depité en le
 recognoissant, qu'en fin i'ay entrepris de com-
 mencer par la l'exequation du desir que i'ay
 tousiours eu d'illustrer la chirurgie: cest, par
 la repurgacion des terres du tres-venerable
 Guidon, esquelles i'ay trouué tant de char-
 dons & espines si rudes & poi gnantes, avec

Au liu. 7.
 de la meth.
 de chap. 2.

EPISTRE.

infinité d'autres plâtes sauvages, le tout si espez
 & profond enraciné, que ie suis tout erreiné &
 romps de les rompre & arracher. Dont par ce
 que la besongne estoit longue & tref-penible,
 ie m'auiſay bien à propos que pour deſaſſer mō
 eſprit, & le recréer de quelque variété, ie pour-
 rous cultiuer à certaines heures vn autre petit
 champ, auquel la chirurgie pretend beaucoup de
 droit, & qui est de bon reuenu, sur tout en tēps
 de guerre. Il fut iadis remarqué de maistre Iean
 de Vigo, grand chirurgien du Pape Iules se-
 cond. Depuis en ça, plusieurs modernes y ont
 labouré, mais c'est avec vn tel desaccord, que
 l'vn defaiēt ce que les autres font. Le champ
 que ie dis, est le traicté des playes faictes par
 arcbuſe, & autres instrumens à feu, qui iet-
 tent vn boulet: lequel ie commençay à reco-
 gnoiſtre & cultiuer dès les premieres guerres
 ciuiles de ce Royaume, ayant charge publique
 de viſiter tous les malades blecez en guerre, qui
 se trouueroient à Mompelier, d'ou qu'ils fus-
 sent venus, comme on les y amenoit de toutes
 parts. Mais pour lors ie ne fis que derompre &
 entamer groſſierement la terre, d'autant que ie
 n'auois encores fort grand' experience de telles
 playes, ny eſprouné diuers remedes, ſuiuant les
 diuers ingemens de ceux qui en eſcriuent. Ce
 que i'ay depuis mieux ſondé & pratiqué aux

EPISTRE.

seconds troubles, ausquels me fut donnée de re-
 chef la mesme charge (auec priuilege & exem-
 ption de toute autre) audict Mompelier : ou il
 y eut grosse guerre, pour le siege du fort saint
 Pierre: dont nous eusmes tant de blecez, & si
 à coup, que sans l'ordre & police que i'y mis,
 la moitié des malades eust esté negligée: ou par
 mon moyen tous, iusques au moindre des ra-
 gas, furent songneusement visitez & pensez
 autant de fois le iour que leur mal requeroit.
 Adonc renouuant de plus pres mon ancien ou-
 urage, ie me prins à le façonner plus curieuse-
 ment de sorte que ses premiers traits, grossiers,
 & rudes furent enrichis de naïues couleurs, &
 le tout peint à l'huyle d'une tres-songneuse ob-
 seruation de telles playes, & du succès ou ene-
 nement de nos procedures, faictes par legitime
 & seure methode, suivant les indications de
 l'art curatoire, que nostre pere Galen a dictées
 en general. Voila enquoy ie m'employay durāt
 les seconds troubles. Or quand la paix fut pu-
 bliée, ie voulu encor' reuoir tout mon labeur,
 pour y mettre la dernière main, & le laisser
 depuis reposer en quelque coin de ma biblio-
 tecque. Mais comme ceste paix ne peut auoir
 son cours, ainsi mon entreprise ne fut du tout
 parfaicte, suruenant & nouueaux troubles &
 diuerses occupations. Dequoy ie ne suis pas

EPISTRE.

marry (i'entends de n'auoir acheué plus tost ceste
 besongne) par ce que i'ay eu ce pendant le moyē
 de pouuoir observer à la suite de vostre camp
 (Monseigneur) sur diuerse façon de diuers chi-
 rurgiens, plusieurs choses qui meritent d'estre
 notées, soit pour les imiter, ou bien pour les re-
 prendre. En fin ie m'en suis resolu de tout, & en
 ay fait une collectiō, & le plus brieu discours
 qui m'a esté possible, en langage François, com-
 me i'en ay esté tres-instamment requis par mes
 familiers amis, tant chirurgiens que ieunes me-
 decins: desquels la continuelle sollicitation (&
 si ose dire) l'importunité me presse & con-
 traint d'en venir plus auant: C'est que ie le pu-
 blie & mette en lumiere, disans, qu'ils ont des-
 ia trop long temps attendu en grand deuotion.
 Ce que n'ay voulu entreprendre, sans au prea-
 lable auoir bien aduise sur la faueur de qui ie le
 pourrois seurement appuyer. A quoy il n'a fai-
 lu penser fort longuement: car la grandeur de
 vostre excellence, Monseigneur, est en tel ob-
 iet à tous mes sentimens, que ie ne peux les di-
 uerger pour recourir ailleurs en l'affaire qui se
 presente. Et à qui mieux se pourroit adresser
 mon labour, soit sur l'effet de la guerre, qu'au
 t. heroicque fils, & frere de Roy, qui a si
 long temps cōmandé une puissante armee, quil
 a pratiqué, & veu auant de grands faits d'ar-

E P I S T R E.

mes, que les plus vieux guerriers? Qui a fait
 preuve de sa vaillance en diuerses batailles, plus
 grãde sans comparaison, qu'un tel aage ne pro-
 mettoit, qui se donne aussi peu de rudes coups
 de lance, & des furieuses archusades, qu'un roc
 des vents & des flottes de la mer. Mon dis-
 cours n'a que faire avecques ses mignons, qui
 se remparent de cent pas de muraille, & se con-
 tiennent bien loin des coups. C'est au fils de ce
 grand Henry, qui & de nom & des princi-
 paux traits nous rapporte naïuement le pere,
 (& encor plus dignement de la force, dexte-
 rité, & grãde prouesse) que mon traité se don-
 ne. Et à qui seroit il plus cher & plus recom-
 mandable qu'au ieune Prince, autant hardy &
 vaillant, qu'humain & pitoyable, lequel n'a
 pas tant seulement à bien commander son ar-
 mée, & mener ses gens à la guerre, ains aussi à
 uoir soin, comme un pere tris beguin, que ceux
 qu'il ramene blecez, soient fidelement secou-
 ruz & pensez? Or sil doit auoir soucy de ses
 blecez, ce luy sera un grand plaisir & cõtente-
 ment, de recevoir par script le vray moyen de
 les faire guerir, pour euter que tant de braves
 gens ne meurent, & que les autres ne demeu-
 rēt estropiaz ou perchs de leurs membres. C'est
 de quoy ie m'assure (tres-illustre Empereur) qui nō-
 cognoissant vostre grand bonté, l'humanitē

Imitation
 des Latins,
 qui nomme
 l'Empereur le
 chef d'une

EPISTRE.

armée. Qui & douceur qui accompagnent la magnanimité requise à telle grandeur, que mon present, quoy qu'il soit bien petit, vous viendra fort à gré. Et par ce que l'offrande est bien en sa saison, & pour ce miserable temps de guerre (qui a besoin de tels discours) que pour venir sus le point des estreines, ie me confirme d'autant plus en assurance, quelle vous sera doublement agreable. S'ainsi est, Monseigneur, i'en remercie Dieu, qui me faiet ceste grace, & vous baise les mains en toute humilité. Donné, & tres-humblement présenté pour estreine, ou entrée au premier iour de l'an, 1570. à Colonge Layrroyau, en Poictou.

DU LIVRE DE IESVS FILS

DE SIRACH, DICT L'ECCLE-

fiaite, chap. XXXVIII

„ Honore le medecin: car nostre Seigneur l'a
 „ créé pour la necessité, & toute santé & guéri-
 „ son procede de Dieu sublime & tres haut. Le
 „ medecin receura presens des mains des Roys.
 „ Nostre Seigneur a produit de terre toutes cho-
 „ ses medecinables, & ne les doit mespriser l'hom-
 „ me sage. Donne adresse, & fais honneur au
 „ medecin: car il a esté créé du Seigneur, &c.

AD ILLVSTRISS. CHRI-
stianissimi regis ἀρχαρχον D. D. Masilæum
Laur. Ioubertus Collega.

IRequieta sequor mauoris castra, nec vlla
Consuetis habeo concedere tempora musis.
Ecquid enim mauors patietur Apolline dignum
Promere pacificis cingenti tempora lauris?
Et tamen extorquent manibus castrensia ciues
Scripta meis, ciues in propria viscera ferro
(O Martem) malè grassantes, inimica perirent
Agmina quò melius: sed si quis dente lacessat
Præcipitata quidem, sed non ingrata futura
Ciuibus ista meis, tibi si Masilæe probentur,
Non moueor viuens sacris laudata futuris
Iudicio laudata tuo. Laudas? horrenda valete
Vulnera sclopporum, sclopporum vulnera quondam
Horrenda, at nobis causis nunc cognita certis.
Fortior & miles constantia pectora scloppis
Obijce, militiæ palmam discrimine nullo
En tibi dat fides Masili sententia curis.

Ad Lectorem Petrus Huchede, Audeg.

Hippocrates notis certissima pharmaca morbis
Miscebat, medica gloria prima toga.
Facta quidem noto curabat vulnera ferro,
Vitari facili quæ ratione queant.
Sed quæ mittuntur funesto vulnera scloppo,
Vulnera, prob, nostris cognita temporibus,
Ignota Hippocrati, stigij infecta venenis,
Vitari nulla quæ ratione queant:
Solut Ioubertus, medicæ pars altera palma,
Curandi facilem prodidit, ecce, viam.

Ad Lectorem Fr. Iary. Andeg.

Mercurium, Martem, Neptunū, priscæ vetustas,
Cum Phœbo, & multos credidit esse Deos.
A quibus humani generis natura fuisset
ingens, & meritis ætæ salutis ævis.
Hypocrisiam medici diuinum colit, & medendi
Nam primus certam produxit ille viam.
Primus scloppe tui curandi vulneris auctor
Iubet, us, medicis non erit ille deus?

Τὸς αὐτῷ εἰς τὴν αὐτὴν.
Τεράματα τῶν Χιλόππων γρατὸς οὐκ ἐν-
πλήσσει, λαφύεις
Αὐτίκ' Ἰουλίπτου τιῶν τερατείαν ἔχεις.

Le Sieur de Bonpins au Seigneur Ioubert.
Toute sorte de fer partant de bonne forge,
Dont pour l'homme tuer on se sert à la guerre,
N'a point de nostre temps mis tant de gens par terre,
Comme la Balle a fait, que le canon degorge.
Rien ne sert d'y ferra, me mieux que n'est vn saint
George:
Soit de pres, soit de loin, soit à part, soit en serre,
La balle que le feu nous pousse nous a terre,
Encor qu'il le ait frappé autre part qu'à la gorge.
Or la balle & le feu sont tout ce beau carnage,
Plus vif que feu plein d'esclat & d'orage,
Si le siège se treuve es mains d'un mal aprins.
Mais la Balle & le feu ne feront point mourir
Ceux, qui par son conseil se feront secourir,
Lequel est par methode en son liure comprins.

IN LIBRVM LAVR. IOV-
BERTI, MEDICI REGII, ET
medicinæ in amplissima Mompeffulensi
Academia Regij Profefforis, de Sclopeti-
corum vulnerum curatione,

IO. AVRATVS POETA REGIVS.

O pia cura Dei, qua mox noua pestis vt erta est,
Illius vsq; nouam dat quoq; pestis opem.
Surgit vt herba nocens, sua surgit & herba nocenti,
Pellat vt auxilio dira venena suo.
Morbus vt in lucem prodit nouus, ecce salubris
Prodit & ad morbum mox medicina nouum.
Nunc quoq; glandiuomis peragi cum prælia cannis
Cœpêre, & virtus cedere aperta dolis:
Funera iuneribus ne tot cumulata iacerent,
Inuentis caderet gens hominumq; suis:
Excitat ecce deus Ioubertum monte latentem
Pessulo, vt humanum vindicet arte genus.
Et nunc ille, virum Chironia qui vlcera curret,
Castra comes sequitur Regia, Fratre duce.
Qualis in Argiuis Todalirius atq; Machaon
Castris Atrida dicitur esse comes.
Et nouus vt dux est fratris pius vltor Atrides,
Sic prisco medicus par & vtriq; nouus.
Ars & ad heredes vt transeat vtilis olim,
Traditus est prælis hic super arte liber.
Per quem mille neces præceptis mille medendi
Tardantur docti sedulitate viri.
Nunc Iouberte tuus mons olim Pessulus esto
Pelion, & Chiron tu nouus aliter eris.

IN EVNDEM ANTONIVS
Valetius, Medicus.

*Belliger afflārat Mauros cum fulmine virus,
Funderet ut tereis robora densa globo.
Iamq; ferē innumeras absorpserat ista phalanges
Machina, Pæonio nescia Marte premi.
Nempe quod armorum strepitus, fremitusq; profanos
Horrent Phœbi numina casta sequi.
Bedeus est arti ne quid paterentur inuri,
Tandem certa malo danda medela fuit.
Tunc ad te, Iouberte, vigil sua lumina torfit,
Gestat Apollinei qui sacra sceptrā chori.
Istius incumbet, dixit, tibi cura laboris
Istius, ô medici nobile stemma soli.
Ipse Deo pares, qui pharmaca culta propinas:
Vulnēra quæ pellant, quæq; venēna simul.
Talia nulla tulit mons pharmaca Pessulus unquam.
Hæc sed ab Albanis sunt tibi data iugis.*

ΤΟΥ ΑΥΤΟΥ ΕΠΙΓΡΑΜΜΑ

*ὦν τῆς μιμήσεως γεγραμμένον.
Ἰατρικῆς φιλέω πρῆξις ἀσέβης, ἐνεχέει πάντων
Εἰσὶν ἰητῶν μόνον ἀρεῖοι τεροί.
Σέο πόνοισι φιλέω Λαυρέντος ἐμὶ δὲ λίαν
Καὶ φιλοδυρέτος, καὶ φιλορρασελετός.*

A LA FRANCE

SONET, PAR ANTOI-
NE VALET MED.

SI d'un tien nourrisson tu recus dans ton cueur
Onques quelque plaisir, ô plus qu'heureuse Frâce,
Que maintenant ta voix alaigrement saduance
De redoubler sa ioye, & redoubler son heur.

Ce grand ce grand Ioubert, des Medecins l'honneur,
Tu as pour ton rempar, tu as pour assurance,
Qui de Mars sanglantant la fiere outrecuidance
Seul seul met à neant par son esprit vainqueur.

Si que comme iadis asissoit aux Gregeois
Entre mille conflicts, & mille & mille abois,
Pour les playes guarir, le sonuerain Chiron.

Ainsi pour le support & secours des François,
Estrangement blesez sous leurs nasses harnois
Assiste ton Ioubert, l'heureux fils d'Apollon

ẽ ij



SONET AV LECTEUR.

Le vieil Charon iadis se courrouça,
Tout ennuyé de la guerre ancienne,
Qui obstinée à la rive Troïenne,
Tant d'esperirz à son port amassa.

Dix ans entiers, que discorde poussa
La Grecque gent encontre l'Asienne,
Dix ans entiers la barque Stygienne
Sourz le travail de ses bras ne cessa.

Auant soldats, puis que ce brave liure
De la fureur des balles vous deliure,
Remerciez le tres-docte Ioubert.

Car deormais Charon tout au contraire
Trop ennuyé de n'auoir plus que faire,
Se plaindra seul à son baure desert.

JEAN LE FRERE.



DIVISION DV TRAICTE DES ARCBVSADES.

LA PREMIERE partie :
Quell'est l'essence du mal, qui
demonstre les propres indica-
tions de la curation : & qu'il
n'y a brûleure, ne venin es
arcbusades.

LA seconde partie: La vraye curation des
playes faictes d'arcbusade, par certaines indi-
cations prises de l'essence du mal.

LA troisieme partie: Problemes des prin-
cipaux doubtes qui se presentent aux Arcbu-
sades, tant en leur essence & accidents, que
en toute la curation.

REGISTRE DES PROBLEMES.

Y A - I L eschare aux playes d'arcbusade? I.
fueil. 37. b.

Y A - I L quelque combustions putrefacti- II.
ue aux arcbusades? 38. b.

EST - I L possible d'enuenimer les bou- III.
lets, & que le venin en soit porté dans le
corps? 39. a.

LE boulet de plomb retenu dans le corps, IIII.
apres que la playe est consolidée, peut il cau-
ser aposteme, ou autre mal, en quelque en-
droit? 41. a.

LE regime est il bien ordonné pour les V.
bleceez d'arcbusade, ou autrement, que des

premiers iours ils facent grand' abstinence ,
& par apres soient mieux nourris? 41.b.

VI. E S T - I L necessaire & proufitable de
sefforcer d'auoir le boulet, comme que ce
soit, des le commencement, & premier ou
second appareil? 43.a.

VII. Q V A N D il y a fracture d'os parfaite en v-
ne playe d'arcbusade, est-il requis & necessai-
re de remettre les os en leur place des le com-
mencement, ainliqu'es autres fractures? 44.a.

VIII. Q V A N D le membre est fort brisé, les os
rompus, & les vaisseaux cassez, vaut il mieux
soudain amputer le membre, que differer en
pourchassant la guerison? 45.a.

IX. E S T - il proufitable ou necessaire de passer
vn seton es playes d'arcbusade, quand le
membre le permet? 46.b.

X. E S T ce bien fait d'amplifier & aggran-
dir la playe des le commencement? 47.a.

XI. E S T ce bien fait d'arrester soudain le
sang es playes d'arcbusade: ou vaudroit il
mieux permettre escouler du sang à quelque
mesure? 47.b.

XII. F A V T - il vser du restrinctif au premier
appareil des arcbusades: ou si le caustique y
est meilleur? 48.a.

XIII. F A V T - il vser du repercussif, & du refre-
natif en la curation des arcbusades, & en quel
temps? 48.b.

XIIII. Q V I est plus conuenable digestif en ces
playes, ou le commun, ou l'vnguent dit Ba-
silicon? 49.b.

PEVT on vser de la therebinthine, du xv.
miel rosat, ou autre deterfif es premiers
iours: ou vaut-il mieux attendre l'entiere
suppuration? 59. a.


PEVT on reduire la curation de l'arcbu- xvi.
sade à celle du Carboncle? 51. a.

EN la bruleure de la poudre d'arcbuse, est-il xvii.
bõ d'appliquer soudain vn refrigeratif? 52. b.

FAVT il penser vne playe d'arcbusade xviii.
plus d'vne fois le iour? 53. a.

LA Gangrene, qui prouient de l'arcbusa- xix.
de, requiert elle semblables remedes à toute
autre espee de Gangrene? 54. a.

AUTRES PROBLEMES
touchant diuers propos en Medecine
& Chirurgie.

 EST-IL possible d'arrester la i.
Gangrene avec caustiques, ou
fer chaud? 55. b.

A l'amputation d'un mem- ii.
bre, est il bon de le couper
à la ioincture, ou vaut-il
mieux en abstenir? 56. a.

EST-il possible que la teste soit blessée iii.
d'un costé, & rompuë a l'opposite? 57. b.

EST-il vray qu'aux playes de la teste, si l'iiii.
y suruiuent paralytie & conuulsion, la paraly
sie est du costé de la playe, & la conuulsion
à l'opposite, & pourquoy? 58. b.

- v. D'o v prouient que l'vnguent Egiptiac verdist les tentes & plumaceaux, ayant sejourné dans vn vlcere? 59. b.
- vi. E s t-il bon de laisser dans vn vlcere cauerneux toute l'iniectiō, ou quelque portion d'icelle? 59. b.
- vii. D'o v vient que pour la deperdition d'vne portion de l'os, la cicatrie en reste necessairement caue? 60. a.
- viii. E s t-il possible que aucun prenne la pisse-chaude verollique, par l'acointāce d'vne femme qui soit biē nette de verolle? 60. b.
- ix. E s t-il possible que aucun donne la pisse-chaude à d'autres, pour auoir eu acointance d'vne femme apres luy, sans que ladicte femme, ou luy s'en ressentent? 61. a.
- x. V n ladre confirmé peut-il engendrer enfans sains, si la mere est bien saine? 61. b.
- xi. D'o v viēt que ceux ausquels on a couppé de tout vn mēbre, comme le bras, la main, la iambe ou le pied, plaignent souuent de la douleur, qu'ils afferment sentir en diuers endroits de la partie, qui n'ont plus? 62. b.

IS A G O G E ou Epilogue en forme d'aphorismes, cōtenant les principaux poincts qu'on doit obseruer aux Arcbusades. f. 54. b.





LA PREMIERE PARTIE
DV TRAICTE DES ARCBVSADES.

QUELLE EST L'ESSENCE DV
MAL QVI DEMONSTRE LES

*propres indications de la curation: &
qu'il n'y a bruleure, ne venin es
arcbusades.*



LA LEN remontre par
tres-euidentes raisons,
qu'on ne peut aucune-
ment inuenter & choisir
la premiere indication
curative (source & fon-
dement de toutes les au-
tres) pour quelque mal
que ce soit sans en prealable auoir bien exacte-
ment cognu l'essence de la maladie. Car elle ne
demonstre pas seulement qu'il la faut exter-
miner, comme estant chose contre nature,
ains aussi par quelle espèce de contrarieté il
l'a conuient destruire. D'auantage il nous ensei-
gne, qu'un simple mal ne propose qu'une &
simple indicatiō, à laquelle il nous faille entē-

*Au commencement du 3.
li. de sa methode.*

DES ARCBUSADES

dre cōme le mal compliche avec autre mal, ou plusieurs, ou avec sa cause, ou diuers accidens nous represente autant d'indications curatiues ou preseruatiues, qu'il y a de choses contre nature. Car là chacune doit estre abolie, ou par remede expres & immediatement, ou par l'abolition des autres. Or la playe faite d'arc-buse, ou d'autre tel instrument à feu, est du consentement de tous bons medecins & chirurgiens complichee avec contusion: donc il ya deux especes de solution ou diuorce de la continuité en partie charnuë, pour simple que soit la playe. Je dis en partie charnuë, parlant proprement, & à la Grecque: sçachant bien que l'on vse communément de telle appellation aux solutions de toutes autres parties: tellement que playe soit vn diuorce manifest, cause de chose qui taille, pique, dechire, ou egratigne, de façon que la peau en soit premièrement entamée, ou par contusion se face diuorce occulte de la chair, des vaisseaux, des os, & autres parties, par chose externe, lourde & mouffe; ou qui ne peut tailler & poindre.

DE CES deux sortes de mal ensemblement conioinctes en l'arcbusade, nous sont representées deux indications: l'vne est de reunir les parties separées: l'autre, de substituer à la chair meuerrie, aux os brisez, & autres parties corrompues par dilaceration (de sorte que jamais ne pourront seruir au membre) nouvelle chair, & le vicaire des autres particules, entant qu'il est possible. La curation doit com

mencer par telle restitution: d'autant que l'union & consolidation des parties séparées est impossible, tandis qu'il y a entre deux chose estragere, superflüë, inutile ou dommageable: dequoy nature est empeschée & detournée, comme de ce qui la trauaille & moleste continuellemēt. Quant à la chair meurtrie, frayée, & imbuë de sang refroidy (qui est cause de la noirceur & liuidité, trop improprement nommée eschare) elle ne peut estre mieux séparée de la chair entiere & saine, que par prompte suppuration, ainsi qu'Hippocras le conseille. Les parties nerfueuses, fibres, ligamens, nerfs, tendons & membranes, qui ont senty tel fracas qu'elles en viennent à mortification & noirceur, sont par le mesme moyen de suppuration séparées de l'entier & sain. Aussi sont les pieces ou esquilles des os, que la chair en occupant leur dessus & fondement, apres la suppuration, pousse dehors: ou bien la grande exsiccation faicte en l'os, cause leur separation. Par tels moyens reste l'ulcere quitte & vuide de toute chose inutile & corrompuë: & lors nature commence de fournir peu à peu chair nouuelle, qui remplit la cavitē: dont les parties ia distantes & séparées, s'entretiennent & reünissent. Car la portion qui touche l'os rompu, estant plus deſeichée que le surplus, ou de nature, ou par medicamens Catagmatiques, tient les os ensemble liez & ferrez. La moyenne entretient les parties moyennes: & la supérieure, qui est à fleur de peau, renduë plus ſei-

*Au liure
des playes
de la teste.*

DES ARCBUSADES

che & plus serrée (ou de soy-mesme à raison de l'air, ou par medicamens Epulotiques) sert de cuir, s'attachant de toutes pars à l'autre qui est demeuré en son entier.

VOYLA tout ce que nous peut insinuer l'arcbusade, comme toute autre playe semblable, s'il n'y a rien plus en elle que solution de cōtinuité manifeste, avec telle contusion qu'il s'en ensuiue necessairement deperdition d'aucune substâce. Mais plusieurs medecins & chirurgiens, suiuan l'opinion & auis de maistre Iehan de Vigo, excellent chirurgien (lequel toutes-foys ils ne daignent nommer) qui premier à escrit de ces playes, depuis l'an 1503. n'accordent pas, que l'arcbusade ne soit composée que de ces deux sortes de mal:ains presque tous y adioustent igneité ou bruleure faisant crouste, & vn certain venin causant diuers facheux symptomes. Parquoy ils se proposent beaucoup plus d'indications curatiues & preseruatiues que nous: ce que ie pretens (avec l'ayde de Dieu) refuter ayisément & pertinemment, pour en fin conclure quels sont les vrais scopes en toute la curation.

I QVANT au premier point, s'il y a bruleure, ou non, ie ne doute pas que le boulet, ainsi qu'il sort du tuyau, ne soit chaud. Car il est touché du feu, & poussé de l'air inflammé, qui le conduit assez loing: outre ce que nostre atouchemēt (vray & competent iuge du chaud & du froid) iuge qu'il est manifestemēt chaud. Mais ie dis & affirme, que tel boulet ne peut

bruler ou cauteriser, mesmes de pres & à l'in-
stât qu'il sort, ce que toutesfoys peut bié faire
l'air inflammé qu'on void sortir flamboyant
de l'arcbuse. Or tel feu ne va gueres loing,
combien que l'air eschauffé accompagnant le
boulet avec quelque fumée, tât que le boulet
a de force. Dont on void au lieu qu'il frappe,
certain amas de fumée, & on y sent l'air plus
chaud que es entours: dequoy s'esuit quelque
noirceur & chaleur. Neantmoins cela ne peut
meriter nom de bruleure, ainsi que plusieurs
rattachent de prouuer par trois chefs d'argumés:
L'vn est prins de ce qui le pousse: l'autre de ce
qu'estant poussé frappe le corps: & le tiers, des
effets qui s'en ensuiuent. Ce qui pousse violéte-
mēt & fait aller d'extreme vitesse le boulet, est
la poudre inflâmée, ou le feu, qui requiert mil-
le fois autant de place que la poudre estant ter-
restre. Car vne poignée de terre se resoult en
dix poignées d'eau, & vne d'eau en dix poi-
gnées d'air, & vne d'air en dix de feu, comme
enseigne le Philosophe. Dont s'ensuit que le
feu est mille fois autant subtil que la terre, &
a besoin d'auoir mille fois autant de place.
Voilà pourquoy lors qu'une chose terrestre,
comme la pouldre, est soudain & immediate-
ment conuertie en feu, se fait telle violence à
faute de place. Ainsi donc le boulet est touché
& poussé du feu, dont il est manifestement es-
chauffé: mais non pas tellement qu'il puisse
brusler, dequoy le sens est certain iuge. Car
si on couure vn boulet de plus grand' quanti-

té de poudre qu'il n'en faut pour tirer six coups (à fin que le feu en soit plus grand) & on y met le feu, le boulet estant prins soudain que la flamme cessera, ne sera trouué si chaud qu'on ne le puisse bien manier sans aucune molestie: tant s'en faut qu'il vienne à brusler: & qui en est cause? faute de temps, car le plus grand & plus-aspre feu qu'on sache faire, ne peut en vn instant agir en tel subiet que le plôb, ou autre metal, rond & massif, tât qu'il y puisse delaisser impressiô de chaleur bruslâte.

II I E V I E N S au second argument, de ce qui est pousé, sçauoir est le boulet. Ils veulent qu'il puisse brusler, pour deux occasiôs: L'une est, de la poudre inflammée: l'autre, du mouuement impetueux duquel le boulet est agité. Quant à la premiere, nous l'auons maintenant assez refutée. Sur la seconde, ils fondent cest argument: tout mouuement eschauffe, doncques le boulet fort esmeu, sera fort chaud. Mais sans tant disputer par raisons mal citées, & plus mal entendues, il ne faut que toucher le boulet soudain apres qu'il a fait son coup, voire contre vn obiect dur qu'il le puisse eschauffer d'auantage. Qu'on tire d'une arc-buse de qualibre fort chargée contre vn boys fort espez, & que le boulet soit arresté d'une muraille assez prochaine, touchez le tout incô tinent: vous ne le sentirez pas de chaleur insupportable, & toutes fois la raison veult qu'il soit beaucoup plus chaud que celuy qui auroit percé vn bras, ou vne cuisse, ou le tronc

du corps : par ce qu'il trouue plus grande resistance: & de se frotter rudement parmy le bois assez dur, & depuis hurtant contre la pierre fort solide, il acquiert sans cōparaison plus grand' chaleur que à trauerfer la chair, ou les os, car il y a moins de resistance, & l'humidité peut rabbatre de la chaleur. Ceste experience est confirmée de la raison, & explique la prop̄sition physique cy dessus alliegée, que tout mouuement eschauffe. Laquelle il faut entendre des choses qui trouuent ferme resistance, ou qui s'entrefrottent en leurs parties. Ainsi voyōs nous que le marteau, la pierre, le bois, & autres choses dures s'eschauffent manifestement, s'elles frappent longuement, ou se frottent contre quelque corps solide. Et c'est à cause de l'air surprins entre deux, & tellemēt subtilié qu'il en est souuent conuertī en feu : comme on void des meules fort trauaillées, & du fusil. Autrement les corps s'eschauffent en eux-mesmes par l'entrefrottemēt de leurs parties : comme les animaux par le mouuement volontaire, par lequel les iointures premierement s'eschauffent de la confrication des os & des cartilages & de là tout le corps, iusques à pouuoir exciter la fièvre. Or ce n'est pas l'air agité par nostre mouuement qui nous rend ceste chaleur: car mesmement il ne peut estre eschauffé d'aucune agitation, ains plustost refroidy: comme on void de l'euentiliatiō. De mesmes l'eau est refroidie par son mouuement, & croupissante acquiert plus

DES ARCBVSADES

de chaleur. Comment donc sera-il possible que le boulet soit eschauffé de son mouvement parmy l'air, qui ne faict aucune resistance, & lequel ne conçoit aucune chaleur, ains plustost est refici ly par son agitation? Le boulet s'eschauffe-il en soy-mesme n'ayât parties qui se puissent entrefrotter? Reste seulement, que au rencontre & frapement contré le corps, il acquiere chaleur. Mais de cela il ne pourroit cauteriser, n'ayant auparavant excellente chaleur. Le ne m'arreste pas aux argumés qu'on faict du semblable, & par autorité: c'est que on a veu les fleches garnies de plomb iettées fort hault, ou loing, tomber sans plomb, comme s'il estoit fondu & resolu par la chaleur, & que si on les encrouste de souffre, il auindra de mesme. Ce que ie ne croy pas: car (comme aussi replique Laurens Valle) pourquoy est-ce que l'empennage ne brusleroit plustost? Et quand ie voudrois bien accorder que tel plomb se fondist, encor' y auroit à redire, pour n'auouër le semblable des boulets: car ils sont ronds & massifs, & pourtât mal-aisez à fondre: la garniture des fleches est d'une lame assez mince, & qui peult sans cōparaison mieux fondre. Mais que faut-il chercher des raisons cōtre le sens? Y a-il autorité d'Aristote, ou d'autre Physiciē, qui nous doue tāt persuader que la preuue, en ce dequoy le sentimēt peut & doit estre iugé? Voyla pourquoy ie ne daigne respōdre à ce qu'on obiecte auoir esté veu vn boulet de canon mettre feu à la pou-

dre qui estoit dans vne tour. Car il est tout euident, que la prochaine cause de tel embrasement fut quelque scintille de feu excitée pres de ladicte poudre, par le boulet frappant vne pierre ou barre de fer, ou autre chose dure. Et commēt le feroit vn boulet, qui n'est d'insupportable chaleur, que à-peine le plomb fondu peult allumer la poudre? Le ne peux taire vne braue subtilité inuentée de quelques vns, pour respondre à cest inconueniēt: Pourquoi c'est que le boulet ne brusle aussi bien l'abillemēt, la bourre, layne, ou cotton, comme on dit de la chair? Ils faignent que la chaleur du boulet est en tel degré, qu'elle ne peut brusler sinon la chair. Ainsi nous voyons (comme ils disent) vn fer chauld en tel degré, qu'il ne peult estre touché sans douleur: & ce neantmoins il ne pourroit gaster vn vestement. Grand' finesse, comme si c'estoit mesme chose, faire douleur & brusler. Ne sçauent ils pas que rien n'est subiect à deplaisir, qui n'aye sentiment? Trouuent-ils estrange que le drap, ou autre chose inanimée, ne reçoie mal de la chaleur qui sera douloureuse à la peau? Ce seroit bien autre cas, si le fer qui brusle nostre peau, ne pouuoit aussi brusler vn vestement: & au contraire. Et quant aux caustiques ou cauterres potentiels ils brulent fort bien le drap, le velours & le cuir: comme j'ay esprouue à mon dommage par vn cas fortuit a la premiere foys: & depuis bien souuent & tout expres, pour demonstrier si les medicamēs n'ont

leur chaleur de fait & actuellemēt, qui puisse agir sans estre excitée ou reduite à effect par la chaleur naturelle des animaux. Dequoy i'ay vne dispute contre la commune opinion, au premier de mes Paradoxes : mais l'experience nous tesmoigne de la verité. Touchant au plomb fondu, lequel (ainsi qu'ils affirment) peut brusler nostre corps, & non pas le linge, le drap, papier, cotton & semblables, ie nie pertinemment telle proposition: car le sens de mostre que mesmes le bois en est bruslé, sinō qu'il soit fort lis & dur. Et si la chair en est pl⁹ offensée que les vestemens, c'est à cause de sa moleste, & sensibilité: Car l'ardeur excitant douleur fait vesication, qui est l'un des effects de la brusleure. Mais quoy, le boulet sortant de arcbuse est bien loin d'estre fondu, puis qu'il n'est pas mesmes gueres chaud.

III V E N O N S au troisieme & dernier chef de leurs argumēs, qui est des effects, & auquel ie trouue autāt ou pl⁹ de faute qu'aux precedés: nonobstant qu'il soit beaucoup plus aysé de prouuer quelque chose par le consequent & posterieur, que par sa cause. Ie dy plus aysé, entant que les effects sont plus manifestes, & que les sens doiuent estre creuz au iugement de leurs obiects. Et ie voy qu'en tels argumens ils nient le sens, & abusent euidentement de l'euidence des effects, quand ils affirment, que toutce qu'on trouuees playes de bruleure, est semblablement es archusades: & nommément l'ardeur, ²& rougeur à l'entour, ³crouste

ou le feu a touché,⁴ que le sang n'en sort point ou peu,⁵ & que le mal croist ou empire durât neuf iours. Quant au premier symptome, il semble controuué de ceux qui n'ont esprouué & senty l'arcubade. Car les blecez ne s'en plaignēt aucunemēt, ou fort peu, iusques à la venuē de l'inflammation & suppuration. Ioinct que de leur propos il sensuiroit, que ceux ausquels le boulet reste dans la chair, en sentiroient plus de mal, que quād il outrepasse vitement, ce qui est faux. Car toutes autres choses demeurās pareilles, celuy en est beaucoup moins fasché à qui le boulet n'est entré gueres auant, & en peut facilement estre retiré: de sorte que plusieurs ne fauissent de long temps qu'ils soient blecez, qui toutesfois deueroient sentir vne grand' ardeur au lieu du boulet retenu, entant que l'adustion s'y faict à loisir. Car toute bruleure, mesmes faicte en vn instant, soudain faict extreme douleur: combien plus celle qui tout à loisir, comme quand on brulle à petit feu? Si on respond, que l'arcubade ameine double cause de douleur, sçauoir est solution de continuité, & ardeur: dont l'vne obscurcit l'autre (c'est la grand solution avec contusion, qui faict douleur pesante, cōme ils disent, plus vehemente que de l'ardeur) ie demāderois volontiers, si le malade ne sent telle extreme chaleur: qui peut asseurer qu'elle y soit? La raison, direz vous: *li. 2. Apho.*
& reciterez sur ce mal à propos l'Aphorisme *46.*
d'Hippocras, cōme fōt quelques vns: Sideux "

DES ARCEVSADES

“ douleurs moleſtent en meſme temps, la plus
 “ vehemente obſcurcit l'autre. Mais c'eſt tres-
 mal cité: car la ſentence porte, que les dou-
 leurs ne ſont en meſme lieu ou endroit du
 corps: & ceux-cy veulent que en meſme part
 ſe rencontrent la douleur de ſolution avec
 contuſion, & celle de l'ardeur. Et bien, ie
 veux que le boulet ſoit bruſlant, & que par
 ce moyen il faſſe vne partie de la ſolution:
 d'ou vient que le blecé ne ſent grand ardeur
 pour lors que la playe ſe fait, ne tantost apres,
 tout ainſi que celuy qui eſt cauteriſé du fer
 chaud? Ceſtuy-cy n'a pas moins que l'autre
 deux occaſions de douleur, en meſme temps
 & meſme lieu: ſçavoir eſt la bruleure, & la ſo-
 lution d'vnite, deſquelles la bruleure eſt la
 plus vehemente. Que n'aient il ſemblable-
 ment du feu porté par le boulet? Touchant à
 la rougeur d'a l'entour, elle ſ'y void quelque
 peu de temps, a cauſe du ſang qui deſſue enui-
 ron la partie offencée: & meſmement ſ'ecoule
 des vaiſſeaux contus, creués, & briſés. Dont
 ſ'enſuit Ecchymofe ou Hypoſphagme, ſelō les
 Grecs. Mais telle couleur eſt tantost changée
 en noire, liuide, ou plombine: & a l'entour
 de la playe on voit le plus ſouuent comme de
 fuye noire & graſſe: qui eſt de la vapeur du
 ſang refroidi & noir, & des parties ſpermati-
 ques auſſi corrompues & noircies. Parquoy
 la fuſdite rougeur ne peut ſignifier aucune a-
 duſtion, veu qu'elle n'eſt ordinaire, ny perma-
 nente. Et non-plus la crouſte (des Grecs nom-

mée Eschare) tres-improprement vsurpée en cet endroit, veu que c'est chose fort dissemblable à crouste, excepté en couleur. Car la trace que laisse le boulet noire ou liuide, n'est que de la chair & autres parties meurtries, déchirées, & abréuées de sang refroidi: & pour ce telle substance est plus molle & flaccide que la saine, approchant de baue & d'éponge. Au cōtraire, la crouste faicte de bruleure, ou bien d'humeur brulé comme es rognés & vlceres, est dure & rude, plus ferme que la peau. Dont par metaphore on dit croute de maintes choses plus solides & fermes que le dessous: comme croute de pain, de fromage, de pasté, &c. Et c'est le propre de la crouste, qui ne peut aucunement s'accommoder à ce qui est frayé, & moulu. Quelqu'un de bō esprit, subtil, sçauāt, & de grād experience, pour sauuer ceste crouste, allegue le naturel de certains medicamens lesquels on tient du ranc des caustiques, qui toutesfois ne font que fondre la chair, & la gaster, en induisant noirceur. Car on fait deux sortes de caustiques: les vns sont nommez Septiques ou Tectiques, c'est à dire pourrissans ou liquefactifs: les autres Escharotiques, c'est à dire faisans crouste. Quant aux premiers, ils sont de tenuës parties, & penetrans, dont ils fondent: & ayant bien tost executé leur force, laissent en la partie mollesse & humidité. Les autres sont de substance crasse, & tardifue, cōsumans de peu à peu l'humidité naturelle, & rendans la partie toute asseichée & terrestre.

*C'est mai-
stre G. L.
chirurgien
de Momp.*

DES ARCEVSADES

Or si à tels seullement conuient l'appellation de crustifique, il ne faut alleguer les autres pour introduire nouuelle façõ de crouste, qui n'est rien moins que croute. l'accorde biẽ que la vraye eschare en fin deuient molle, comme baue, mais c'est par l'vsage du suppuratif. Et si c'estoit assez d'auoir la couleur noire, & estre chose superfluẽ, pour acquerir ce nom d'eschare: ie dirois que la melancholie est vne crouste, & que en l'enchymose ou meurtrisseure y a croute, & de mille autres choses à qui le nom d'eschare n'appartient aucunement. Ce qui plus abuse ceux qui deffendent vne telle opiniõ, est qu'ils voient sortir de la playe quelques fragmẽs des parties nerueuses tous noirs, ne plus ne moins que les portions de la vraye eschare estãt pourrie. Mais nous auons souuẽt obseruẽ les playes faictes de la pointe d'vne halebarde, ou du taillãt mesme, leur estre semblables: tellement que passẽs le troisiẽme ou quatriẽme iour, on ne pouuoit discerner qui estoit le coup de l'arcbuse, & qui de la halebarde. Toutes-fois qui voudra appeler telle substance crouste ou miẽ, c'est tout vn, pourueu que nous accordiõs que ce n'est autre chose que portion corrompue des parties contuses, & demi mortes, cõme ia destituẽes du gouuernemẽt de nature: subãstcelasche, molle & humide pour le sang superflu qu'elle contiẽt, & noire, pour le mesme sang refroidy, & à cause de la mortificatiõ. Quelle est de plus-grand' estenduẽ que la simple trace du boulet, pour le fra-

cas de diuerſes parties, à raiſon de leur cōtinuité: & meſmement ou les os ſont eſclatez, & de leurs fragmēs ſōt ample meurtriſſeure. Qu'elle pourrit neceſſairemēt, ſi elle n'eſt preuenue de loüable ſuppuratiō: & cōduit promptemēt le mēbre à gangraine, & à totale corruption. Finalement qu'elle elle n'eſt cauſée de feu, ou de matiere aduſte, cōme la vraye crouſte, veu que toute autre choſe fort meurtriſſante, faiſt le ſemblable: ainſi que l'experience, confirmée de pluſieurs raiſons, le demonſtre. I'y aiouteray encor' l'autorité de Paul Aeginete, qui baille meſmes ſignes des coups prouenās d'une fonde, que ceux que nous voyons de nos arcuſades. Et pourtant (dict-il) que bien ſouuent on iette d'une fonde pierres, ou caillouz de riuere, ou plōbées, ou choſe ſemblable, & cela ſ'attache ou imprime au corps, tant à cauſe de la violēce, que de l'anguloſité, & tu le cognoitras de ce que rencontreras une tumeur inegale, & que la rompure ne va pas droit, que la chair eſt enſlée, centuſe & liuide, auſſi que la douleur eſt avec grande peſanteur, &c. Or que la noirceur ou ſinidite de l'arcuſade ne ſoit faiſte de l'aduſtion, ne meſmes du ſeuil frottemēt de la balle de plōb, ou de la teinture de la poudre, ou de ſa ſumée, ains de la ſeuile cōtuſion, il y a tref-certain argument de ce, que nous voyons quelques vns frappez du boulet qui trauerſe beaucoup de chair, touſiours accompagné de la chemiſe, ou des chaufſes, ou du pourpoint:

li. 6. ca. 33.

DES ARCBUSADES

sans que ledict boulet touche immediate-
ment aucune partye du corps : & neant-
moins la playe en est liuide ou noire. l'en ay
veu ausquels le matelas de la chauffe estoit en-
tré dans la cuisse enuiron dimy epan, avecques
le boulet, qui en estoit retyré quant & le ma-
telas. l'ay ouy dire a gens dignes de foy, qu'on
a veu la chauffe, doubleure & taffetas trauer-
sez avecques la balle de l'autre costé: Et quât
aux accidens de la playe, estre du tout sem-
blables aux communes arcbusades. A S. Iean
d'Angely vn capitaine fut frappé au bras d'une
arcbusade tirée de loing, qui ne persa aucun
des vestemens & n'entama la chair. Il y suruint
vne gand Echymose & noirceur : & combien
que les chirurgiens fissent bien leur deuoir,
la gangrene s'en ensuyuit. De quoy on peut
confirmer nostre auis, que le boulet d'arc-
busade n'imprime au corps feu ou venin, ains
que si tels maux accôpaignent la playe, c'est
par la seule contusion qui peut exciter grande
inflammation & gangrene. Je ne puis dissimu-
ler la reprehension iustement deuë a ceux
qui r'apportent la cause de la noirceur a l'air,
violentement introduit en la playe, qu'ils
veulent estre principale occasion de la grand
estendüe de telle decoloration, & mesmes de
l'extreme dilaceratiõ, qu'o void en ces playes:
Car comment le fera mieux l'air fort rare &
mol, que le boulet rassis & dur, porté d'aussi
grand' impetuosité que l'air, & faisant vn ren-
contre plus rude & plus violent sans compa-
raison?

raison? L'air qui precede le boulet, & est poussé dedans surprins contre la peau, vestement ou armeure, ne le fera pas. Car il est en fort petite quantité, c'est autant que la balle en peut surprendre cōtre la superficie du corps. Et comment se peut tant esprendre si peu d'air, qu'il brise & fracasse à demy pied loin de la playe? Il n'a besoin de plus grand' place dedans, que hors du corps. Ioint que si le boulet perce de part en part, l'air surpris le precede tousiours, & sort avec le boulet. Dont ne peut s'insinuer au mēbre pour le frayer, meurtrir, & decolorer: ou s'il le fait, ce ne sera de grand' estendue. Ce n'est pas aussi l'air qui succede & entre apres le boulet, trouuant le pertuis fait: car combien qu'il allast aussi viste pour preuenir le vuide, que feroit le boulet deplaçant l'air qu'il rencontre: il n'a pas telle roideur que le boulet: Ioinct que la playe se refermant soudain, ne reçoit beaucoup d'air. Mais a ce propos il fault bien entendre cōmēt l'air suit la balle, & que ce n'est pas l'air qui la pousse & la iette de telle impetuosité, ains le feu requérant mille foys autant de lieu que la poudre, cōme dessus a esté dit. L'air ne faict que succeder, pour remplir le vuide du passage du boulet: dont il se r'amasse tāt des costez que du derriere, à fin qu' aucun ne pense que l'air suiue en droite ligne, courant aussi viste & de telle impetuosité que le boulet. On void le semblable en l'eau, si on y iette quelque chose qui aille à fond. L'eau succede de tout

DES ARCBVSADES

l'entour a r'emplir ce qui resteroit autrement vuide. Donques c'est vn grad abus d'imaginer que l'air pousse le boulet, & que ce soit luy qui l'applatit contre vn os, ou contre la pierre: de quoy aucuns sont encor plus persuadez, quand ils voyent le boulet auoir graué dans la muraille, & estre caué ou enfoncé par derriere: comme si l'air impetueux l'auoit ainsi cogné. Mais vne fonde, ou arc a ialet fera de mesme, ou il n'y a aucune suspicion d'air proiettant le boulet qui sera fait d'argille. Car s'il rencontre vn mur qui luy cede vn peu, il renuersera des bors à l'entour de son centre, lequel pour l'espeueur est tousiours le plus ferme. Ce qu'on verra encor plus aysemēt, si ledict centre est de matiere plus dure que le reste. Et pour ceste preuue ne faudra iecter que de la main assez rudement: il s'en ensuiura tel effet. C'est trop discouru & raisonné pour demonstrier que la noirceur & liuidité es arcbusades n'est que de la contusion faicte du boulet, non-pas de brusleure, & moins de l'air impetueusement porté dedans la playe. Autant faulx est ce que plusieurs affirment, pour maintenir l'adustio: que de la playe faite d'arcbusade, ne sort goutte de sang, ou bien fort peu. Car nous en voyons ordinairement qui saignent de sorte qu'on a bien affaire a s'ister l'heimorrhagie: mesmement lors qu'un grand vaisseau y est blecé. Quanta l'experience de ceux qui disent auoir veu que d'un bras ou d'une jambe couppés d'une canōnade, ne sortoit aucun

sang : en receuant telle proposition comme du nombre des rares contingentes, & pour ne les dementir, (car aussi l'ay-ie de bonne part) ie diray comment cela peut estre faict sans cauterisation. La vraye cause est double : l'une, & la principale, c'est la grand frayeur & étonnemēt conçu du coup, dont nous voyons la plus part des blecez si prosternez & esperdus, qu'ils semblent n'auoir point de courage, & comme prochains de la mort, pour l'horrible terreur qu'apporte cest instrument diabolique. Or qui ne sçait que de la crainte ou desiance, ou de l'apprehension du mal, le sang est arresté dans ses vaisseaux, & cesse de couler ou verser, & s'epandre aux parties externes, mesmes ayant ouuerture & libre passage, celuy n'a pas bien obserué la palleur & froideur qui aduient de peur : ny le sang copieux s'arrester tout à coup en la phlebotomie, choses tant ordinaires que rien plus. Donques si la frayeur & crainte d'en mourir surprend le blecé, avec l'horrible tristesse de se voir inutile, le sang en peut estre retenu : & tant que la perturbation durera, on ne verra grand' haimorrhagie. Mais apres certains iours, que le malade sera plus asseuré, la playe pourra commencer à saigner : sinon que par grand' abstinence (en tel cas necessaire) la quantité du sang soit fort diminuée. L'autre raison est, que les parties fracassées & contuses senflent tantost apres le coup : de sorte que bien souuent elles bouschent le passage, tant

DES ARCBVSADÉS

qu'on n'y peut mettre tête qui vaille, & mois vn seton. De cela peut auenir que le sang est supprimé, lequel autrement verseroit par les orifices. C'est ce qui cause si grand liuidité en tout le membre, & le faict tóber en gágraine, ou pour la grand inflámation, ou de ce que la chaleur est estouffée sous l'abondance des humeurs. Ainsi donc il ne faut r'apporter la suppressiõ du sang a la bruleure faite par le boulet, veu que cela n'auient en toutes playes d'arcbusade: & le q boulet (biẽ qu'il brustast) ne peut si bien cauteriser qu'il arreste le sang des grans vaisseaux, passant de telle vitesse: Car mesme le fer rouge de feu, duquel nous arrestons les hæmorrhagies quand il peut toucher au vaisseau, n'y sert point si on ne l'imprime fort, & bien souuent il y faut retourner quatre ou cinq foys. Je viens à la dernière condition, qu'ils veulent estre commune aux bruscieurs & arcbusades: c'est, que telles playes empirent neuf iours durant, comme le vulgaire dit que la brusleure croist durant neuf iours, qui est vne allegation trop indigne de medecin ou chirurgien rationel: cuidoier que certaine limitatiõ de iours soit essentielle ou inseparable d'aucune espece de mal. Et si quelqu vn respond, qu'il faille entendre ce propos, ou de l'eschare improprement ditte ou de la suppuration, ce n'est rien dit. Car qui ne scait, que selon la nature des parties, & la diuerse complexion des corps, quelques playes contuses sont tantost suppurées, & les

autres bien tard? Toutesfoys le plus commun des archusades en parties charnuës, & es corps bien conditionnés, l'air estant de mesme, est de supputer aysément, & en brief, cōme dans trois ou quatre iours: ce que i'ay bien curieusement & fidelement obserué, pour reprendre ceux qui soustiennent le contraire. A tous ces paralogismes deduis fort confusément, par ceux qui (a mon aduis) s'abusent au faict des archusades, voulās prouuer que le boulet cauterise: i'en adiousteray vn qui leur semble des plus fors, & est prins des effets. On void que l'entrée de l'archusade est plus aduste (comme ils parlent) & plus crousteuse, que la sortie, & que tout l'entre deux, pour ce que (disent ils) le boulet est plus eschauffé au premier rencontre: car en persant il se refroidist, tellement que ne peut brusler par tout, ainsi que par tout il faict contusion. A quoy ie respons, que la seule contusion est cause de telle difference: d'autant que le boulet est plus violent dentrée, & y trouue plus de resistance: car la peau y est ferme, soutenue des parties suiettes. La chair est molle, & cede facilement: les os fescclattent: & les parties moyēnes se brisent. Dont le boulet estāt paruenü à l'autre costé, ne trouue telle resistance: mesmes il n'y a rien qui soustienne la peau, si ce n'est l'armeure. Car de l'abillement il n'en faut faire cas. De ce il aduient que l'issüë est inegallement deschirée: tout ainsi que quād on perse du boys, le trou est plus rond,

DES ARCBUSADES

plus net, & plus petit d'entrée, qu'il n'est à la sortie. Voyla deux raisons, pourquoy la playe est plus liuide d'entrée: desquelles la seconde conclud plus pertinemment. Car si d'un mesme coup sont persées les deux cuisses, ou le bras & la poitrine, il est tout certain que le boulet est plus impetueux au sortir de la premiere, qu'à l'entrée de la seconde playe: & neantmoins la seconde sera d'entrée plus liuide & plus meurtrie, que l'issuë de la premiere. Ainsi aduient-il quelques-fois, que le harnoys soutenant la partie opposite, est cause que le boulet ne traspérera, ains rabbatu & retenu ne fera que dilater en meurtrissant la peau: & autresfois il rompra ou enfoncera la maille, ou autre armeure, & restera dans la peau seulement relachée & élueë. Mais si le membre a la chair plus ferme à la sortie, ou autre telle resistance, indubitablemēt la playe se demonstrera autant ou plus contuse à son issuë, qu'à l'entrée, comme on void bien souvent. C'est donc la contusion, & non-pas aucune bruleure, qui faict telle difference: ce qu'on aperçoit iournellement auenir des autres contusions. Me reste à combattre vne opinion venuë apres toutes les autres, laquelle semble vouloir les rembarrer par quelque subtil moyen, ou sophisme: concluant que l'adustion es arcbusades est d'autre occasion que les premiers n'ont estimé. C'est vn maistre François de Rota, qui ayant distillé son cerueau à reprendre tous les autres, fect le

plus finement trompé. Car voulant ratiociner contre le sentiment, il se monstre court de plus d'un grain. Voicy en substance l'opinion qu'il maintient. Les boulets iettez d'une arcbuse ont chaleur brulante, non-pas de fait ou actuellement, ains en puissance: comme on dict du poiure, du pyrethre, orpiment, & semblables. Telle chaleur luy aduient du projet violent, & de l'exhalation de la poudre allumée. Or elle est decouuerte ou manifestée & reduitte à effect, lors que le boulet frappe vn corps qui a chaleur actuelle, comme est le nostre, autrement la chaleur du boulet n'agit point, non-plus que celle des susdits medicamens. Et pour ce, quand la main le touche des aussi tost qu'il est tombé à terre, il n'est trouué ardent: car la percussion est cause sans laquelle telle chaleur n'opere mesmes en nos corps: & faut que le boulet entre au dedans, ou qu'il hurte fort à la peau. Dequoy on peut comprendre, d'ou vient qu'il ne met feu au coton, à la bourre, l'aine, lin, ge, drap, & autre chose inanimée, ou qui n'a de soy chaleur euidente qui puisse mouuoir & exciter celle du boulet. Quant à l'allumer de la poudre semblable à celle qui donne au boulet puissance de brusler, le boulet ne la peut inflammer, non-plus que le souffre le souffre, ou l'arsenic l'arsenic, ou autre tel caustique: d'autant qu'il n'y a aucune chaleur actuelle. Et combien que le boulet aye telle chaleur acquise qui puisse brus-

DES ARQUEBUSADES

- ler nostre corps ; toutes-fois il ne se fond
 - pas , quand seroit bien de cire : & le papier
 - maché ne brusle pas : car telle chaleur est en
 - certain degré de ne pouuoir brusler que le
 - corps de soy & euidemment chaud, lors qu'il
 - le est excitée de chaleur actuelle . De la fen-
 - suiuent les effets ou symptomes diuers : com-
 - me noirceur ou liuidité, à cause de l'adustion:
 - plus grand' douleur qu'es autres playes de sim-
 - ple contusion, à raison du feu , & du venin de
 - la poudre, dequoy sera tantost parlé: la creu-
 - ste molle & humide, non-pas dure & seiche
 - comme les ordinaires , pource que telle adu-
 - stion est avec grand' contusion, qui cause li-
 - quefaction & humidité liuide, &c . Voyla le
 sommaire de son beau discours, auquel ie res-
 pondray suffisamment en bien peu de paro-
 les, si ie r'enuerse son fondement aussi mal as-
 seuré qu'il en fut iamais : car s'il est mal posé,
 tout le bastiment & ses appendens iront par
 terre. Ie ne m'arrestteray point à combattre le
 propos sur lequel il fonde sa cōparaison: c'est
 de la chaleur des medicamens , non actuelle,
 ains en seule puissance, comme tient le com-
 mun des medecins : car ie l'ay assez refutée au
 premier des Paradoxes: mais cōme si cela estoit
 vray, ie ne me prendray qu'à ses propres rai-
 sons . Il veult que le boulet acquiere de l'im-
 petueux mouuement , & de l'exhalation de la
 poudre , certaine vertu de brusler , telle que
 les caustiques ont de nature : & que, comme
 ceux cy requierent d'estre brisez, ou autre-

mēt dissoulz, & alterez (comme on dict) de nostre chaleur naturelle, à fin que leur faculté soit reduitte à effect: ainsi le boulet requiert la percussion du corps, & l'action de nostre chaleur naturelle. Mais comment se pourra faire telle reduction, à l'instant que le boulet traaverse le corps, ou vn membre? N'a-il pas besoin du temps & du sejour, comme les autres caustiques? Est-il de plus subtiles parties que l'arsenic, le vitriol, & semblables, qui ne peuvent imprimer leur chaleur qu'avec quelque sejour? Au cōtraire, le boulet qui n'arreste au membre, ains outre-passe en vn moment, faict plus grand' combustion, à son dire, dont s'ensuiuroit, qu'il seroit plus fort caustique, & plus actif, que les medicamēs ausquels on le compare. Et sil est tel, que ne fait-il plus grand' & plus épesse crouste? Si vn razoir ardent passe viste par vn membre, il le cauterisera euidentement: mais sans comparaison plus, si on taille bellement & à loisir. Ainsi donc il faudroit, que le boulet venant de fort loin, & qui ne peut traaverser, ains s'arreste parmy la chair, causast beaucoup plus de fascheux accidens pour la brusleure, & venenosité: ce qui est notoirement faux & absurde. Je ne veux alleguer autres raisons pour refuter vne telle opinion, veu que son ineptie est assez manifeste: dont s'ensuit que toutes les conclusions qui en reuiennent, sont de mesme condition. Il me suffit d'auoir renuersé les fondemēs.

S'ENSVIT l'autre mal qu'on adioute à

DES ARCBUSADES

S'il y a du l'essence ou complication des playes faictes
venin aux par instrument a feu . C'est le venin , pour
aribusades. lequel plusieurs combattent , en allegant
 maintes raisons , qui peuuent estre reduites
 à deux chefs . Le premier est , de l'essence &
 propriété de la poudre , qu'on estime veni-
 meuse . L'autre de ses effects , ou de ce qu'on
 apperçoit es corps des blesés . Quant au pre-
 mier aucuns veulent prouuer que la poudre
 est venimeuse , par sa compositiō & mixture :
 les autres par ses qualitez manifestes : quel-
 ques vns affirment que c'est d'une proprie-
 té occulte . Il y en a qui veulent dire , que sa
 vapeur seulement est venimeuse , & non son
 corps . Or touchant la composition , elle n'est
 que de trois simples : du salpêtre , du souffre ,
 & du charbon qui est fait de saule , ou de
 noyer , de sarmens de laurier , de cannes , d'e-
 corce de fruit de pin , ou autre bois doux &
 tendre : toutes lesquelles choses peuuent
 estre auallées & mises dans le corps sans au-
 cun danger , cōme l'experience le tesmoigne ,
 & nul y contredit . On y adioust pour liai-
 son vn peu d'eau cōmune , ou de vin , ou d'eau
 ardent , qui sont salubres . D'ou est ce main-
 tenant que la poudre prendra qualité veni-
 meuse ? Nul medicament composé peut estre
 venimeux s'il n'a aucun simple de telle con-
 dition : ains au contraire , il peut estre salu-
 bre , nonobstant qu'il recoiue aucuns simples
 qui a part eux soient veneneux , comme on
 void de la theriaque (royne des composi-

tions) laquelle a du suc de pauot, & autres poisons qui toutes-foys sont si bien corrigées par leurs antidots & cōtraires, qu'elles ne peuvent sinon faire proufit. De dire, qu'une composition faite de simples non venimeux puisse estre venimeuse, à raison de certaine proportion, ou melange, c'est vne grand' reuerie: combien qu'il soit tres-veritable, que des mesmes simples on fera diuerfes compositions (c'est à dire differentes en vertu) selon leur proportion diuerse: mais non-pas qu'il auienne en genre ou en espee autre faculté, que de celles qui sont trouuées aux simples a part eux. Parquoy ne sert de rien alleguer pour exemple le fârotic proposé de Galen, qui reçoit d'huile de cire, & du verdet, desquels nul à part soy est incarnatif: d'autant que l'un deterge trop, & les autres ne mondifient pas. Car si nul d'iceux auoit faculté deterfiue, elle ne se trouueroit en tout le medicamēt. Et que fait la composition, si nō reduire a certain degré toutes les qualitez des simples medicamens? Quant aux qualitez manifestes que aucuns alleguent, disans que la poudre est venimeuse, comme estant chaude au quatriesme degré: par ce que le souphre est chaud en tel degré, & le salpêtre (qui y est aiouté au decuple) chaud a la fin de second: c'est la plus sotte proposition qui fut iamais auancée, & qui se contredit le plus lourdement. Car si les dix parts sont de salpêtre, chaud au second, & vne de charbon

*Au li. 3 de
lamesho. ch.*

2

DES ARCBVS ADES

(qui n'a chaleur manifeste) contre vne de souphre chaud au quatriesme , toute la composition ne scauroit atteindre au troisieme degre. Mais quoy ! donnons leur que la poudre soit brulante : elle ne sera pourtant venimeuse, non-plus que le pyrethre. Car le feu mesmes n'a aucun venin : ains au contraire il le consume & chasse:conforte les parties, & destruit toute maligne qualite. Si on veut dire, que les medicamēs chauls au quatriesme sont deleteres, pource qu'ils peuuent destruire nostre corps, ie nieray la consequence. Car tout ce qui nous peut faire mourir, n'est pas venin : tesmoin la dague frappant au cœur, le cordeau qui estranglé, le catarrhe qui estouffe, & semblables: combié que tout venin ruine nostre corps. Ie taife l'experience des Allemans, qui boient de ceste poudre avec du vin, sans aucun dommage: & des autres qui en farcissent leurs vlceres, ou la playe d'arc-busade(argumens tres-necessaires & par trop euidens, pour conclure que telle poudre n'a aucun venin) comme estant vraiment sarottique:ainsi que l'experience le monstre: Aussi a telle excication & deterfion fort euidente.

III

Ces mesmes responce peuuent suffire aux tiers opinans, qui afferment la poudre estre venimeuse, d'une proprieté occulte, sans toutef-foys auoir particuliere inimitié cōtre quelque partie de nostre corps : ainsi qu'aucuns deleteres nuisent plus à vne partie que aux autres: & que ceste poudre ne peut

offencer qu'en blessant & faisant playe, tout ainsi que le boulet ne peut brusler s'il ne fait solution d'vnité. Ce sont propos faulxement controuuez par gens qui taschent d'obscurcir d'auantage ce qu'ils ne peuuent comprendre. Que faut-il tant barbouiller, quád l'euidé ce des effets cy dessus alleguez, contraint le plus rude Physicien de confesser, que la poudre n'est en rien venimeuse? Mais quoy, fust ce bien de la quinte essence de la peste, distillée de cent mille barathres pestilans, commét pourra la poudre enuenimer le corps qu'elle ne touche point? N'est elle pas conuertie en feu perdant sa forme, & tous ses accidens? Et si demeurant en son entier, elle peut enuenimer, ceux qui en ont des grains au visage, ou ailleurs seroient empoisonnez, & telles playes venimeuses: qui est chose par trop ridicule. Et non moins ce qu'ils alleguēt pour fin de compte, faisans comparaisō de la poudre inflāmée & de son effet, au fondre: disans que comme fondre est venimeux d'une conditiō occulte, tellemēt que le betail qui en est frappé ne'st bon à mager: ainsi que la poudre est venimeuse, & ce que touche le boulet est enuenimé, comme la playe & tout le membre: mesmement que les animaux tués d'arcubade ne prennent sel. Je suis content qu'ils le croiēt ainsi, & que pour asseurāce de leurs personnes ils ne mangent d'aucun gibbier prins à l'arcuse, ains soient tenus (s'ils sont chasseurs) de le m'enuoier tout, & je-

leur pardonne ma mort si i'en suis empoisonné. Voila vn extreme enforcelement, de ne voyr goutte en plein midy, & ne se vouloir arrester aux effets si euidens? O que Ciceron dit bien qu'il n'ya rien de plus pernicieux à celuy qui apprend, que l'oppinion desia imprimée. Car on s'y afferme du tout, sans y oser

IIII aiouster son iugemēt. Venons au quatriesme & dernier auis, de ceux qui se contentent que la seule vapeur de la poudre soit venimeuse pour autāt qu'elle est fuscitee de chose aduste. Mays qu'y faict l'adustion, si la matiere subietten'est venimeuse? Quant aux faiseurs de poudre qui s'abstiennent des choses acres, estās enseignez de l'experience : ie confesse qu'ils sont tref-bié: car ladite poudre les altere de sa vapeur, & ils sont assez eschaufez du travail, dont sans telle abstinence, elle nuiroit beaucoup a tout le corps, non seulement au nez, & au gosier, toutes-foys cela n'arguë aucun venin. Car le mesme doit estre obserué de ceux qui pilent les epices, lesquels on ne peut estimer poison, estās aromatiques & fort cordiales en deuë quātité. Il n'ya aussi lieu de pēser, que telle vapeur deuienne venimeuse par son mouuenent, ou de la transmutation de la poudre en feu. Car quel venin peut dōner le mouuemēt, quand nous voyōs que l'air & leau par leur agitation se corrigent des mechautes qualitez? Le feu encores plus (voyre du tout) contraire au venin, l'amortit entierement: ainsi qu'on void de la peste,

de la morsure des bestes venimeuses, & semblables. Donques ie peux mes-huy conclure, que la poudre n'est venimeuse en son essee, ne de sa proprieté. Voyons maintenant si neantmoins elle produit des effets venimeux ainsi que la plus-part des escriuains affirmét. Ils auacent, que les playes d'archusade, a cause de la poudre, sont avec grãd erosiõ, mordicatiõ, douleur & pourriture: que souuét elles deuïennent vlceres virulens, corrosifs, ambulatifs, & malins de toute sorte qu'elles rendent saine puante, & que leur eschare est putride: que souuent y suruiuent gangrene, & entiere corruption: que pour le moins la partie en est fort intemperée, & de tresmauuaïse habitude, enflée pleine de vent. Dauantage, que ladite poudre fait colliquatiõ des chairs, comme les medicamens septiques, qui sont de tout leur genre venimeux: & combien que elle puisse valoir es playes d'archusade ou auallée, ou appliquée (ainsi que plusieurs esprouuent) elle n'en est moins deletere. Car on void bien que toute beste venimeuse concredit a son venin, & que la poison sert d'antidot, comme l'arsenic contre la peste, si on le porte a l'endroit du cœur. Ce sont leurs principales raisons, fort aysées à rembarer, mesmement de ce que nous voyons ordinairement auenir de la bruleure de telle poudre inflammée. Car si elle estoit venimeuse, les vlceres faits de sa brulleure, seroiēt beaucoup plus enuenimez que les archusades,

DES ARCBUSADES

lesquels toutes-fois nous ne trouuons d'autre nature que ceux d'un autre feu, ou d'eau bouillante, comme i'ay senty en moy-mesme. Quant à ce qu'ils attribuent aux playes & vlcères d'arcbusade. ce n'est pas de leur nature & essence, pour en faire des signes pathognomiques: ains sont diuers accidens qui aduiennent quelque-fois, ou le plus souuent, quelque-fois n'auient pas, selon la condition du corps, qui est en bon point, ou cacochyme, & selon le naturel des parties: ioint la maniere de viure, contenant les six choses naturelles, qui peuët fauorir la guerison, ou empirer le mal. Ainsi d'un petit coup d'espée, d'une pointure d'eguille, d'un coup de baston ou de pierre, qui ne sont matieres venimeuses, quelque-fois la playe se conuertit en vlcere tres-malin: ou s'en ensuit gangrene, & mort. Or qu'es arc-busades il n'y a necessairement (comme il faudroit, si c'estoit de l'essence du mal, & que ce prouient de la poudre) erosion, mordication, & grand' douleur par dessus l'ordinaire des autres solutions d'vnité: ceux en peuuent tesmoigner qui ont playes en partie fort charnuë, sans que notables nerfs, tandons, & ligamens, ou les fortes membranes, soient contuses & dechirées. Car ces parties nerueuses ont cela de propre, d'estre fort subiettes ausdicts accidens, quelle que soit l'occasion du mal: & mesmemēt de reietter vne si sanie verdoyante, que le vulgaire nomme, & per se estre venin. Il y en a de noire, qu'on estime la pire: neant-

néanmoins aux arbusades, (ou elle est fort frequente) ne demonstre aucune malice d'humeur aduste & corrosif, ou autrement pernicieux, ains prouent communément des parties spermatiques fracassées & meurtries, qui se noircissent promptement, & rendant sanie de mesme. Quant à la pourriture & puanteur tres-familier à ces playes, elle vient de trop grand' affluence d'humeur, à cause de la contusion, & à faute de chaleur naturelle qui la puisse regir ou employer: & non-pas d'aucun venin. Et qui ne sçait que les contusions sont fort subiettes à telle corruptions, si la suppuration conuenable ne la preuiant bien-tost? De là procede la gangraine, & (qui pis est) le Sphacele cadauereus, duquel les vapeurs infectent le cœur, & le cerueau, dont s'ensuiuet diuers & malins accidens. Ainsi ce n'est d'aucun venin de la poudre que prouient la syncope, & grande lascheté, comme Iean de Vigo m'accordera: car il dict, que le venin de ceste poudre (qu'il a pensé estre venimeuse) ne tasche pas d'assaillir le cœur, & autres parties internes. Mais de ce propos ie renuerserois suffisamment son opinion, car tout venin de sa nature assaillit le cœur, dont si ceste poudre ne le faict, elle n'est pas venimeuse. Que telle playes soient le plus souuent conuerties en vlcères malins, ie le confesse tres-volontiers: mais c'est pour les dessusdites raisons, non-pas que ce soit de l'essence du mal, non-plus que de reiecter tres-mauuaise sanie, comme nous

DES ARCBUSADES

auons remonstré. Touchant à l'eschare putride, nous auons cy deuant expliqué comment il le faillloit entendre: & en cela n'y a aucune apparence de venin. Sur ce qu'ils disent, que la poudre fond & liquefie la chair, comme le medicament Septique ou Tectique, ie responds que ce n'est la poudre, ains le boulet fraccassant & meurtrissant, & qu'une pierre, ou vn baston n'en faict pas moins. Non-plus doit estre rapportée à la poudre, ou à aucun venin, l'intemperature, la mauuaise habitude, & l'inflation qu'on void en plusieurs membres arquebuzez: car tels symptomes suruiennent communément aux cacochymes, ou apres vn grand flux de sang, ou à ceux qui sont par trop extenuiez d'abstinence mal à propos, ou quand le chirurgien abuse grandement des resfrénatifs & repellans. Car de telles occasions le membre se refroidit, deuiet foible & mal habité. Mais quoy? il faut tousiours reuenir à ce point, que toute arquebuzade n'introduit les susdictes affections en quelque partie que ce soit, n'en tous corps, dequoy on peut bien inferer, qu'elles ne sont pas de son essence, ains accidents separables, & tels qu'on nomme Synedriuondes ou Epigennomenes, ainsi que nous dirons ailleurs. Reste le dernier argument, qui est prins du semblable, fort mal accommodé. Ils alleguent le venin, qui peut estre contre-venin: & disent, que semblablement la poudre qui est venimeuse, peut proufiter à la playe qu'elle mesme a faict,

soit qu'on l'ualle, ou qu'on en mette dans la playe. Ainsi le Scorpion frotté sur sa piqueure, en retiré, où y esteinct son venin, & maintes drogues deleterés sont mises es compositions Alexipharmiques, c'est à dire contre-poisons. C'est leur sophisme, duquel l'erreur prouient de ne sçauoir distinguer le venin qui est en vn animal, du contre-venin qu'iceluy mesme apporte. Le Scorpion n'a rien venimeux que la queuë: le reste de son corps y contredit & resiste: & pourtant son venin ne luy peut nuire. La vipere n'est venimeuse que par la teste: le demeurant de son corps y est contraire: ainsi la Glorieuse (poison nommé des latins Pastinaca) a son éguillon ou rayon tres-venimeux: auquel repugne le foye du mesme poisson, de tout son temperament, ou propriété occulte. Voyla comment il faut entendre (selon mon aduis) que en vne mesme beste on trouue le venin, & son remede: sçauoir est en diuerses parties, & du tout contraires en complexion, tout ainsi qu'un rosier a des espines piquantes, & sa fleur guerit leur piqueure. Ce que ne peut estre accommodé aux choses similaires, comme à l'arsenic, orpiment, sublimé, reagal, & semblables. Car toute leur substance est poison, & n'y a aucune diuersité de parties dont l'une soit nuisante, & l'autre prouitable. Il en faut autant dire de la poudre, qui a part soy ne peut estre sinon tousiours venin, ou nō venin. Et pour luy bien comparer le Scorpion il

DES ARCBVS ADES

faudroit necessairement que la mesme partie du Scorpion laquelle en piquant envenime, par vne semblable piqueure retirast ou amortist son venin: ce que n'aduient pas, ains envenime de plus en plus.

O n puisque i'ay suffisamment respondu & satisfait à tout ce qu'on obiecte pour maintenir la venenosité de la poudre a canon, ie peux bien conclure qu'il n'y en a point: & si i'ay pertinemment prouué que le boulet n'est assez chaud, & n'a chaleur occulte, dont il puisse cauteriser: ie ne voy plus rien qui m'empesche que ie ne face vne ferme resolution des deux points qu'auons proposé. C'est que es playes faites du proiect de l'arcbuse, ou d'autre tel instrument a feu, il n'ya que la cõtusion, avec manifeste solution d'vnité: de quoy nous apprehendons les deux indications proposées du commencement, & non plus. Mais si par auenture, outre ces deux qui constituent & parfont l'essence du mal, on y rencontre quelque autre chose contre nature, cause de mal, ou autre maladie, ou symptome, nous pouruoirons à tout par bon ordre, tel que Galen nous enseigne deuoir estre obserué en la complication de diuerses affections.



LA SECONDE PARTIE DV
TRAICTE DES ARCBVSADES.

LA VRAITE CVRATION
DES PLAYES FAITES D'ARC-
*busade, par certaines indicatiōs prin-
ses de l'essence du mal.*

Des tourmens belliques,
agissans par le feu, mal-
heureusement inuen-
tez selon aucuns enui-
ron l'an 1370. selon les
autres l'an 1380 (les-
quels on nomme diuer-
sément pour leur gran-
deur, figure, ou vsage, pistolets, pistolles, sclo-
pets, haquebutes ou archbuses, pieces à croc,
mosquets ou esmouchets, emerilons, sacres,
faucons, faucōneaux, passeuolans, coulevrines
ou serpentines, pieces de campagnes, canons,
demi canons, doublecanons, mortiers ou pe-
tars, boittes, orgues, basiliques, bombardes,
&c) sont impetueusemēt foudroyez les corps
humains, par le moyen des balles ou boulets
qui sont ronds, ou de mainte autre figure, &
de diuers qualibre. Leur matiere est aussi di-

DES ARCBVS ADES

uerſe, mayſ communement de plomb, d'eſtain, fer, ou cuyure. Le coup ſ'en enſuit diuers, ſelon la groſſeur & la figure de ce qui frappe, la grandeur de la charge, & la bonté ou affineure de la poudre enflammée, qui fait l'action plus ou moins violente: a quoy il faut adiouſter la diſtance des lieux, & la reſiſtence de l'obiet ou ſubiect. De ces differences il aduient qu'aux vns la teſte eſt rauie, aux autres la poitrine enfondrée, aux autres le vêtre creué, ſi que toutes les entrailles verſent dehors: & a tels la mort eſt auſſi preſte que le coup. Il y en a à qui la balle ne fait que emporter le bras, aux autres coupe vne iambe, ou toutes deux, & l'hôme reſte viſ. Les moindres pilules quelques-fois tuent ſoudain en trauerſant la teſte, ou la poitrine: autres fois laiſſent viure quelques iours le blecé. Il y en a qui ne cauſent la mort, combien que le cerueau ſoit blecé, ou le poumon percé, ou autre des entrailles: par ce que le ſubiect eſt de grand reſiſtence, autrement bien diſpoſé, & ne luy manque rien des choſes requiſes à la curatiō. Les coups pour la plus-part gueriffables ſont aux bras, & aux iambes, ou es autres parties externes, ſoit du tronc, ou de la teſte. Car il y a grand difference de danger & dommage ſi le boulet a trauerſé, ou ſil demeure dedās, & ce pres de l'entrée, ou bien au profond du mēbre, ou pres de la part oppoſite: leſquelles diuerſitez aduiēnt tāt pour la diſtance ou vehemēce de l'inſtrumēt, que pour les obietſ que le boulet rencōtre. Il y

a aussi grand difference aux effects selon les parties simples, auxquelles proprement appartient l'vnité. Ce sont la peau & les membranes, la chair, les vaisseaux communs, les ligaments tendons, cartilages, & os: desquelles parties la dissolutiō & diuorce est maladie à l'instrumēt qui en est composé. Or les dures sont plus fraccées & brisées du coup d'autant qu'elles ne cedent facilement, & ce qui frappe n'est pointu ne taillant, dequoy il aduient que la fracture bien souuent a grand estenduē loin du coup. Car il en aduient comme des autres obiects de l'artillerie, laquelle donnant contre vn mur de terre ou de brique, ou de pierre menuē, ne fait qu'vn trou sans esbranler de beaucoup la muraille. Mais si elle est de grād pierre de taille, le coup l'estonne fort auant, & y fait de grands eclats. Ainsi est il des parties de nostre corps, desquelles (comme dit est) les plus dures sont cause d'vne lōgne brisée, & grande dilaceratiō. Les molles sont au semēt percées, & soudain se rapprochent, faisant apparoir le trou plus petit qu'il n'est pas. Les moyennes ont leur condition entre deux & souffrent dilaceration.

Tous ses effects particuliers & diuers (qui sont la maladie introduite du boulet) cōuiēēt en vn genre, sçauoir est en solutiō de cōtinuité, laquelle se diuise en manifeste & occulte. La manifeste solutiō d'vnité ne requiert autre demōstratiō que du sens. L'occulte est en toute cōfusiō: & se declare par l'effusiō du sīg qui en

DES ARCBVSADÉS

la meurtrisseure change la couleur du mēbre en iaune, violet, verd, ou noir: laquelle decoloration est beaucoup plus notable es playes qui sont faites des susdits instrumēs belliques (soiēt grans ou petis) qu'en autres cōtusions: pource que il y a plus de fracas & frayement d'une chose ronde ou inegalle (comme des boulets machés ou martelés) qui d'extreme violence, & à mode de fonde penetre au dedans: que d'une pierre ou d'un baston qui sarreste dehors, ou bien d'une fleche pointuē: Car si la fleche est mouffe, & iette de si grand roideur qu'elle entre bien auant dedās le corps, la meurtrisseure & decoloration ne sera de moindre estendue que par l'arcbusade. Vn autre signe commun à toutes contusions accompagne ces playes, qui est douleur pesante, & mesmement si les parties nerveuses sont offensées. Ce que ne prouient (cōme quelques vns pensent) de la pesanteur de ce qui a frappé, soyt bois, ou pierre, ou plomb, car le plus souuent il n'y arreste pas, ains ne fait que heurter exterieurement, ou bien outrepasse le membre: & neantmoins la griue pesanteur, auecques douleur extensive y perseuerent long temps. C'est l'effet de la vehemente contusion, comme on peut sçauoir des moindres: Car qui aura soustenu du bras quelques coups de ballon ou paume deuāt ou qui aura ioué aux longues boules, ou trauaillé autrement de quelque exercice desacoustumé, tantost apres sentira le mem-

bre qui en aura prins la peine tout moulu & roide, auec pesanteur douloureuse, à cause de la contusion ou tention vehemente. De cela mesme prouient la foiblesse qu'on sent a la partie offensée, & a ses voisines, par le consentemēt & liaison, comme dont les actions demeurent assopies, & sur toutes le mouuement volontaire, entant que les muscles sont blecez le plus souuēt de trauers. Quant aux actions naturelles, on ne les void pas empeschées pour l'offence des parties externes, si elle n'est communiquée au dedans: ou que les symptomes troublent tout le corps, de quoy aussi la vitale est offensée, & bien tost apres l'animale: dont s'ensuiuent fortes veilles ou profond endormissement, reuerie, couuulsion, &c. Vne autre occasion de la grand imbecilité qu'on apperçoit en plusieurs blecés d'arcbusade, est l'estonnement duquel ils sont surpris, auec desiance de guerison: Car la plus-part cuident estre mors, aussi tost qu'ils ont sentit le coup, dont ils perdent tout courage, & se monstrent effeminez. De tous ces propos on peut compradre, que telle imbecilité ne prouient de l'arcbusade, de foy, ou premierement. Car on en void plusieurs qui ne laissent d'aller par tout, & ont au demeurant toutes les actions ordinaires: sçauoir est quand l'arcbusade n'a offensé que les parties molles, & a blecé vn membre duquel le mouuement peut estre espargné, comme le bras, l'espaule, le col, la teste, &c. Semblable-

DES ARCBUSADES

ment on peut entendre, que la grieuë pesanteur & douleur, comme si vne poutre estoit tombée sur le membre (c'est la comparaison dont ils vsent) n'est pas des signes pathognomiques de l'arcbusade, ains de ceux qu'on appelle Synedreuondes (qui quelques fois aduiennent quant & la maladie, quelques fois la suiuent, ou ne suruiennent aucunement) si on veut croire ceux qui en sont blecez . Car tous ne sentent ladicte pesanteur : & elle est compagne d'autres solutions d'vnité: comme i'ay esprouué de mon carboncie sur le doigt medecin de la main dextre cõtre le premier nœud, au mois de Feurier, 1669 au païs d'Anjou. Ainsi est-il de la grand' chaleur, & de la petite perte de sang, qui sont proposées de quelques vns pour signes infallibles. Car plusieurs arcbusades sont avec grande & dangereuse haimorrhagie: & quant à la chaleur, i'en ay interrogué plusieurs de ceux qui me sont venus entre mains: mais ie n'ay pas entendu qu'ils sen plaignent autrement. Ce n'est pas pourtant que la douleur excessiue qui procede du grand fracas, obscurcisse telle chaleur: car l'un & l'autre accident pourroient estre distinctemēt apperceus, combien qu'ils fussent en mesme partie. Reste le signe qu'on tient pour le plus asseuré de tous, comme vne propriété: c'est l'escharre, mais nous auons cy deuât remõstré, qu'il n'est moins aux coups de halebarde, q̃es arcbusades.

Le iugement de ces playes est tel que des autres faites par contusion: avec vne seule di-

stinction de plus, ou moins. Et ne faut icy alleguer aucun venin, ou bruleure qui prouienent du boulet, ou de la poudre: car il n'en est rien: comme nous auons aysement prouué au discours precedent. Le plus grand danger que ie voye en telles playes (i'excepte celles qui sont de soy mortelles, ou en lieu bien douteux) est à raison des corps cacochymes, & du téps pluuieux, ou régnant le vent de midy. Car il n'y a genre de playe, qui de soy ameine telle putrefaction, à raison de la grand' meurtrisseure. Et quand le subiet y est autrement disposé & l'air chaud & humide, la partie se gangraine facilement, & de là vient en sphacele: dequoy (si le membre ne peut estre extirpé) s'en suit la mort de tout le corps.

LA curation de telle playe est ordonnée suivant la commune intention, qui est l'vnion des parties deioinctes: à quoy nous paruenons estans conduis de certaines indications. La premiere est, d'instituer vn bon regime: l'autre d'oster ce qui est enclos & retenu contre nature dans la playe, soit le boulet, ou autre chose estrangiere: & de retenir ce qui est profitable, come le bon sang en moyene quantité. La troisieme, de promptement suppurer la chair corrompue & fraccassée. La quatrieme, deterger & replir de nouvelle chair. La cinquieme cicatrifer: la sixieme, pouruoir à la douleur, inflammation, & autres Symptomes tout le long de la curatiõ.

Le regime comprend toutes les six choses non naturelles (lesquelles aussi on considere es autres playes) qui en ce cas doiuent tendre

Curation.

*Premiere
intension.*

à refrigeration & exsiccation, à fin d'empescher & preoccuper la putrefaction. Donques l'air soit frais & sec: toutes-fois pour les playes de la teste, l'air chaud est requis, lors qu'on les pense principalement. Ce que ne faut moins aduiser aux playes des iointures, & autres parties nerueuses & ossuës. Car toutes parties spermatiques sont tres-impatientes du froid, comme estant fort cōtraire à leur complexion. Et si on ne commande l'observer qu'aux playes de la teste, c'est pour sa dignité, qui fait que ses blesseures sont plus dangereuses que ces autres membres de semblable temperature. Mais à la verité il le faut pratiquer par tout ou les parties spermatiques sont offencées. Quant à l'autre qualité de l'air, qui est siccité, toute playe & tout vlcere la requiert, entant que leur curation est tousiours par dessicatifs. Les viures soiēt vn peu humectās: & tels qu'ils n'eschauffent point outre le naturel ordinaire de l'aliment. Car tout aliment eschauffe entant qu'il augmente la substāce de la chaleur naturelle. Le pain biscuit y est propre: & les fruits desseichés, comme pruneaux & raisins qui ne peuuent gueres nourrir, & tiennent le ventre lasche. Les plus opulents & delicats peuuent vser des coufitures en sucre seiches ou liquides, celles qui rafraichissent: cōme de courge, tronc de laictues (celte cy est nommée en languedoc gorge d'ange & lautre carabassat) amādes, poyres, abricots, agriottes, & semblables. A cela mesme s'accor-

*Gal. an. 3.
des temp.*

de le potage des herbes remollissantes, comme laictuës, bourrages, pourpier, & bettes, fait en eau pure avec vn peu de sel & d'huylle. On permet aussi la panade cuitte de mesme, & les courges avec vn peu de verius en grain, l'aman dé, l'orgemondé, le gruau ou auenat, la purée de pois, chiches, & semblables. Quant à la chair & son bouillon, ie la voy d'effendüe de tous nos praticiens, mesmement aux premiers iours de la blessure : & quand depuis le mallade est surprins de fieure, ou d'autre facheux accident qui le rend foible, ils ont recours au potage de chair : & sil est encores plus fâché, on l'inuite à manger du chappon, des perdrix, & autres viandes fort nourrissantes. C'est tout au rebours de l'appetit du malade, & comme si on se vouloit moquer de luy : car quand il pourroit & voudroit bien manger, on ne luy permet aucune bonne viande : & lors qu'il n'en peut taster, ains la hait & abomine, on le presse d'en vser. C'est aussi au rebours de la vraye & methodique curation, laquelle Hippocrates enseigne tât en ses aphorismes, qu'au liure qu'il a intitulé de la Diete, ou maniere de viure es maladies aiguës. Car on cōmet double erreur : l'vn est, de ce ce qu'on change tout soudain la qualité des viures, & on ne permet rien à l'appetit, ne à la coustume : l'autre, qu'on nourrit plus en l'estat de la maladie, qu'au commencement. l'accorde bien que l'abstinence des viâdes fort nourrissantes est conuenable aux premiers iours, ou

qu'il en faut moins prendre que de continue, & ce pour deux grandes raisons: l'vne qu'il n'est ia besoing d'augmenter la quantité du sang, ains plustost la conuient diminuer pour cuiten l'inflammation, douleur: fieure, pourriture, & autres accidens qui coustumierement suruiennent aux corps replets, quand nature troublée du mal ne peut bien regir les humeurs qui au-parauât n'estans rié dissolus luy obeissoient sans desaccord. Dont nous sommes le plus souuent contrains de seigner, combien que auant la blessure il n'y eust trop de sang au corps: & sur tout quand la playe n'en a gueres versé, ou dedans, ou dehors, ayât esgard à sa grandeur en toute dimésion. L'autre raison est, que l'abstinence ne sert de reuultion tres-necessaire en tel mal. Car quád le ventre n'est assez plein, il attire de tous costez a soy: dequoy les parties externes se peu uët en fin res sentir. Voila pourquoy c'est tres bié auisé de nourrir moins que de coustume aux premiers iours: nō-pas d'oster soudain l'vsage de la chair, du vin, & d'autres bōs alimēs pour n'ē gouter vn seul brin. l'excepte ceux qui sont desia accoustumez à telle abstinēce, comme bien souuent il aduient aux gens de guerre. Et ie cuide que tel precepte & ordōnance est venuē de là: car aussi on leur ordonne choses qu'on peut recouurer aisement, ou que l'on a de reserue: cōme biscuit, eau, herbes, raisins & pruneaux secs. Mais à celuy qui s'est tousiours bien traité & nourry grassemēt

ou en campagne, ou dans vne bonne garnison oster soudain qu'il est blecé la chair, & le potage, pour les luy représenter au plus fort de sa maladie est contre tout deuoir. Car il y a double mutation soudaine, que nature ne peut endurer: l'vne de la repletion à trop grand abstinence: l'autre, de l'importune abstinence à superflue repletion: desquelles la dernière est plus suspecte, par ce que elle vient sur la foiblesse. Donques pour les euitter toutes deux: il faut proceder de peu a peu à la diminution des viures: & tel changement ne desplaira a nature. Voila quant à la qualité des viâdes, ou i'ay esté contrainct par suite de propos de toucher à la quantité, d'autât qu'un peu des mieux nourrissantes fait autât que beaucoup des autres. Or nous traiterons encor de cecy aux problemes. Quant au vin, on peut aisement entendre par ce que dessus, ce qu'il m'en semble: & que à celuy qu'il a tousiours accoustumé, on le peut permettre au commencement, & le retirer de peu a peu, comme les Symptomes approchent. Mais s'il est autrement suspect, ou le malade ny est aucunement affectionné, adonné, ou accoustumé, on luy ordonnera de bonne eaue de cisternes de riuere ou de fontaine: & s'il n'y en a que depuis, la faudra vn peu prebouïllir, pour autant qu'elle est cruë. Et affin que les humeurs soient incrassés, & ne defluent aisément, si le patiēt boit du vin, qu'il soit astringent.

DES ARCBVSADES

gent & fort trempé: si de l'eau, on y peut ad-
iouster & faire boullir de l'orge mondé, & des
iuiubes: ou y mesler vn peu de syrop de roses
seiches, de myrtilles, de coins, ou de grenades,
pourueu que la poitrine ne soit offensée. Si la
phlebotomie semble estre necessaire, soit fai-
cte des veines communes de la part opposite,
selon le diametre en largeur, ou du tra-
uers, si la playe est aux bras ou es iambes:
enquoy ie comprens aussi les espaulles, & les
fesses. Mais si c'est à la teste, ou au tronc du
corps, ie con seille de seigner du costé mesme
selon la rectitude & longueur du corps. Tou-
chant la purgation, on pourroit dire qu'elle
n'est icy gueres à propos, pour deux raisons:
l'vne (& la principale) que l'agitation des
humeurs est en tel cas suspecte, par ce que
nous craignons la defluxion: l'autre est, que
la purgation est deuë proprement aux caco-
chymes: & que au contraire, les blecez d'arc-
busade pour la plus-part sont bien habitez,
car les cacochymes ne sont propres a la
guerre, & ne sont gens de faction. Ce neant-
moins veu qu'on blece d'arcbusade plusieurs
qui ne sont fait d'armes, & que tous vaillans
soldats ne sont exempts de cacochymie, no^o
y deuons pouruoir de purgation conuenab-
le, & de telle abstinence qui puisse cōsumer
le superflu. Il semble que Galen parlant des
indications de la phlebothomie, & de la
purgation vueille prouuer que la grandeur
du mal requiert l'vn & l'autre remede, com-
bien

*Liv. 4. de la
metho ch. 6.*

bien qu'il soit sans repletio & sans cacochymie. Mais qui y prendra bien garde, treuuera qu'il n'accorde la purgation qu'aux humeurs vitieux, quād aussi le mal le requiert pour sa grādeur. Et pour lors ne faut craindre l'agitation desdictes humeurs: Car ils sont quant & quant mis dehors: & il s'en ensuit beaucoup plus de bien que de mal. Or ce sera au prudēt & sçauāt medecin d'ordonner telles choses, cōme il cognoistra la necessitē, & selon la condition des humeurs: ayant ce respect, qu'il conuient que tout le corps soit maintenu, ou remis en bonne temperature, non seullemēt la partie affligēe. Car si le dedans se porte mal, cōment pourras tu corriger le dehors? Quāt à la seignée, elle doit estre faite des le cōmencement, apres auoir vuidē le ventre inferieur par vn clistoire. lēdemain on purgera le reste si besoin est. Icy faut bien noter que ces deux grans remedes sont deuz au commencement des grandes maladies, selon Hipp. & Galen. Toutesfois leur reiteration est permise (moyennant que la force y consente). Quāt au progrez de la maladie on est pressē des douleurs, inflāmations, & autres facheux symptomes qui tourmentent le patient, & le rendent plus foible que le mal principal, ou que lesdictes euacuations. Aussi faudra-il que le malade vse quelques-fois de clysteres linitifs, ou de suppositoires, quand son ventre ne vuidera bien librement, afin de preuenir ou diminuer les inflāmations, douleurs, fieures mal

DES ARCBVSADÉS

de teste, veilles, refueries, & autres tels accidés. Il n'est ia besoin d'interdire l'acte venerie à ceux qui sont fort blecez, & ausquels apres auoir perdu beaucoup de sang on commande le ieusne. Aux autres qui ne sont gueres malades, ains se sentent assez gaillards, faut conseiller de sen abstenir, pource qu'il affoiblit merueilleusement, & eschauffe les humeurs plus que tout autre mouuement: dont il rend la playe fort enflammée, & subiecte à defluxion. D'ailleurs il faut sçauoir, que le repos est tref-necessaire à toute partie blecée, tant pour espargner les muscles (qui ne se peuuent mouuoir sans plus grand' dilaceration, & par consequent douleur) que pour euitier la fluxion des humeurs. Mais en lieu de l'exercice, qui est autrement necessaire à toute personne, il conuient frotter chaque matin les parties saines de haut en bas: ce que proufitera aussi pour destourner les matieres qui s'acheminent au lieu blecé. Pour mesme raison le dormir est fort requis, & mesmement lors que la playe est en partie externe, pour en detourner les humeurs. Car en dormant, le sang & les esprits sont mieux retenuz au centre: tout ainsi qu'au contraire, le veiller est proufitable quand le dedans est plus interessé. Les passions qu'on attribüe à l'ame soient moderées, & sur tout soient supprimées le courroux & la tristesse. L'esperance de guerir & la confiance que le malade a au medecin ou chirurgien, auance de beau-

coup la gucrifon.

LA seconde intention, à laquelle le chirurgien commence, est oster de la playe toutes choses estrangeres, comme boulets, dragées, pieces de maille, ou d'autre harnois, pieces de l'habillement, bourre, estoupes, cotton, papier, & semblables: pareillemét la chair déchirée & separée, glaçons de sang, esquilles d'os, &c. Ce qu'il faut faire desincontinent au premier ou second appareil, si la chose se presente, & est aisée à retirer, sur tout quád le boulet est en lieu ou il peut faire grand dommage: comme sil presse vn nerf, ou est pres d'entrer à la cavité de la poictrine, du ventre, ou en la teste: car à raison de sa pesanteur, il y peut choir bié tost apres: & en tel cas ne faut mespriser l'occasion de l'en destourner en le retirât soudain, quoy qu'il couste. Autrement, ie ne suis pas d'avis que l'on tourmète le patiét: ainsi que font plusieurs, qui ne cessent iamais de fureter dans la playe, & faire incisiôs pour l'en faire sortir. Ils frayent tant la chair, & irritent les parties nerveuses, qu'il sen ensuit grand' pourriture, douleurs extremes, inflammation, fieure, & autres symptomes: avec ce que le plus souuent ils n'auancét rien. Il vault beaucoup mieux dilayer, & attendre en patience de voir ce que la vertu expultrice demôstrera: comme elle a accoustumé de faire, f'estant fortifiée, apres que l'inflammation & douleur est appaisée. Car les temps plus convenables à telle recherche, sont le commen-

Seconde intention.

Le fer & le sang

Ne faut tourmenter le patiét par incision pour en faire sortir

DES ARCBUSADES

cement & la fin, à cause que pour lors tous symptomes sont tous remis. Et quand bien le boulet resteroit au dedàs, il ne portera aucun dommage si est de plomb, & parmy la chair: comme on void par milles experiēces: car quelque fois apres maintes années le boulet se presente loin de la cicatrice, ou il est peu à peu descendu parmy les muscles iusques à la peau: & à donc (si besoin est) on le peut faire sortir par moyen d'une petite incision. Vn des points principaux qu'il conuient aduiser des le commencement, est, que si les orifices semblent petits (sur tout celuy par lequel nous esperons vuider le plus) ayāt esgard aux pieces d'os, boulets, sang glacé dās la poitrine, ou ventre inferieur, &c. on les dilate & amplifie, pour donner plus libre passage aux superfluitez: cōme tres-bien conseille maistre Iehan de Vigo. Je laisse à descrire & nōmer les sortes d'instrumēs intrōmissioires, dilatatoires, eleuatoires, arracheurs ou crocheteurs de boulets & autres choses estrāgies, par ce que plusieurs en ont tres-biē escrit, & que tels ferremēs se doiuent plustost mōstrer à l'œil. L'auertiray seulement quant aux sondes, que la commune eprouuette ne me plaist point en ce fait: car estant menuē, & ayant petite teste, elle pique & blece les parties: outre ce qu'elle peut entrer en maint lieu qui n'est le passage du boulet: Il vaudroit beaucoup mieux que sa teste fust au-moins cōme vne dragée ronde, si la playe est d'arcbusade:

*Faut ouoir la
playe si creuue
sielle est petit,*

*Les commun
eprouuette sont
dangereuses &
soudes,*

& si de moindre calibre, en proportiō. Ambroyse le Paré en décrit vne fort propre à cela, & qui sert aussi d'eguille à seton. Mais le plus asseuré est, si on y peut auenir (comme quand le boulet est pres du trou) de sonder avec vn doigt : pourueu qu'ō ne fraye cruellemēt les parties, cōme font quelques vns: car le sens de l'attouchement ayde au iugement de ce quel'on rencontre. Le doigt plus propre est l'indice, ou celuy du milieu, qui est nommé de quelques vns le medecin, pour ceste occasion, a mon aduis : car comme estāt le plus long, sert mieux à sonder vn vlcere. On l'appelle aussi infame, d'autant qu'on le met dās le cul, pour sonder si il y a pierre en la vescie. Or pour trouuer le passage du boulet, il faut que le patient soit constitué en semblable contenāce qu'il tenoit lors qu'il fut blessé: car les muscles, & autres parties, autremēt situées qu'elles n'estoient, bouschent le passage. Si la playe est sale de fange, terre, ou d'autre ordure, il la faudra lauer de bon vin noir, ou fort rouge, moyennemēt trempé. Le sang glacé en la playe est aussi des choses esirangeres: dont il conuient diligemmēt exprimer & vuider: sinon qu'il y eust doute de flux de sang immodéré: car en tel cas le glaçon (que les Grecs nomment Thrombe) est l'un des principaux remedes : autrement il est de besoin que la playe saigne selon sa grandeur, & pour la repletion du corps. Car par ce moyē l'inflammation est preoccupée, & la playe en

DES ARCBUSADES

est plus prompte à receuoir guerison.

APRES que la playe a suffisamment (si non trop) saigné, il faut venir au premier appareil: pour lequel il y a differentes opiniōs. La cōmune pratique est, d'appliquer la poudre restrinctiue, avec aubin d'œuf: ce qui est plus propre aux playes sanglantes & sans cōtusion, qu'aux arcbusades: car toutes ne saignent pas tant qu'il faudroit, & la contusion requiert autres remedes: sçauoir est, tels qui puissent consumer soudain grand' partie de l'humidité superflüe de la chair frayée, à fin qu'elle ne se haste de suffoquer la chaleur naturelle, qui doit suppurer telle chair. A ces fins quelques vns ordonnent l'vsage des caustiques, ou du cautere actuel. Quant à cestuicy, on vse de l'huylle bouillant: & le sambucin y est le plus estimé, ou de la terebinthine bouillante. Quant au fer chaud, Iehan de Vigo l'ordonne. Mais par ce qu'il faict vne crouste espesse & dure, qui empesche la prompte suppuration, il est à craindre que ce qui se trouue derriere elle, ne soit surprins de pourriture & mortification. Pour ceste mesme raison me sont encores plus suspects les caustiques Escharotiques, comme le Vitriol, les afrodiles & semblables, de grosse substance & astringens: car ils sont plus tardifs en tout, si la proportion est gardée. Vne des meilleures applications que i'y trouue pour le commencement, est la susdicte cauterizatiō, avec huyle, ensuiuant la doctrine du venera-

ble Guidon, en la premiere intention de la cure des playes. Car la chaleur actuelle consume beaucoup de l'humeur superflu, sans faire vne crouste ferme & arrestée : & la substance huileuse adoucit la partie, en la preparant à suppuration. Et quand il y auroit suspicion d'haimorrhagie, tel remede a grand vertu de l'empescher. Dôt il ne faut pas craindre la douleur que fait ceste brusleure, veu qu'elle passe bien tost, & laisse de notables proufits. Mais le plus excellent & le moins douloureux pour le premier appareil, & qui met la playe en meilleure voye de guerison, est le precipité bien & curieusement préparé de double calcination : auquel il faut adiouster le double de beurre frais, ou d'huile d'amandes douces, violat, de lis, ou semblables lenitifs : & la douzième partie de bonne camphre. L'experience nous enseigne que ce remede y est excellent : & la raison la confirme, aussi : Car le precipité ainsi accôpagné de matiere grasse & humectante, fait que la chair meurtrie suppure facilement, & en peu de temps, sans qu'il y aduienne fort grande douleur. Quant à la camphre, soit chaude ou froide, (car il y a des raisons pour defendre l'un & l'autre parti) elle y sert grandement pour son excellente tenuité de parties : à raison de laquelle tout medicament de quelque qualité qu'il soit, penetre mieux, & pousse plus auant sa vertu. Or en telles playes on a besoing d'un simple, qui

DES ARCBUSADES

repâde bien loin la force des principaux medicamens: veu que le fracas & contusion s'estend beaucoup plus auât que la substance de l'vnguêt ne peut atteindre. Je laisse à part que la camphre n'est pas mal seante de sa faculté aux playes d'arcbusades, quand ce ne seroit que de resister à la putrefaction. Mais si le fracas est grand parmy la chair fort contuse, i'y approuue l'Egyptiac: mesmement sil est faict suivant la description, que met Guidon en son Antidotaire, au chapitre des mondificatifs: & non-pas selon Auicenne, en egalles parts de vinaigre, miel, & verd de gris. Car il assure la partie des gangraine, & la dispose tellement qu'elle peut attendre la bõne supuration. A cela mesmes conuiêt vn laüemêt de fort vinaigre, avec du sel en bonne quantité: qui peut estre faict commodémêt (& y est fort requis) aux playes dechirées, ou les muscles se voyent bien descouuers & denuez de leur peau. Ce que j'ay souuent practiqué aux bras & aux iambes, quand le boulet raclât par dessus auoit emporté la peau, & separé les muscles. Reste à sçauoir ce qu'on appliquera par dessus, & à l'entour de la playe, pour reprimer ou preuenir la defluxion, douleur, & inflammation, en refrenât les humeurs. Car de mettre au dedans remedes refrigeratifs, seroit cõtre toute raison, si on n'a autre respect qu'à la playe: comme à la combustion, qui peut estre quand l'arcbusade est tirée de fort pres. Auquel cas i'y recognois du feu, qu'il faut

*Prendre l'Egyptiac
selon la description
de Guidon*

*Prendre l'Egyptiac
selon la description
de Guidon*

esteindre, & approuue l'oxicrat, duquel plusieurs abusent en toute sorte d'archufade. Or on vse communément par dehors d'huyle rosat, vnguent de bol, ou litharge nourry, & dudict oxicrat, & quelques vns chargēt tant le membre de ces remedes, qu'il vient bien tost à gangraine. Car en refroidissant trop, ils retardent la suppuration: & constipent tellement la peau, que la transpiration en est empeschée: dont l'ensuit mortificatiō. Il faut ouir en ce faict, comme en toute autre bonne chose, le venerable Guidon, qui en playe contuse (cōme est l'archufade) ordōne mettre aux enuirōs & nō-pas sur la playe, ce qui peut empeschier la fluxion: comme huile rosat, ou myrtin, ou l'vnguent fait de bol, huile, & vinaigre. Mais sur le lieu de la playe, il ne met qu'huile lenitif, ou mollitif, qui remollissent & meurissent. Car (comme il recite de Galen, suyuant Hypp.) és playes, si la chair est contuse, ou couppee d'un trait, il y faut remedier de sorte qu'elle suppure tresprōptement &c. " " " " " "

Donques il faudra appliquer sur la playe de l'huile violat, ou du basilicon: ou pour tout refrenatif, quand on craind l'haimorrhagie, vn peu d'huile rosat: & que les bandes soient mouillées d'oxicrat. Mais il ne faut pas continuer ce train, plus haut que du troisieme ou quatrieme appareil. Car il retarderoit la suppuration, qui est aydée par chaleur temperée, avecques moyenne cōstipation des pores. A raison dequoy ie trouue meilleurs &

Tr. 3. doct. 1
cha. 2.

Mortification
du membre

Basilicon
à guérir
les playes

plus asseurez les refrenatifs & repellans qui n'ont point de corps, ne vertu emplastique comme les suc, les eaues, & semblables. Dont suffira de retenir l'huile rosat en l'augment pour tous refrenatifs & repellans: car aussi ne sont ils gueres de saison quād il faut suppurer. Voyla ce que me semble deuoir estre fait au premier appareil, supposant que la playe ne soit avec grand flux de sang. Car si l'haimorrhagie est tant debordée qu'elle ne se puisse arrester par les susdicts remedes, comme quand vn notable vaisseau est creuē, il faudra appliquer contre tel vaisseau (si on le peut toucher) vn peu d'arsenic, avec deux fois autant de vitriol, qui ne soit calciné: Car en ce cas il a principalement besoing de son asstriction, qui se diminue fort par la bruleure. Et si le vaisseau n'est descouuert, on le pourra toucher desdicts medicamens par le moyen d'vne tente qui en sera surpoudrée. Mais si le sang ne s'arreste pour tout cela, il faudra venir au cautere actuel, ou autres moyens qui sont descris par les auteurs au traicté cōmun des playes. En telle difficulté il est besoin de bien charger le membre de l'vnguent de bol, au dessus de la playe, c'est à dire, à la partie superieure qui est deuers le tronc: On pourra faire ledit vnguent de grand vertu: comme s'en suit:

FR Suc de plantain, de pourpier & de morelle, de chacun quatre onc. bol armenien, deux onc. sang dragon, & grains mieurte, de cha.

vn'once: suc d'hypocyste, & de prunelles,
de ch. demy onc. huile ros. tant quil en sau-
dra pour reduire tout en forme d'vnguent.
Ce pendant qu'on l'apprestera ainsi tu pour-
ras vser du commun vnguent de bol, avec au-
tât de populeon. le me tays des plumaceaux,
du bandage, & des compresses, d'autant
qu'icy doiuent estre comme es autres playes,
& pour le present ie ne veux enseigner que
le plus propre des archufades: à quoy neant-
moins ie suis contraint souuent de mesler du
commun, pour faire que le traité soit mieux
entretenu. Or si le mēbre est lardé du boulet
qui a oultre passé: il y conuient mettre vn se-
tō, pourueu que les orifices de la playe ne pe-
netrent au dedans de la teste, de la poitrine,
ou du ventre inferieur. On le fait de diuerse
matiere au plaisir de chacun. Les vns de fil de
coton: lequel peut conuenir à toutes parties
ou il n'y a des os brisez: car pour telles playes
il vaudra mieux que le seton soit de fil de chā-
ure ou de linge, ou vn ruban de soye: d'autant
que le coton en se frotant contre les points
des os rōpus, y laisse tousiours quelque filan-
dre attachée, qui donne peine a nature. Voila
touchant la matiere. Quant à la forme, quel-
ques vns le font plat, les autres rond & egal-
lement gros: sçauoir est à mode de cordon ou
de ruban: Et le cōmun veut, qu'il aye de lon-
gueur assez pour en couper à chasque appa-
reil, ce qui a seiourné dans la playe: tellement
qu'il en reste dehors assez pour continuer vn

Des Setons.



*De la forme
des Setons*

DES ARCEVSADIS

*Au 4. trai-
cté, 1. doct.
chap. 4.*

long temps (sinon tousiours) sans y repasser à chasque fois vn nouveau seton. Mais ie trouue bien meilleur (suiuant tousiours le bon homme Guidon) qu'il soit tousiours renouuellé, en y cousant ou attachant vn autre. Et me semble plus proufitable, que soit vn peu de linge mis de nouveau à chasque appareil, en l'attachant & tirant par vn fil. Car du bout qu'on l'attache, le linge replié deuiét doublement gros: & de la teste qui va deuant, il racle mieux les parois de l'vlcere. Ce que ne peut vn seton de par tout egal en grosseur. Donques si on veut vsfer d'un long cordeau, il vaudra mieux le nouër a l'endroit qui doit seruir de teste quand on le tirera. Toutesfois l'autre est plus cōuenable, pour deux raisons: L'une est, de ce que le reste de ces cordeaux, demeurant au dehors, s'abruue des medicamens externes, qui ne sont tousiours propres à l'interieur de l'vlcere. L'autre que la susdite inequalité sert de beaucoup à la parfaite modification, & reiection de toutes choses superflues. Car premierement on tire le seton qui a seiourné, & est imbeu de l'excrément: Le fil succede (qui doit estre aussi long qu'un seton) lequel permet que l'vlcere puisse expirer la puâte vapeur de sa bouë: & puis vient le nouveau seton, gros en sa teste, qui racle les parois, & pousse dehors ce que l'autre n'a peu eboire ou retirer. Ce qui ensuit la teste, est plus mince: dont il fait cesser la douleur, & y demeure plaisamment. Ledit linge

soit fort deslié& mol : outre ce, deschiré des
deux costez:à fin qu'il soit frangé comm'vno
plume. Car de telle sorte il sera plus delicat,
& sans causer douleur. s'abreuuera mieux des
excremens. Quel qu'il soit, il le faut oindre
des susdits medicamens : & outre ce, es deux
orifices seront mises des tentes plus courtes
& plus menuës, que s'il n'auoit aucun seton.
Dequoy on peut à peu pres comprendre son
vsage : que ce n'est pas, comme quelques vns
pensent, pour empescher que l'entredeux ne
sagglutine, auant que la playe soit bien sup-
purée, & aye reietté ses superfluitez: (Car cõ-
ment se pourroit iamais agglutiner la chair
contuse & frayée desia abandonnée du regi-
mēt de nature? cela est impossible) ains pour
deux pertinentes raisons: l'vne est à celle fin
qu'on rameine plus aisément aux orifices les
superfluités & choses estrangieres, qui sont au
passage: l'autre pour faire que le medicament
abreuue mieux tout le dedans. l'y en adiou-
steray vne troisieme, qui a souuētes fois lieu,
quand les squilles des os demeurantes droi-
tes, piquent la chair, & autres parties sensi-
bles: car le seton en passāt les abaisse & couche.
Dont il faut tousiours endepuis tirer le seton
à reuers desdictes squilles, pour les esbranler
tousiours mieuz, & les attirer. Nous dirons
cy apres combien on doit continuer le seton.
Et voila pour le premier apareil, qui requiert
vn bon maistre pour mettre la playe en bon
rain, & en voye de guerison. Du premier au

*L'usage des
Setons.*

*La chair contuse
et frayée desia
abandonnée du
regimēt agglutine*

DES ARCEVSADES

second appareil, & du second au troisiéme, on peut laisser escouler vn iour naturel : & si l'hémorrhagie est suspecte encores plus long temps, pendant lequel on doit souuent rafraichir le refrenatif & repellét, sans toucher à la playe. Car elle n'a besoin de frequēte reueuë, sinon quand il y a beaucoup de matiere, ou grande putrefaction : ce qui n'est pas veu du commencement : sinon qu'il y eust dilaceratiō extreme. Quant aux applications externes, si on ne les remuë souuent, elles nuisent d'un cōtraire effet à nostre intētion, lors qu'elles sont eschauffées & seiches. Au secōd ou tiers appareil, selon que la playe se portera, il faudra commencer de pouruoir à la troisiésme indicatiō : & a ces fins vsfer du suppuratif, qu'on nōme vulgairemēt digestif. C'est pour cuire les humiditez superflues qui ont decoulé, & abreuuēt la playe, & pour conuertir en louable sanie la chair qui est frayée. L'vsage cōmū est du moïeu d'œuf, avec huile rosat. Mais d'autant que nous auons fort à craindre la pourriture, tandis que nous taschons à suppurer, & que l'œuf se corrompt aysement, & rend la playe puante : i'ayme beaucoup mieux qu'on vse du basilicum (vnguent royal, ou fondement de toute curation) pour euitter ce danger : Car non seulemēt il dure long temps sans se corrompre, ains aussi empesche de pourrir la chair qu'il touché : avec ce qu'il a toutes les conditiōs requises à vn parfait suppuratif. D'auantage il y a ceste commodité,

3. Indiciō

*Sur 2^e & 3^e appareils
on faut fere*

*suppuratif
digestif &c.*

*Remede pour
suppurer
la playe*

qu'il est tout prest, & ne le faut composer à chaque fois qu'on en doit vser, comme le digestif de l'œuf, ce qui est vn grád auancemēt de besongne: mesmement au chirurgien qui doit visiter plusieurs blecés en diuers lieux. L'emplastre sera de mesme: & le mēbre deformais ne s'arrousera que d'huile rosat: car les plus forts refrenatifs & repellents retardent la suppuration. Le seton sera remué, & ioinct du susdit vnguent. Touchāt les tentes, il faut pour empescher que durant la suppuration on n'augmente la douleur & l'inflammation, qu'elles soyēt molles & menuës. Car les dures & grosses augmentent la douleur, & d'ailleurs nuisent en estoupant du tout les trous, de sorte qu'il n'en peut rien sortir, non-pas la mauuaise vapeur: en lieu que la playe doit ordinairement bauer, & la matiere ne doit estre aucunement retenüe, si faire se peut. Car & elle se corrompt, & rōge les parties saines, est cause de gangrene, de fièvre, & de trespernicieuses affections aux membres principaux, ou elle se communique par veines, arteres & nerfs. Au contraire, les tentes du premier appareil doiuent estre bien grosses pour dilater mieux les orifices, & arrester le sang: ioinct que pour lors on ne craint tant la douleur que par apres. Donques passé le commencement, les tentes soient (comme dit est) molles & gressles, seulement pour tenir la playe ouuerte iusques à parfaite expurgation, & porter le medicament à l'interieur

de la playe. La longueur doit estre mediocre. Et ne faut rien craindre: que si les têtes ne se rencontrent, l'entre deux vienne à se reprendre & agglutiner. Car (cōme cy dessus a esté dict) la chair cōtuse suppure necessairemēt, ou elle se pourrit. Toutef- fois par ce q̄ la matiere suppurée y peut estre retenuë, qui causeroit de facheux accidens, nous deuons continuer le setō iusques à l'usage du deterfif. Et ou le setō n'auroit lieu, mesmement si le pus fait sac, vne tente cānulée y sera biē propre, à fin que l'vlcere baue tousiours. Or no' auons dit que des-ormais pourra suffire l'huile rosat à l'entour de la playe, pour tout refrenatif & repellant. Mais si on craint la defluxion, il faudra oindre les parties superieures de l'vnguent de bol, ou du nutritum, litharge soulé d'huile & de vinaigre qui est aussi passable du commentement, appliqué à l'entour de la playe, à fin de tarir les humeurs superflus, qui abreuuēt la partie, & la rendent enflée: Mais il le faut quitter bien tost apres que la defluxion est arrestée par frequentes reuultions & deriuations, & que le danger d'inflammation est passé: d'autant que le superflu qui reste en la partie peut estre suppuré, ou sera dissipé, par la chaleur du mēbre: ce qui empescheroit (cōme il faict bien souuent, & le chirurgien ne s'en aduise pas) ledict vnguent, & semblables, en endurcissant la peau. Il en faut autant penser de l'oxycrat, & des autres reperculsifs ou refrenatifs, qui ont vertu excicatifue: lesquels n'ōt
icy

*Les parties
superieures se
ouït de l'usage
de*

*Quand se faut
qu'on se
faut*

icy lieu, sinõ iusques à la suppuration. C'est lors qu'il y a notes de cōcoction, & que nature cōmēce à se recognoistre, & vser de ses forces, laquelle auparavant estoit comme estoñnée du changement de son estat, & de la reuolte ou rebellion des humeurs. Pour lors dōques soit delaislé l'oxigent, & autres tels medicamēs, & qu'on ayde à nature, qui se force de sup-purer. A cecy est bien propre le suif & huile rosat, qui de sa froideur resiste assez à l'inflā-mation, pourueu qu'on aye donné bon or-dre à la defluxion. De sa viscosité bouchante suffisamment les porres, multiplie la cha-leur naturelle, & l'entretient aussi de son hu-midité, & ill'use. Outre ce, il n'est pas si re-froidissant qu'il puisse esteindre, ou mesmes diminuer leditte chaleur, dequoy s'ensuiue inflation, ou gangrene, laquelle bien souuēt est causée des refrenatifs par trop continuez. Le diray à ce propos, que pour eüiter tous ces dangers, vn des meilleurs remedes est le cata-plasme (communément dict emplastre) de arnoplon, composé de pain siacornille, de lentilles & plantain; lequel l'ordōne plus vo-luntiers qu'autre refrenatif: Car il repercu-te suffisamment, & resuit, entretenant les porres ouuers, tellement qu'il ne donne lieu à pourriture, isiation & autres mauuais ac-cidens. Mais à fin qu'il ne soit tantost sec & rude, sera bon d'y aiouster huile rosat. Car autrement il faut appliquer le cataplasme si espez, qu'il charge trop, & constipe, empes-

DES ARCEVSADES

chant la libre transpiratiō. Or s'il y auoit des-
ia sention dure au cuir, & aux parties subie-
ctes, pour l'abus (qui est la trop longue cōti-
nuation) des susdicts repellans & forts refre-
matifs: il y faudra remedier par vrays ano-
dyns, qui humectent, relaschēt, & sortent de cha-
leur temperée. Tel est l'unguent Dialthea, &
le resuscitant: ou si le Basilicon, avec huile de
lin, ou de laye. A cela mesmes plus qu'à autre
symptome de ces playes, est cōuenable l'hu-
ile des petis chiens bouillis en huile violat.
Ainsi donc ce qui est arresté & fiché au mem-
bre, doit estre resolu & voidé insensiblement:
non, par sanctiōs, sacrifications, breulures,
ou vassification. Mais auant tout cela, il faut es-
sayer de diuertir là aupres: pourueu que tou-
te sorte de reuulsion aye precedé. Car il faut
tousiours bien obseruer, que les reuulsions
precedent tout: pour empescher que le mem-
bre ne soit surchargé: Et si n'cātmoins il endu-
re fluxion, quelle soit derinée. Mais si l'hu-
meur ne peut retroceder, il le faut vuidier par
la partie mesmes. Je ne veux icy taire le bon a-
uertissement que dōne Leonard Botal, touchāt
l'inflation ou tumeur de la partie malade, avec
quelque intemperature. C'est que si le corps
est autrement bien cōplexionné & habitué, &
la partie ne soit qu'vn peu enflée & molle,
sans douleur ou chaleur d'importance, & que
des premiers iours celan'empire point, avec ce
que la playe ne demōstre aucun signe de cru-
dité: il se faut assureur que la partie n'est hors

*Regle de 1597
de l'apostrophe et
de la cure de la playe
de la playe de la playe
de la playe*

Regle de 1597

*Regle de 1597
de la cure de la playe
de la playe de la playe
de la playe*

*Regle de 1597
de la cure de la playe
de la playe de la playe
de la playe*

de son tēperament, & qu'elle surmōtera facilement ce peu d'humeur, qui cause si legiers acidés : & la cuira, ou dissipera, si ne la peut reietter autrement, pourueu qu'on l'entretienne en la force de son tēperamēt. Mais au contraire, si tout-cela augmente d'un iour à autre, & la matiere n'est bien digeste: le membre est fort opprimé, & tellement alteré, que si on ne le secourt bien tost, il se perdra du tout. Le secours sera bon de faire continuelle reuulsion & deriuation : & de repousser la matiere d'ou elle vient: & ce qui y reste neâtmoins, le suppurer, ou resoudre insensiblement. Voila ce qu'il faut bien obseruer en telles occurren- ces. En quoy par ignorāce de semblable distinction plusieurs chirurgiēs & medecins s'abusent. Reuenōs maintenant à la suite de nostre propos. Par les susdits moyens il sera fait à la troisiēme intentiō, qui est de suppurer la chair contuse, en rabatāt le plus qu'il est possible de l'inflamatiō & douleur. Je dis notāment (le plus qu'il est possible): car necessairemēt il y a plus de douleur, & la fièvre est plus grande quand le pus s'engendre, que deuant ou apres, comme dict Hippocrates. Mais la chair cōtuse par arcubade, si le corps est autrement bien conditionné, suppure facilement, ou elle vient à pourriture, qui est chose du tout estrange. Partant ie conseille de ne s'arrester longuement à l'vsage du simple suppuratif, ains que aussy tost qu'on aperçoit la douleur vn peu diminuée, soit meslé au

*Il ne faut ar-
rester a de
suppuratif, car
auant que abster*

DES ARCBUSADES

Quatrième
indication.

digestif quelque portion de miel rosat, ou de la therebinthine songneusement lauée d'eau rose, de morelle, ou de plantain : & quand on voit vne mediocre suppuration en la matiere qui sort de l'vlcere (car ainsi le faut-il mes-huy nommer) on pouruoye à la quatrième indication : c'est de mondifier par detergifs conuenables à la partie : comme il est tres-bien remonstré au tiers liure de la methode. Ce que ie vien de dire, que les playes d'archusade sont bien-tost suppurées, est contre l'aduis de plusieurs : mais selon la verité, esprouuée par experience, & confirmée par raison : pourceu toutes-fois quelon n'abuse des repellans & refrenatifs, qui retardent la suppuration. Il faut aussi distinguer les parties : car les nerueuses, ligamenteuses, tendineuses, membraneuses, cartilagineuses, osseuses, & autres spermatiques (ausquelles la virulence est plus familiere, que le plus louable, & temperé, à cause de leur sieste chaleur) semblent estre tardiues en leur suppuration : pour ce que estant de nature seiches, ne reiettent beaucoup de matiere, & icelle est tousiours iugée moins loüable. Au contraire les charnues & sanguines, comme habondantes en humidité, rendent beaucoup de superfluité, qui blanchist mieux, & plus tost obtenant toutes les conditions de vray pus. Or la suppuration est fort preloxe, & dure longuement pour deux occasions : l'vne est parce qu'il y a grãde adhesion aux archusades, &

Suppuration est fort
longue - mais sans
dangier

DES ARCBVSDES

Indication d'une
au lieu de l'autre

1803, June 17
Middletown

F, Culm - of putrid
and remade

Q V A N D l'vlcere fera bié detergé, & que tout ce qui estoit cõtre nature sera mis au dehors, il s'ensuiura de la prouidence & necessité de nature, que la cavité se remplira peu à peu de nouvelle chair. Et finallemēt il cõuendra cicatrifer, qui est la cinquième indicatiõ, laquelle ie ne poursuiray pas, non plus que iay faict des autres appartenātes au cõmun des vlceres, ou il n'y a rien de propre à celuy de l'archufade. Car quelle soit la cause, des-lors que la playe cõtuse est chāgée en vlcere, il la faut desormais traicter cõme vn autre vlcere, selõ sa differēce. Reste la sixième & dernière indication, laquelle tout ainsi que la premiere (qui est de la maniere de viure) court tout le long de la curation. Les symptomes qu'il cõ-

nient mitiguer, ou euitier totalement, sont fie-
 ures, soit, faute de dormir, resuerie, cōuulsion,
 paralisie, courte aleine, sincope, vomissemēt,
 cōstipation de ventre : & au membre qui a la
 blessure, mauuaise cōplexiō ou discrasie, de-
 fluxiō, douleur, inflāmatiō, ou autre tumeur,
 (le plus souuēt œdemateuse, aqueuse, ou vêteu
 se cōme il auiet facilement apres q̄ la partie a
 perdu beaucoup de sang, ou a esté indeuēmēt
 refroidie) grād pourriture & puâteur cadaue-
 reuse, gāgrene & sphacele: en la playe ou vlce-
 re, chair superfluë & baueuse, mauuais bors,
 & autres accidens d'vlcere. Bien souuent tel
 vlcere deuiet fistule, qui sert d'un canal à ex-
 purger tout le corps durāt quelques années,
 au proufit du personnage. Mais ie laisse à des-
 crire la maniere d'y proceder, cōme aussi la cu-
 ration des fractures & caries des os, soit sou-
 uent compliquées, avec l'vlcere que nous
 traictōs. Car lesdictes affectiōs n'ont rien de
 particulier aux archusades, qui merite en es-
 crire à part. Parquoy ie ne m'amuseray à de-
 duire la fourniture que requiert ceste dernie-
 re intentiō, la remettant (auec plusieurs au-
 tres choses que j'ay expressēmēt delaisié en ar-
 riere, cōme les coindications obseruables en
 toute maladie) à Galē en sa grād methode cu-
 ratoire, & en celle qu'il dedica Glaucō. Ie les re-
 mets aussi aux deux bōs peres de la chirurgie,
 Ieā de Vigo, & Guidō de Cauliac, Medeciñs à
 bō droit fort estimez & tres-sameux: desquels
 le premier, (cōme il a esté depuis la maudicte

invention des archufes) a escrit quelque peu de ceste matiere, & nous a proietté aucuns bons fondemens, sur lesquels. auons appuyé vne partie de ce traicté. Il n'a peu gueres auancer la besogne, d'autant que la pratique de tel mal-heur n'estoit si vulgaire, qu'elle a esté depuis, & on n'auoit encores esprouuée grande diuersité de remedes. Tout ainsi que de la verolle (qui de son temps naquist, ou se manifesta en l'Europe) il a traicté comme des rudimens, sur lesquels on bastist le principal de la curation. Quant à Guidon, il a si bien façonné toutes les parties de la Chirurgie, qu'on ne sçauoit pas mieux. Et s'il eust veu ces deux grans monstres, que son temps trois & quatre fois bien-heureux n'a pas eu (ie dis de l'archuferie, & de la verolle) ie m'assure qu'il eust si bien enseigné le moyen de les vaincre & aneantir, que tant de gens n'eussent depuis esté en peine d'inuenter diuers remedes, & la propre curation. Toutes-fois qui voudra attentiuement considerer ce que le dict autheur deduit à son troisiéme traicté, doctrine premiere, chapitre second, ou il enseigne la curatiõ de la playe cõtuse & alterée de l'air, avec douleur & aposteme : & au sixiéme traicté, doctrine premiere, chapitre troisiéme, ou il guerit la rongne, & le purit : s'il a bon iugement, il trouuera que Guidon n'a rien ignoré de ce qui est le principal en la curation de la verolle, & des archufades. Il est vray que son œuure est si corrompue &

Voiez ce
qu'il escri
t de la ver
le. 4. traict.
7. chap. 3. ou
le remede de
la mort.

deprauée, tant en latin, qu'en François, que
l'auteur mesmes fil reuenoit à ceste heure
ne la recognoistroit: qui est chose fort de-
plorabile & miserable pour les estudians en
chirurgie. Mais ayant eu pitié d'eux, j'espere
de leur faire voir en brief ce bon Guidon du
tout renouuelé (voire resuscité) en toutes les
deux langues, avec quelques petites annota-
tōs à l'endroit des passages qui sont les plus
scabreux, & plusieurs autres reparations bien
nécessaires: si Dieu me donne vie, loisir,

& repos d'esprit, tant que ie puisse heu-
reusement paracheuer ce peu qui
me reste encores d'une telle


besongne: auquel seul en

soit la gloire & loian

ge à perpetuité,

Amen.





LA TROISIEME PARTIE DV
TRAICTE DES ARCBVSADÉS.

PROBLEMES DES PRIN-
CIPAUX DOVTES QVI SE
*presentent aux archusades, tant en
leur essence & accidens, qu'en
toute la curation.*

PROBLEME. I.

Y a il eschare aux playes d'archusades?

*Affirma-
tion.*



Pour le party qui af-
firme on peut alleguer,
que l'archusade caute-
rise, comme plusieurs
maintiennét: dont s'en-
fuit qu'elle faict crou-
ste. Aussi l'experience
le demonstre euidem-
ment: car on void aux archusades vne noir-
ceur, tout ainsi qu'en choses brulées, laquelle
se vient à separer de peu à peu, comme le pus
s'auance. Et si on dict, que toute eschare est
seiche & dure, ce que defaut, à ce qu'on nom-
me eschare aux archusades, qu'on regarde

l'eschare que fait le precipité, & autres medicamēs Septiques: on la trouuera ainſi molle que celle des arbufades, &c.

Pour la negatiue, on peut dire, que le *Negation.* boulet ne brufle, ne cauteriſe: comme le ſens de l'attoûchement, & la raiſon teſmoignent: dont par conſequēt ſon veſtige n'eſt pas eſchare. Car toute eſchare eſt eſſect de brufleure, ou de matiere aduſte. Quant à la noirceur, elle ne ſuffiſt pas à prouuer que ſoit crouſte: car il y en a auſſi de blâches, & d'autre couleur. La dureté eſt bien plus expreſſe marque, à raiſon de laquelle on dit metaphôriquement, crouſte de pluſieurs autres choſes, comme de pain, de paſté, de fromage, &c. Auſſi de ce qu'on voit ſeparé de peu à peu quelque ſubſtance noire, qui n'eſt pas conuertie en pus, cela n'arguē que ſoit crouſte: ains certaines portions des parties nerueuſes alterées & corrompûes, qui ſe departent des ſaines & entieres. Mais quoy? nous trouuons es playes faites de pointe d'halebarde la meſme noirceur, & ſemblable ſuppuration: non-obſtant que l'halebarde ſoit exempt de tout ſouppçon d'apporter feu. Touchant à la crouſte qu'on attribuē pour eſſet aux medicamēs Septiques, elle n'eſt pas crouſte, ains fonte & colliquation. Ceux qui ſont vrayement crouſte, ſont d'autre naturel, ſçauoir eſt brufllâs, & de groſſes parties: dont ils ſeruēt d'arreſter le ſang, & ſôt propremēt dits Eſcharotiques, &c.

LA NEGATIVE eſt veritable. Car *Concluſion.*

DES ARCBUSADES

le boulet n'a vertu de brusler, comme nous auôs suffisammēt deduiet au traiet des arcbusades. Et sil ne brusle, il sensuit bien qui ne fait aucune crouste qui soit digne de ce nom. Mais qui voudra parler improprement, nommera telle substance du mot que luy plaira.

PROBLEME. II.

Ta-il quelque combustion putrefactive aux arcbusades?

COMME les medicamens Septiques fondent & pourrissent la chair, eux estās du genre des caustiques: ainsi est-il possible que quelque autre combustion excite pourriture. Ce qu'on void mesmement aux arcbusades: car l'adustion y est evidente, laquelle est suyvie de grande putrefaction.

Negation.

AV contraire, l'adustion ne peut causer pourriture, & par consequent il n'y aura aucune combustion putrefactive. Car riē n'empesche plus de pourrir quelque chose, que la brusleure, entant qu'elle consume l'humiditē superfluë, qui est cause materielle de putrefaction. Et on le void par mille effects, mesmemēt des fors exsiccatifs, encores qu'ils ne bruslent: car ils sont resister long temps à pourriture ce qu'ils touchent, &c.

Conclusion.

IL EST certain que ce qui brusle est contraire à ce qui pourrit, ainsi que la raison & l'experience demonstrent. Quant aux Septiques, ils sont d'autre condition que le feu, auquel on les compare improprement en ceste

question. Car le feu, ou ce qui en est echauffé (côme on veut dire & affirmer du boulet) fil est en degré qu'il puisse brusler & faire Escharre, sa brusleure est seiche & dure. Mais le Septique a la chaleur remise, qui opere en long temps & tout à loisir, fondant les parties molles qui peuuent fondre. Et si sa force pouuoit durer plus longuement, ou passer outre, apres auoir fondu, il consumeroit toute l'humidité, & feroit crouste seiche au demeurant. Et ne sert rien de repliquer à cecy, que le feu peut estre en degré autant remis que le Septique: car il y a vn autre grâde difference. C'est que le Septique veut vn peu de seiour à desployer sa vertu: au contraire, le feu en seiournant diminue ses forces, & ne peut rien tant qu'au premier rencôtre. Dont fil n'est en degré de pouuoir soudain brusler, il ne fera plus rien.

PROBLEME. III.

Est il possible d'enuenimer les boulets, & que le venin en soit porté dans le corps?

IL EST aisé à prouuer que non: d'autant *Negation.* qu'un boulet est massif, & de corps dense, tellement qu'il ne se peut abreuuer de venin. Et combien qu'on y feist de petits trous avec vne eguille, ou autre engin, & puis il fust trempé ou fricassé dans certaine poison, de sorte qu'il la puisse retenir, le feu allumé de la poudre inflâmant le boulet, consumeroit ledict venin: car il purifie tout, & destruit le

venin. Et ne faut douter qu'il ne penetre suffisamment aux petits trous qui detiennent la poison: car il n'y a corps si subtil & penetrant que le feu. Mais ie veux que le venin y reste, voire que le boulet soit tout poison: comment pourra-il enuenimer en passant si viste à trauers du corps? Si telle poison ne peut estre consumée, ne destruite par le feu, d'autant que tel feu n'a assez de loisir, pour le peu de temps qu'ils sont ensemble: par mesme raison le venin, à faute de loisir, ne pourra faire impression au corps, &c.

Afirmation.

C O N T R E ces raisons on allegue ce que plusieurs afferment auoir veu & obserué: & que matieres plus massiues ou denses retiennent le venin subtilement accommodé: ainsi qu'aucuns disent qu'on empoisonne les estrieux d'un cheual, la selle, les rênes, les esperons, le papier ou l'encre de quoy vne lettre est escripte: de sorte qu'en la lisant on s'empoisonne. Ainsi peut on siement empoisonner vn boulet de plomb, le fer, ou d'autre matiere, & trop mieux encor, s'il est martelé, ou pertuisé, ou seulement inegal. Car vn corps lis ne retient si aisément l'impression: combien qu'il fustise d'auoir trempé vn boulet dans la poison, pour en retenir autât qu'il en faut à nuire beaucoup: & mesmement si la poison a corps. Car aille tant viste qu'il pourra, toutes-foi il laissera vestige par ou il passera. Ainsi on a esprouué de frotter vn boulet de matiere rouge ou verde, qui tiré

contre vn bois, y laissoit vne trace de mesme couleur. Mais on dit bien d'auantage: qu'il y a personnes qui scauent mesler de la poison avec le plomb fondu, de façon que le plomb soit venimeux en sa substance. Quant au feu contraire à la poison, & consumant tout venin, il faut entendre, que le feu n'est pas contraire aux venins de ses qualitez manifestes. Car la plus-part des venins sont caustiques & corrosifs: mesmement ceux qu'on vsurpe à infecter les fleiches, & espieux, desquels (à mon aduis) sont ceux de qui on veut infecter les boulets. Touchant la vertu du feu, qui consumé en bruslant toute chose venimeuse, elle ne peut agir en si peu de temps contre le venin du boulet, comme cy deuant à esté dict. Parquoy le boulet demeurera enuénimé, & pourra empoisonner, &c.

IL EST certain qu'on peut enuénimer le boulet comme toute autre substance, en- *Conclusion.*
cores plus solide. Car le fer des fleiches & des espieux est iournellement empoisonné: mais ie ne sçay pas qu'on puisse mixtionner la poison avec le plomb fondu. Car comment receuroit le plomb vne substance d'autre genre, qui ne peut souffrir sa crasse, ains la reiette? Il faut que le mélange soit de choses alliabes. Et quand bien l'accorderay, que le plomb fust venimeux en sa substance par vn tel artifice, mesmes avec telle resistance contre le feu, que pour estre si peu de temps inflammé, il ne perdist vn grain de

DES ARCBYSADES

sa maligne qualité, ce boulet toutes-fois ne pourroit enuenimer le membre, sinon qu'il y seiournast, comme il a esté dict. Parquoy les playes penetrâtes, sans detension du boulet, ne feroient venimeuses. Quant aux autres, ie ne veux pas nier, que ne le puissent, si le boulet estoit enuenimé. Toutesfois il ne faut pas estre fort aisé à croire, que les boulets que iette l'ennemy soient empoisonnés, comme le vulgaire en murmure, des lors qu'il voit mourir plusieurs blecez aux bras, aux iambes, ou autres membres extérieurs. Car pource qu'on en void eschapper la plus part, filaient quelque fois que plusieurs en meurent, ou sont de mauuaise guérison, ou endurent de grieux, & non coustumiers symptomes, on dit soudain que les bouletz sont venimeux, combien que la raison soit autre, sçauoir est la mauuaise disposition du temps, ou des corps mal habituez, pour auoir beaucoup enduré de froid, de chaud, de faim, de soif, & tout autre malaïse: Ioinct que le fracas qui est fait d'un boulet d'arquebuse de grãd calibre, est suffisant à faire tel desordre qu'il semblera que le foudre, ou le venin l'a faict: & sur tout quand le boulet est martelé & scabreux, ou fendu se mettant en pieces au rencontre de quelque chose dure, comme des os. Il y a plusieurs autres causes que ie tais, l'ignorance desquelles a introduict faux soupçon & superstition: comme aux idiots de rapporter tout le mal des enfans aux vers, des femmes

femmes à la mere, des trauailleurs au morfondement: & si le mal est fort incogneu, ou diurne, & avec grand langueur, ils accusent la poison, ou l'enforcement.

PROBLEME. IIII.

*Le boulet de plomb retenu dans le corps, apres
que la playe est consolidee, peut-il causer
aposteme, ou autre mal en quel-
que endroit?*

P O U R l'affirmatiue, on fait mention de plusieurs auxquels le boulet a causé vn ab'cès apres long temps, & est sorty par iceluy, fort loin de la playe: comme nous auons souuent obserué. D'ailleurs on void, que le boulet fait grand nuisance, quand il est paruenü à vne ioincture: ou sil est retenu dans la poitrine, dans le ventre inferieur, ou ailleurs, comme estant chose contre nature, &c.

Affirma-
tion.

P O U R la negatiue, on peut remonstrier que le plomb n'a aucune mauuaise qualite, ains au contraire est fort amy de nature: & tant s'en faut qu'il vlcere, ou face quelque solution de continuite, qu'il guerit & consolide les plus malins vlcères, &c.

Negation.

LA VERITE est, que le plomb de foy n'vlcere pas, & ne fait corrosion aucune, ainsi que font le fer & le cuiure. Aussi n'engendre il aucun mal qui soit d'occasion maligne, comme il n'est pas malin. Et quant à l'aposteme qu'il excite quelque-fois, c'est ou

Conclusion.

DES ARCEVSADES

de sa pesanteur, ou de ce qu'il fraye autrement la chair en descendant parmy les muscles. Ce qui nuit aux ioinctures, & aux membres interieurs, n'est pas de maligne qualité, ains seulement de sa grosseur & pesanteur.

PROBLEME. V.

Le regime est il bien ordonné pour les blecezz d'arcevsade, ou autrement, que des premiers iours ils facent grand' abstinence; & par apres soient mieux nourris?

Affirmation.

ON LE pratique ainsi communement, avecques bon succès. La raison y est aussi: car il faut tascher des incontinct à preuenir l'inflammation, qui augmente la douleur, excite la fièvre, inquietude, veilles, resuerics, & autres mauuais symptomes, qui detournent ou retardent la curation. Le moyen de preuenir ces maux, est de diminuer la quantité du sang par phlébotomie, & abstinence: car s'il y en a peu, il ne deflue si largemēt vers la playe, qu'on ne le puisse ay semēt arrēster par refrenatifs & repellans. Or le cōmun terme de l'arriuée de ces accidēs est de sept ou huit iours: lesquels estans passez, on permet au malade plus de nourriture, & quelque peu de vin: à fin de les remettre en force, & augmēter le sang diminué, qui suffise à la generation de la nouuelle chair. Il faut aussi considerer, que l'abstinence estant requise, il vaut mieux l'ordonner estroictē des le commencement: veu que les forces de nature sont lors plus grandes, & le pa-

tient peut mieux supporter ceste charge : car desormais il s'affoiblit tousiours , tant plus il entre auât en maladie. Il y a vne autre raison , alleguée d'Hippocrates mesme , au nom de ceux qui luy contredisoient en ce faict : à vn grád changemēt de l'estat du corps, il faut opposer vn grád chāgemēt de maniere deviure.

*Voyez le. 2.**li. des mala-**dies aiguës.**Aph. 18.**Negation.*

AV CONTRAIRE Hippocrates & Galien nous commandent preuoir dés le commencement la vigueur ou souuerain estat de chacune maladie , & sur tout de celle qui est aiguë: cōme sont la plus part des playes, mesmement avec fièvre. Et veulent que es premiers iours le malade soit tellement nourry, qu'on aille tousiours en diminuât les viures, iusques à tāt que la fureur du mal soit passée: & que neantmoins les forces de nature soient entretenues. Et pourtant il conuient nourrir suffisamment es premiers : autrement le malade ne pourroit supporter la diminution qu'il conuient faire tous les iours , iusques à la declination du mal. Voyez les sentences d'Hippocrates, au secōd liure des maladies aiguës, Aphorisme 18. & au premier des Aphorismes, depuis le quatrième iusques au dixième. Voyez aussi le bon Guidon, au regime des playes, qu'il ordonne bien autrement qu'on ne le pratique. Il y a plusieurs raisons qui confirment ce propos. Et premierement de ce que nature ne peut souffrir tant soudaine mutation, cōme d'auoir tousiours bien mangé auparauant, & tout incontinent se rendre

DES ARCEVSADES

au pain & à l'eau, mesmes ayant bon appetit. N'est-il pas plus raisonnable, diminuer des viures peu à peu, cōme aussi l'appetit diminue: & quand on est à la declination, les augmenter de peu à peu, ainsi que l'appetit reuiuent? de sorte que le commencement & la fin du mal respondent l'un à l'autre: tout ainsi que ces deux temps s'accordent en accidens legiers. Car, pour la seconde raison, il faut sçauoir que les Symptomes qui communément troublent nature, & l'empeschēt de pouuoir cuire beaucoup de viande, sont plus copieux & fascheux en l'augment & en l'estat, qu'au commencement & à la fin. Aussi nature ne peut bien pouruoir à deux concoctions diuerses en mesme temps, sçauoir est de la viande, & des humeurs qui sont rebellion. Donques l'abstinence conuient trop mieux à l'augmentation du mal, & encor plus à la vigueur, qu'au commencement. Qui en ordonne autrement, il est contrainct (apres auoir trop espargné les viures es premiers iours, voyant la force ne pouuoir supporter vn tel regime, iusques à la vigueur du mal) nourrir plus abondamment, lors que la viande ne sert que d'empescher, & deplaist au malade, &c.

Conclusion. P O U R decider iustement ceste question, il faut distinguer & limiter, que l'abstinence modérée est requise en ceux qui doiuent estre bien tost gueris, quand ils n'ont gueres perdu de sang, & quelque chose nous em-

pesche de les saigner. Mais si le blecé a perdu beaucoup de sang, ou si on le peut libremēt saigner, & on preuoit vne longue distance iusqu'à l'estat: c'est mal faict de luy ordonner grand' abstinence pour le commencement. Car il ne luy reste pas tāt de sang, qui ne puisse estre suffisamment empesché de fluer par les refrenatifs & repellans: outre ce qu'il a bō besoing de ses forces pour soustenir longuement le fais du mal. Ioint qu'il faut tousiours amoindrir la quantité des viures, à mesure que les accidens augmentent & multiplient, iusques à parfaicte maturation, qui est la fin de l'estat. Ce qu'on ne pourroit, si on auoit commencé trop tost l'estroicte abstinence. Mais quand on vient à deterger (qui est en la vraye declination) il conuient mieux nourrir: car les accidens ne dissuadent plus la nourriture, & il faut qu'elle soit plus copieuse, à fin de fournir la matiere de la nouvelle chair.

PROBLEME. VI.

*Est-il necessaire & proufitable de sefforcer
d'auoir le boulet comme que ce soit, dès
le commencement, au premier
ou second appareil?*

C'EST la premiere indication des playes, *Affirma-
tion.* qui commande oster toutes choses superflues,
& contre nature, si l'y en a entre les parties
diuisées. Car autrement elles ne se peuuent

DES ARCBVSADES

repandre & reünir, qui est la fin de leur curation. Donques il faut r'auoir & retirer tout ce qui est dedans la playe, comme le boulet, pieces de harnoys, ou de l'habillement, &c. Et vaut mieux sy efforcer (quoy qu'il en soit) aux premiers appareils. Car il n'y a encores si gräd' douleur & inflammation, qu'il y aura par apres: dont le patiét pour lors endure beaucoup mieux le tourment & toutes incisions necessaires, qu'en vn autre tēps, &c.

Negation.

AV CONTRAIRE est l'enseignemēt du bon Guidon, auquel les plus sages praticiens s'arrestent. C'est que si on ne peut salubrement arracher du premier rencontre ce qui est fiché dans la playe, il le faut laisser iusques à tant que la chair s'estrie & pourrisse: & adonc sera plus le piétement arrachée en le remuant & tournoyant ça & la, non obstant le dire del'Henry, qui commande que soudain soit arraché: car ainsi le veulent Anicenne, Albucasis & Brun. Voyla ce qu'en dict Guidon, & son propos est confirmé par telle raison: que le temps plus propre à arracher telles choses, est quand les accidēs sont moindres, comme des premiers iours, & à la fin. Mais il ne se faut tant opiniastrer du commencement, par ce que la chair & autres parties sont enflées & ferment le passage: outre ce qu'on doit craindre d'auancer plustost, & enaigrir les symptomes qui sont prochains. Mais à la declination, apresque les accidens sont fort diminuez, ou abolis, il n'y a aucun

danger: & mesmement, veu que la passage est plus ouuert & libre, quand la chair meurtrie a suppuré, & ce qui a esté gâsté des autres parties en est dehors: car adonc il est plus aisé de trouuer le boulet, & de le faire sortir sans tourment ou danger. On a aussi pour lors le secours de nature, laquelle produit chair nouuelle de tous costez, & ce faisant repoulse & reiette toutes choses superflües, & qui ne sont de la partie. Et quand bien le boulet y resteroit enclos, il ne portera aucun dōmage au corps, s'il n'est que parmy les muscles, ainsi qu'a esté remonstré cy dessus, &c.

Conclusion.

IL EST FORT BON d'essayer au commencement, que la playe est encores chaude, d'en retirer le boulet, si on le peut facilement. Sinon, il faut attendre qu'il se represente, fins qu'on l'aille tousiours rechercher avecques molestie, & grand douleur. Ce qu'il fera apres l'entiere suppuration, & mondification de l'vlcere, s'il doit venir en euidence. Et encor moins faut-il en tourmenter le patient, si le boulet est enclos en lieu ou il ne puisse gueres empescher, ou apporter dōmage.

PROBLEME VII.

Quand il y a fracture d'os parfaicte en vne playe d'arcbusade, est-il requis & necessaire de remettre les os en leur place dès le commencement, ainsi qu'és autres fractures?

DES ARCBUSADES

Negation.

IL SEMBLE que non : si l'est vray que l'arcbusade apporte feu & venin . Car en tel cas il vaut mieux laisser pour vn temps la fracture sans y toucher, de peur qu'en estendant & façonnant le membre, on n'augmente l'inflammation . Aussi telles playes sont fort subiettes à gangrene, qui se peut auâcer pour semblable occasion . On peut adiouster à ces raisons, la maniere de faire de plusieurs, qui laissent à reduire telles fractures, veu mesmes les grans esclats qu'ils craignent d'enclore, attendans qu'on les aye mis dehors, & que la playe suppure bien, suuant vn passage qu'ils alleguent d'Hippocrates . Et souuent se contentent de guerir l'vlcere qui reste de la playe : sans iamais toucher à la reduction : ains permettent que les os se reünissent par vn calle en la figure qu'ils les trouvent, &c.

Affirmation.

A v contraire est le precepte de tous les plus excellens medecins & chirurgiens, lesquels ordonnent la reduction pour la premiere intention, quand on est appellé dès le commencement, & auant que l'inflammation possede le membre . Car la reduction n'est si faisable depuis, quand la partie s'est adonnée à vn autre figure. Aussi qu'au temps de la suppuration & regeneratiõ de chair, les os cõmencent à se vouloir reprendre, s'ils se touchent par ou ils sont rompus . Or quant à l'arcbusade, elle ne peut rien indicer en cecy qui soit particulièrement obseruable : car de

TROISIEME PARTIE. 45

feu & de venin, il n'y en a point. Les esclats & squilles d'os peuuent estre retirés pour la pluspart, quand on reduit le membre en sa figure : & ce qui en reste, sort depuis peu à peu, durant la suppuration. &c.

C'EST beaucoup mieux procedé de tenir la reduction des le commencement, & tenir le membre en sa deuë figure, s'il est possible : Sinon, faut attendre iusques à la declination, que les accidens sont passez, & l'ulcere est mondifié. Mais le plus souuent n'y a assez de temps : car les os ont commencé à se ferruminer, ou lier en mauuaise figure : toutes-fois on peut rompre ce lien, & remettre les os en meilleure forme.

Conclusiō.

PROBLEME. VIII.

Quand le membre est fort brisé, les os rompus, & les vaisseaux cassez, vaut-il mieux soudain amputer le membre, que differer en pourchassant la guerison ?

POUR l'affirmatiue, on alleguera le commun euenement de plusieurs, desquels on pése de sauuer vn membre, & on perd tout le corps, en perdant la vie : Car si le membre n'a point d'os entier qui le soustiène, & qu'on ne puisse bonnement le bander : aussi que la partie basse ne soit entretenuë de l'aliment, & des esprits de la superieure, elle vient tan-

Affirmatiō

toit à gangrene & mortification. Dont vaudroit beaucoup mieux extirper soudain le membre auant que le malade s'affoiblisse davantage: aussi bien le faut il amputer apres que le patient a souffert milles maux. &c.

Negation.

Pour la negatiue, on peut racôpter l'histoire de plusieurs auxquels on a sauué le membre qui auoit esté condamné à couper, d'autant qu'on le voyoit tout fracassé. Aussi nature se reserve bien souuent des moyens occultes d'entretenir la vie, tant vniuerselle, que particuliere d'un membre, & produict effects miraculeux. Il est vray que plusieurs-fois le membre reste mutilé & presque inutile à ses actions: mais il vaut tousiours mieux, & est plus agreable qu'un bras de fer, ou vne iambe de boys. D'auantage, quand bien il ne pourroit estre conserué & entretenu, ains le faudroit en fin retrancher, il est meilleur d'attendre quelque peu, & ne le couper tant soudain: car si on differe iusques à tant qu'il y aye quel que apparence de mortification, le regret ne sera pas tel au malade, & à ses amis, qui pourroient demeurer en ceste opinion, qu'il estoit possible de luy sauuer le membre. Ioint que la gangrene commence volontiers aux parties loingtaines, & extremités du corps, qui ont plus grand defaut d'aliment & d'esprits: tellement qu'on la voit venir de loin, & y a assez de temps à faire l'incision plus haut que le fracas, ainsi qu'il appartient. &c.

Conclusion.

Pour appointer ce different, il est be-

soin d'vser d'aucune limitation, d'autant qu'on ne peut pas tousiours s'asseurer de l'e-
 uement, si le membre pourroit estre conser-
 ué, ou non. Et à tel on coupe le membre,
 qui receuroit guerison avec le temps, & grã-
 de poursuite. A d'autres on espere mieux fai-
 re, & ce n'est que les tenir en langueur, & cõ-
 me les laisser cõsumer à petit feu: car ils meu-
 rent finalement, avec leur membre pourry,
 qui pouuoient eschaper si on l'eust amputé
 dès le cõmencement. Donques il faudra ainsi
 distinguer, que le fracas estant fort grand, si le
 blocé n'a la commodité de se faire songneuse-
 ment penser, & n'est pourueu de toutes cho-
 ses necessaires, (mesmemēt si l'air contredit à
 la curation) le plus seur est de luy couper
 le membre dès le cõmencement, tandis qu'il
 a assez de force: Car on pourra beaucoup
 plus aisément sauuer le reste, qu'un tel mem-
 bre. Mais si l'a toutes commoditez, on doit
 tãcher de sauuer tout: au moins attendre
 que lon voye suruenir la gangrene en quel-
 que endroit. Je ne dis pas deuers l'extremi-
 té: car bien souuent elle commence au lieu
 blocé, où est la grand constipation des por-
 res, à raison de la contusion. Et ne faut point
 craindre que soit trop tard pour extirper,
 quand la gangrene est iã entour la playe. Car
 s'elle n'est profonde, ains est seulement à
 la peau, & superficie de la chair, on peut
 bien rãmender tout cela par bon artifice.
 Ainsi on euitera (par ce moyen) tous les

DES ARCBUSADES
regrets qu'on pourroit auoir, tant pour l'ex-
tirpation d'une partie, que de la vouloir
conseruer.

PROBLEME. IX.

*Est il proufitable ou necessaire de passer vn se-
ton es playes d'archusade, quand
le membre le permet?*

Negation. Il semble que le seton n'a point lieu aux arc-
busades: par ce qu'il afflige beaucoup la partie
ia par trop affligée: ioinct que son effect n'est
de grand proufit: Car il ne faut auoir crainte
que la playe se ferme au dedans, veu que la
chair contuse doit necessairement suppurer:
ne qu'il reste au dedans quelque superfluité.
Car nature reiette tout de peu à peu, ainsi
qu'elle faict suppuration, & regeneration
de chair. &c.

Affirmatiō. Au contraire, on l'estime proufitable, en
tant qu'il aide fort à Nature, en la separation
& reiection de toutes choses inutiles: & sur
tout qu'en frayant contre les os rompus, il
en fait plustost departir les esquilles & frag-
mens qui sont adherés: & ceux qui dresent
leurs poinctes contre la chair, & autres par-
ties sensibles, en sont abbatus & couchez,
pour ne faire plus tant de mal. &c.

Conclusion. Si on peut passer vn seton en telles playes
du commencement, il est fort bon: car il tiét
le passage ouuert, & donne issue aux choses

estranĝeres, qui sont reiettées de nature, mais il doit estre gresse, & ne le faut cōtinuer que durant la suppuration : Car deslors que pour l'usage du deterſif, l'incarnation commence, il ne faut plus frayer le passage : autrement la regeneration de chair, & l'agglutination en seroient empeschées.

PROBLEME. X.

*Est ce bien faict d'amplifier & aggrandir la
playe dès le commencement ?*

IL semble que non : car il n'y a que trop *Negation.*
de mal, sans en faire d'auantage. Et l'amplifier
n'y sert de rien, pour donner plus d'issuë
aux superfluitez suppurées : d'autant que la
playe se dilate tousiours d'elle mesme, à me-
sure que la chair meurtrie vient à suppura-
tion. &c.

Au contraire est l'autorité de Iean de Vigo, *Affirmatiſ.*
qui le cōmande ainsi faire pour bon respect :
& l'experience de plusieurs, qui s'en trou-
uent fort bien. La raison y soubzsigne : car
si la playe est suffisamment ouuerte, on en fait
sortir plus aisément tout le superflu, & la
playe en est de meilleur traicter. &c.

DE vray les playes qui sont les mieux *Conclusion*
ouuertes, sont de meilleure guerison : dont
ne faut espargner les orifices, ou l'incision
n'est autrement suspecte.

DES ARCBUSADES

Negativ.

Pour le parti contraire a esté cy dessus remonstré, que les playes d'arcbusades n'ont grand besoing de restrictif pour arrester le sang. Toutes-fois il y peut conuenir de sa vertu exsiccative, laquelle garde le membre de pourrir : mais le caustique le fait encores mieux, en confortant aussi la chaleur naturelle. Et ne faut craindre la douleur : car le bien qui en reuiet, est beaucoup plus grand que tout le mal. &c.

L'EXPERIENCE & la raison demonstrent, que le caustique (i'entens comme d'huile bouillant) est plus conuenable à telles playes : & qu'elles en sont gueries plus tost, plus seurement, & avec moins de symptomes, &c.

PROBLEME. XIII.

Faut-il vsfer du repercusif & du refrenatif, en la curation des arcbusades, & en quel temps?

Affirmatiõ.

ON preuue qu'il en faut vsfer, pour sifter la defluxion, en repousant & contemperant les humeurs : à celle fin que la douleur, tumeur & inflammation ne troublent le fil de la cure : & sur tout pour preuenir la gangrene, fort suspecte en ces playes. Et par ce que l'on doit craindre tousiours ce desordre, iusques à la declination, il ne faut cesser d'appliquer tels remedes. &c.

Av contraire, il semble qu'il vaut mieux *Negation.*
 n'en vser point du tout : car le membre ne
 doit estre refroidy, quand on craint la morti-
 fication : ains faut entretenir la chaleur natu-
 relle par choses temperées. Aussi la constipa-
 tion des porres, laquelle empesche l'exhala-
 tion fuligineuse, est en ce cas fort dange-
 reuse : & le plus souuent cause de grand'pu-
 trefaction en la partie. Dont pour tout de-
 fensif, on se doit cōtenter d'huile rosat, &
 n'vser point de litharge nourry, de l'vnguēt
 de bol, & semblables medicamēs visqueux,
 froids & pesans. &c.

Il est vray que l'vsage des repellens & *Conclusion.*
 repercussifs, appliquez à l'entour de la playe,
 & aux parties superieures, est necessaire en
 toutes playes, qui sont avec contusion : mais
 il n'en faut pas abuser, cōme on fait cōmu-
 nēmēt en deux sortes, que ie deduiray main-
 tenant : Car à raison de la contusion (qui re-
 quiert suppuration) il ne faut tāt refroidir, ne
 si longuement, de peur que la chaleur, desia
 fort eslonée en la chair contuse, ne s'estaigne
 du tout. Or le cōmun des praticiens erre en
 cela, qu'il ne cesse de repercuter & refroidir,
 voire iusques à la declinatiō, si le mal decline :
 ce qui auient biē tard à cause de c'est empes-
 chement. Ils faillent aussi entant qu'ils char-
 gent trop leurs emplastres, & appliquent tāt
 d'estoupades, cōpresses & bādage, que le mē-
 bre en est estouffé. En toutes choses la medio-
 crité est bien seante. Et quant à refrener, ra-

DES ARCEVSADES

Vne des meilleures reuulsions, est le frequent lachement des extremités avec eau chaude: & ce durât une heure, matin & soir.

batre ou arrester l'humeur qui desluë, il y faut proceder par meilleur moyë: c'est de faire bones reuulsions, & les cōtinuer ordinairement, tandis qu'on craint la fluxion: nō pas la permettre courir iusques au mēbre affligé, & l'arrester la mesme: cōme si c'estoit assez d'ē pescher que l'humeur ne verse par la playe. Et ce pendant il enfle & corrompt tout le mēbre auquel il croupit & sejourne. Vaudroit-il pas mieux permettre qu'il se vacuast par ce trou, au moins d'une portion, & que l'autre suppurast, & fust resoluë insensiblement (ce qu'empeschent telles applications excessiues) (& que ce pendant on fust tousiours bien songneux de tirer en arriere l'humeur, & garder qu'il ne paruint au membre: C'est la vraye methode de prouuoir à la desfluxion: laquelle peu de chirurgiens pratiquent: les autres s'amusent totallemēt à leurs vaines & dangereuses applications.

PROBLEME. XIII.

*Afirma-
tion.*

Qui est le plus conuenable digestif en ces playes, ou le commun, ou l'inguent dict Basilicon?

Pour le cōmun (qui est fait de moyeu d'œuf, & d'huile rosat) on peut alleguer le commun vsage, qui sert d'approbation, & qu'il est aisé de trouuer par tout des œufs, & d'huile commun, à faulte du rosat. Dont on

peut faire tousiours de frais le digestif. Quāt à sa faculté, il a toutes les cōditions requises au suppuratif (lequel on nōme vulgairemēt digestif) avec ce qu'il adoucit, & mitigue la douleur.

Pour le basilicon (ainsi nommé de son excellence royale, ou de ce qu'il doit estre le fondement de la curation) on allegue principalement, que outre ce qu'il est propre à supputer, il se garde longuemēt sans corrompre: & preſerue ſemblablemēt les parties de mauuaife corruption & pourriture. Au contraire, le digestif commun se corrompt incōtinent, & empuantit la playe: tesmoing la grand feteur qu'on y ſent: chose fort à craindre à telles playes ſubiettes à gangrene.

Negation.

Le basilicon a grād' & louable vertu à ſup- purer, en preſeruant le membre de pourriture: cōme il apport des ingredians, dont chacun ſe les garde lōg temps ſans corrompre, & la pluſpart a vertu de conſeruer de putrefaction ce qui en eſt embaumé. D'ailleurs il eſt tout preſt, & ſe garde long temps: dont eſt plus propre à celuy qui a pluſieurs malades à penſer en diuers lieux: car il ne ſe peut amuſer à faire par-tout le digestif commun.

Conclusion.

PROBLEME XV.

Peut on vſer de la therebinthine, du miel roſat, ou autres deterſifs, es premiers iours: ou vaut-il mieux attendre l'entiere ſuppuration?

G ij

DES ARCBVSADÉS

Affirmatiu.

Q'v on puisse & doioie vsfer de la therebintine, & du miel rosat dès le secôd ou troiesme appareil (nô pas d'iceux tous simples, mais avec le digestif) plusieurs le soustiennêt, armés de leur experience. On le peut aussi prouuer par ceste raison : Aux archbusades y a cõtusion. Or ce qui est contus, suppure necessairemêt, sil ne pourrit : car il ne peut reuenir à son premier estat, ne se maintenir en telle condition. Parquoy n'est besoing de s'amuser autrement à la suppuration, ains vaut mieulx desincontinêt venir aux deterifs, pour aider tousiours à reietter les choses superflues.

Negation.

Au cõtraire, Hippocrates nous admoneste de supputer tout incontinêt, & aider à nature. Ce qu'on fait par medicamens, qui peuvent ramasser & entretenir la chaleur naturelle, voire l'augmenter en substance. Quant à vouloir deterger tant soit peu, auant que la suppuration soit parfaite, ce n'est que travailler en vain, & tourmenter la partie, en colliquant la chair, & augmentant son inflammation : comme dict Hippocrates, de ceux qui pensent retirer quelque portion de l'humour qui fait inflammation interne, par medicamens purgatifs, en lieu qu'il faut resoudre & attendre la suppuration. Or le deterif en un vlcere, respond au cathartique ou purgatif du corps. Dõt si cestuy-cy ne conuiêt, & ne l'autre aussi. D'auantage, il est escript par le mesme autheur, qu'il ne faut medeciner (c'est à dire purger) que les matieres meures : dont

*Lib. 4. lib.
des malad.
aigues.*

Apo. 2.2. l. 1.

TROISIEME PARTIE.

Si

les raisons sont amplement deduites au commentaire de Galen sur ce passage. &c.

Il faut laisser parfaire la suppuration : puis on purgera, detergera, ou modifiera bien à propos. Qui vsera plustost du deterfis, ne fera qu'augmenter la douleur par mordicatio, & amener plus de matiere à l'ulcere, en retardât la suppuration. Le meilleur est, & de vraye methode, que chacun temps aye ses remedes, & que quand on passe d'un temps à l'autre, ils soient meslez de bonne sorte, comme on ordonne pour la cure du phlegmon.

Conclusion.

PROBLEME XVI.

Peut on reduire la curation de l'arcbusade, à celle du carboncle?

ON ne la peut reduire : veu que sont diuers maux, procedans de diuerses occasions, & requerues diuers remedes. Que ces maux soient diuers, il appert manifestement : comme aussi qu'ils procedent de causes diuerses. Car l'un est du genre des tumeurs contre nature qui deuiennent ulcere : & a sa cause principale interieure, sçauoir est le sang gros & bouillant : l'autre est vne playe, dont la cause est toute exterieure, & peut auenir aux corps les plus tēperez & enchimez. Dequoy s'ensuit que la curatio doit aussi estre differente. Bien est vray, qu'il y peut auoir semblance en quelque chose : mais ce n'est pas assez pour reduire la curation de l'un à l'autre. &c.

Negation.

Affirmati^o. P O U R le parti contraire, on peut deduire la grand'afinité qu'il y a entre ces deux maux. Car premierement en tous deux y a eschare, prouenant de brulure : & quelque venenosité. Tous deux deuennēt vlcere : & pour lors requierent semblables remedes: qui plus est, dès le cōmencement on les peut traiter de mesme : car l'un & l'autre est mis en bon train de seure guerison, si le caustique y est appliqué : & par dessus ou tout à l'entour, le cataplasme (improprement dit emplastre) d'Arnoglossa, ou de plantain : lequel est plus propre aux playes d'arcbusade, qu'autre refrenatif qu'on sache vsfer : Car il repercute suffisamment, pourueu que les reuulsions conuenables soyent bien cōtinuées : resould vne partie de l'humeur superflu qui abreue la partie, & n'empesche la suppuration, en preseruant de pourriture, inflation, & autres facheux accidens. Quant à la maniere de viure, saignée & autres euacuations, il n'y a riē de different, si le corps subiect est semblable. Dōt s'ensuit que l'arcbusade, & le carbon cle peuuent estre gueris de mesme sorte. &c.

Conclusion. C O M B I E N que ces deux maux soient de diuers genre : toutes-fois ils contiennent biē tost ensemble : le ne dis pas que l'arcbusade soit avec brulure & venenosité, cōme le carboncle : mais d'autāt qu'il y a chose proportionable, leur curation a grād semblance : car la chair fort contuse & frayée, ne vaut pas mieux que celle qui est brulée : & pour peu

qu'elle pourrisse, acquiert venin. Dequoy s'ensuiuent inflation & gangrene, tout ainsi qu'au carboncle. Si ainsi est, le parti qui affirme doit estre maintenu. Comme i'estois sur ce propos de carboncle, il m'en est suruenue vn (comme par despit) à la main dont i'escriuois, droict à la premiere ioincture du doigt furnomé medecin : lequel m'a faict mieux cōprendre son naturel en quinze iours, que ie n'auois fait depuis 25. ans que ie suis cōsacré à la medecine. Au premier fort contēptible, en fin s'est montré si cruel en mon endroit, qu'il m'a cōtrainct voyager de Saumur à Angiers, pour me renforcer contre luy du sain cōseil, & bon auis des medecins & chirurgiens, desquels ladiète ville est heureusement ornée, gens de grand sçauoir & seure experience. Entr'autres m'ont ordinairement & tres-humainement secouru (& par ce estroitement obligé) Monsieur Pelion, docteur Medecin tres-fameux, & à bon droict renommé le premier d'Anjou : & maistre Iean Malnoë, chirurgien tres-sçauant & expert : lesquels m'ont assisté & traicté l'espace d'un mois, aussi artificielement que la grandeur & malice du mal le requeroit, d'une telle pieté & beneuolence, que ie leur en seray à iamais redeuable, cōme ie proteste en cest endroit. Quant au carboncle qui m'a contrainct leur donner ceste peine, ie l'en puniray biē, si Dieu me fait la grace de continuer ma Pratique, suiuant l'ordre qu'ay entrepris. Iespere qu'en son lieu

DES ARCBUSADES

il sera si biẽ depeinct & dechiffre, tant estrillẽ
& si dechiquetẽ, qu'il ne se prendra iamais
plus à Medecin, qu'il ne luy face prou de mal.

PROBLEME XVII.

*En la bruslure de poudre d'arcbuse, est-il
bon d'appliquer soudain vn
refrigeratif?*

Affirmatiõ. LA reigle est generalmente vraye, que
tout mal est guery par son contraire. Dont
le blanc d'œuf avec l'eau rose, l'vnguent de
liuarge, ou l'oxicrat & semblables sont me-
thodiquement appliquez dès le commence-
ment. Au moyen dequoy est empeschẽe
la vesication, & l'vlcération qui en pro-
uient. &c.

Negatiõ. A v contraire les refrigeratifs nuisent à
la bruslure, entant qu'ils constipẽt & espais-
sissent d'auantage la peau : tellement que les
vapeurs excitẽes d'humours subtiles, ne pou-
uant exhaler, redeuiennent eau sereuse : dõt
s'y engendrent vesies & vlcération facheu-
se. Parquoy il vaut mieux vsẽr du rarefactif,
pour le commencement, ainsi que font les
meilleurs praticiẽs en toute bruslure, y ap-
pliquãt des oignons avec du sel, ou d'eau, en
laquelle on a esteint la chaux, & semblables.

Conclusion. QVANT au venin de ceste poudre, auquel
plusieurs cõmandent auoir esgard, & pour tel
le raison abstenir des refrigerãs qui repercu-

tent: i'en y trouue aucun fondement, comme souuent à esté remonstré. Aussi ne voy-ie pas que la brullure auenuë de la poudre inflam-mée, requiere de nous autre chose que la cõ-mune brullure: pour laquelle i'approuue les resolutifs des le commencement, ayant esgard aux raisons du dernier party.

PROBLEME. XVIII.

*Faut il penser vne playe d'arcbusade plus
d'vne fois le iour?*

IL EST certain (& personne n'en dou-te) que tout vlcere doit estre plus souuent pëfé en esté qu'en hyuer, si toutes autres choses sont pareilles: car pour ce temps la les vl-ceres amassent plus de superfluité, & deuie-nent plus puantes, si ne sont abstergez sou-uent: ioinct que les iours adonc sont fort longs. Mais la question est si en quelque temps que ce soit il vaut mieux souuent pen-ser la playe d'arcbusade.

IL Y A grand raison de l'affirmer: veu que nous n'auons sinon à oster toute superfluité, & chose estrangiere, cest nature qui guerist. Or tant plus de fois on remuë & pense vne playe, tant plus on la rend nette, &c.

AV CONTRAIRE tant plus souuent on decouure la playe, tant plus on fait de dommage: pour ce que l'air altere les parties denuées de leur peau, & autre couuerture naturelle. D'auantage il faut donner loisir à

*Affirma-
tion.*

Negation.

DES ARCVSADES

nature de faire ses actions, qui sont de suppu-
rer, incarner, &c. Ce qu'on empesche ou re-
tarde quād l'appareil est remué coup à coup.
C'est comme quand on boit & mange à tou-
te heure, que l'estomach n'a loisir de digerer
vne viande: dequoy prouiet la crudité, four-
ce de mille maux, &c.

Conclusion.

IL N'EST possible de bien respondre à
ce Probleme, sans vser de plusieurs distin-
ctions. Car selon le temps de la maladie, il
faut plus ou moins souuēt remuër l'appareil:
sçauoir est qu'au commencement & à la fin,
pour ce qu'il n'y a pas grands symptomes, &
les excremēs ne sont cuits, ou en grād quan-
tité, il ne conuient remuer l'appareil qu'vne
fois en vingt & quatre heurēs, ou plus tard.
Car aussi ne faut destourner nature, qui s'ap-
preste à la suppuration, & à la regeneration
de chair, en l'augment, & encor plus en la vi-
gueur du mal: d'autant qu'il y a quantité de
matiere, & les symptomes sont vrgens, il est
besoing de nettoyer souuent l'vlcere. Nous
auons dict que les symptomes nous contrai-
gnent à remuër plus souuent. Or d'iceux le
plus frequent est la douleur, qui prouient du
bandage ou ligature trop estrainte, ou des
importunes applications & charges, ou de
l'abondance du pus. Et en tels cas il est bon
de n'attēdre l'heure accoustumée de remuër
l'appareil, à fin d'appaiser la douleur. Il faut
aussi distinguer des parties: c'est que le cer-
ueau & autres spermatiques, ne reiectēt gue-

res de pus, & craignent fort d'estre resfroïdies. Parquoy il est meilleur de ne les penser qu'une fois le iour: & ce apres midy, lors que l'air est plus échauffé: car telle chaleur, prouenât du Soleil, est sans cõparaison meilleure & plus approchante de la nostre naturelle, que celle du feu artificiel. Adioustez y les playes penetrâtes dans la poitrine & dans le ventre inferieur: car les entrailles craignent extremement le froid, par ce qu'elles sont de nature chaude. I'obmets la distinction du temps ou saison de l'année: à raison dequoy en Esté, toute sorte d'vlcères doit estre plus souuent reueuë, qu'en hyuer comme cy dessus à esté remonstré. Or il faut noter que ces propos doiuent estre entendus, principalement de ce qu'on met dedans les playes ou vlcères: car des emplâstres & autres applications on en peut faire tout ainsi que es humeurs contre nature, suiuant la doctrine de Guidon.

PROBLEME. XIX.

La gangrene qui prouient de l'archusade, requiert elle semblables remedes à toute autre espeece de gangrene?

ON PEUT affirmer, que toute sorte de gangrene, d'ou qu'elle prouiennne, requiert semblables remedes, veu que c'est tousiours vn semblable mal, & de mesme essence: de laquelle on comprend la premiere & princi-

Affirmation.

pale indication curatiue. Parquoy il faudra tousiours & en toute gangrene, soit d'arcbusade, ou autrement practiquer l'enseignemēt du Guidon, en la curation d'Estiomenē. C'est d'oindre d'vnguent de bol pour le commencement, & si cela ne profite, scarifier profondement (ou y attacher des sangsuës) & fomēter d'eau salée, puis cataplasmer de farines exlicatiues & résoluentes: & quand la furie du feu sera appaisée, y appliquer de l'egyptiac, selon la description d'Auicenne. Et si la partie est du tout sphacelée, vser du caustique, ou cautere actuel.

Negation.

P O U R le contraire, que la gangrene prouenant de l'arcbusade ne se guerisse, comme toute autre gangrene, est prouué de ce que les remedes doiuent estre tousiours diuersifiez selon la diuersité des causes, nonobstant qu'elles produisent vn semblable mal. Car cōme Galen remonstre en quelque lieu) c'est à la cause & non-pas au mal, que l'on oppose les remedes. Or la gangrene prouient d'extreme froidure, ou chaleur, de forte ligature, ou de cause venimeuse, non moins que d'abondant humeur: & qui ne faict premierement cesser telles causes, qui esteignent, dissipent, forcloent, corrompent, ou estouffent la chaleur naturelle, si elles perseuerent, il n'auance rien. Dont sensuit que la susdicte curation ne peut conuenir à toute espece de gangrene: mesmement à celle qui est de refroidissement, ou ligature: ains con-

*Dept. secta
ad Thrasy.*

uient propremēt à l'extreme inflammation, pour l'excessiue abondance de l'humeur : & par consequēt à la gangrene des arbusades, qui auient de la matiere du mal, & non de l'abus des refrigeratifs, &c.

IL EST vray que la gangrene ou estioneme (ainsi que Guidon l'appelle) est vn simple, duquel la cause prochaine, coniointe & immediate, est diminution & defect de chaleur naturelle, qui prouient de diuerses occasions, selon lesquelles son progres doit estre preuenu. Sçauoir est quand la ligature en est cause, en deliant soudain: puis inuitant la chaleur au membre, par fomentations relaxantes, & frictions legeres. Quant est de froid, y appliquant choses tiedes & qui ouurent les porres: comme au contraire si cest de chaleur excessiue, en refroidissant. Si cest par venin en le retirant au dehors & vsant de contre-venin. Si de grand' inflammation. & humeur superfluë, adonc est fort conuenable la curation ordonnée de Guidon, pour tascher d'amortir le feu qu'on attribue à S. Anthoine: de laquelle plusieurs abusent grandement. Car ils l'accommodent indiscretement à toute sorte de gangrene, & mesmes ou il n'y a repletion. Or Guidon en curant l'estioneme, ne traite que de celuy qui suit les grands phlegmons ou carboncles: ce que tels personnages n'aduissent pas.

La gangrene qui prouient de l'arbusade à *Conclusion.* cause de l'inflammation, & abondance d'hu-

DES ARC. TROIS. PAR.
meur superflu, non-pas celle qui suruiuent à
l'indue refrigeration, & cōstipation des por-
res, est peculièrement curée par les remedes
cy deuant expliquez.




AVTRES PROBLEMES TOV-
CHANT DIVERS PROPOS
en Medecine & Chirurgie.

PROBLEME. I.

*Est-il possible d'arrester la Gangrene avec
caustiques en fer chaud ?*

Negation.



I LA Gangrene est
vn feu, comme on
suppose, il n'est pos-
sible de l'arrester par
feu : ains son con-
trairey est requis: ou
la proposition tant
generale & raison-
nable, qu'un contrai-

re destruit l'autre, n'auroit pas lieu.

Affirma-

tion.

AV CONTRAIRE, nous auons l'autho-
rité des meilleurs praticiens, qui ordonnent

à toute extrémité les caustiques, & le feu mesme. A quoy la raison ne contredit pas: car le plus grand feu (comme celui des caustiques & du fer chaud) esteint le moindre.

IL FAUT rememorer ce qu'a esté cy deuant dict: que le feu & les caustiques ne sont appliquées à la Gangrene iusques à l'extrémité, sçauoir est quand la furie de l'inflammation est passée, & la chaleur naturelle esteinte: dequoy ne reste sinon pourriture & mortification, qui est proprement dicté Sphacele, ou Syderacion. Pour lors, il conuient retrancher ce qu'est ainsi corrompu & gâté, de peur que les parties saines n'endurent semblable dommage: & que les vapeurs cadaueresuses n'infectent les principaux membres, par le moyen des veines & arteres.

Conclusio

PROBLEME. II.

A l'amputation d'un membre, est-il bon de le couper à la ioincture, ou vaut-il mieux s'en abstenir?

Q'Y IL faille s'abstenir de la ioincture, c'est le commun accord de tous les praticiens, qui veulent que lon retranche à trois ou quatre doigts plus bas ou plus haut (selon que le Sphacele est limité) que la ioincture. Et la raison en est double. La premiere, d'autant que les playes des ioinctures sont dangereuses & mortelles, à cause de la cōuulsiō,

Negation.

& autres grands accidens qui en auient. A plus forte raison la totale incisiō des nerfs, tendons & ligamens sensibles de tel endroit, causera mort ineuitable. La seconde est, de ce que les os sont en cest endroit plus gros & amples, & y a moins de chair, qui les puisse biē recourir comme aux autres endroits du membre, en la chair est copieuse. Je laisse à part que quelques ioinctures sont difficiles à couper bien net, pour la mutuelle receptiō des os: comme celle du pied, du genoil, & du coude, car quant au carpe il est mal-aisé.

*Affirma-
tion.*

*Tr. 6. doct.
1. cap. 8.*

A V C O N T R A I R E l'incision doit estre faicte à la ioincture, si la corruption en est pres (i'entends par deffouz) si nous croyons au bon pere Guidon. Aussi est-il beaucoup plus aisé au chirurgien, & moins fascheux au malade: car cela est tantost faict avec le seul rasoir, pour peu qu'on soit habille & exercé à detrancher bien net, comme on se peut accoustumer sur les corps des autres animaux, & sur celuy de l'homme mort. Quant au double danger qu'on allegue il n'y a aucun lieu: car touchant aux playes de la ioincture subiette à mortels accidens, on en dict, contāt de celles qui sont à trois ou quatre doigts de la ioincture (& à meilleur droit) selon mon aduis. Car il y a plus de tendons qui s'inscrēt plus haut ou plus bas de la ioincture, que sur la ioincture mesme: & quant aux ligamens qui la contiennent, la plus part ne sont fort sensibles. Mais soit plus douloureuse l'incision

sion à la ioincture, ce pendant qu'on trenche les liens, tendons, & nerfs, telle douleur est momentanée: dont ne peut nuire beaucoup. Et ne faut craindre la conuulsion, non plus que de l'incision, plus haute ou plus basse: car quād le nerf ou le tendon est coupé tout à trauers, il ne peut plus exciter tel accident, ainsi que Galen nous enseigne. Il faut adiouster que si on vouloit couper par dessus la ioincture, à cause que le Sphacele en est bien pres, les accidens seront tousiours pires à raison des vaisseaux, que si on coupe à la ioincture mesme. Car tant plus on iure vers le haut, tant plus sont trouuez plus grās les nerfs, veines & arteres. Quāt au recourir, pour cicatrifer fermement sur le lieu incisé, il n'y a faute de chair, qui puisse fournir matiere: car à l'endroiēt de la ioincture, il y a autant de chair qu'il faut pour recourir tout, veu qu'elle est plus grēlle, que plus haut ou plus bas (i'entens qu'à celle du genœil, la rotule soit aussi emportée, qui respōd à l'olecranon du cubitus) & quand il y auroit moins de chair en proportion de sa grosseur, veu que les os y sont extuberans: ie dis qu'aussi y a moins de couuerture forte & espesse, qu'es autres endroits. Car les os (qui sont le plus de monstre) ont leur couuercle naturel, sçauoir est l'epiphyse, de laquelle ne se perdra pour extoliation, que le cartilage qui l'encrouste. Or la chair qui se peut engendrer sur les parties incisées, couurira suffisamment

DES ARCEVSADES

les autres parties spermatiques. Au contraire, quand on a scié les os, leurs cauitez descouvertes, il faut practiquer vn bouchoir à la moëlle qui soit fort & espez, qui est le plus difficile de toute la cure. Car quât aux autres parties, elles sont aysément recouuertes.

Conclusion. I E M'ARRESTE volontiers à la sentence de Guidon, & mesme ayant approuué l'operation à la ioincture fort aysée, & sans danger. Car on coupe net tous les vaisseaux avec vn rasoir, qui faict beaucoup moins de douleur, que d'en scier le moindre: cōme on est contrainct quand on scie les os: car il y a des vaisseaux & nerfs si près des os, & entre ceux qui sont doubles, qui endurēt la scie au grand mal du patient. Outre ce la playe ne demeure si long temps à se recourir: d'autant que la moëlle ne verse pas des os, qui entretient en longueur la curation.

PROBLEME. III.

Est-il possible que la teste soit frappée d'un costé & rompue à l'opposite?

Affirmatiō. GVIDON nous aduertist, que quelques vns ont conceuë telle opinion des propos d'Auicenne au quatrième. Ce qu'on void aussi par experience: car és corps morts de coup à la teste, souvent on trouue la fracture à la partie opposite, ou le pus colligé, sans qu'il y aye fracture: d'autant que quelque veine y

*Traicté 3.
doct. 2. ch. 1.*

peut estre deschirée par le retentissement du coup, & telle playe est nommée Apechema au 6. liu. de Paul AEg. ch. 90. Le semblable aduiét és vaisseaux de verre, & à vn ais, qui heurtez d'un costé, rompent à l'opposite, d'autant que les deux lignes qui portent le ressentissement du coup iusques à vne extremité, à leur rencontre font telle violence, que le subiet en est rompu. Aussi Hipp. dict bien de vul. capit. que la cinquième partie des playes de la teste est, quand l'os de la teste est bledé & il se rompt en vn autre lieu.

Soranus de vulnerib. capitū est in thaur deesse opinion, qui propose l'exēple des vaisseaux de verre.

AV CONTRAIRE il faut remonstrer ce que ledict Paul respond, la chose n'estre semblable des vaisseaux de verre vuides & du test plein de cerueau. Aussi l'vsage des futures (enseigné de Galen 90. de vs. part) seroit nul, qui doiuent empescher que la fracture ne passe outre. Ce seroit bien pis, si venoit à l'opposite. Quant à ce que dict Hipp, il peut estre doublement entendu. En premier lieu, que le coup ne rompra la superieure lame qu'il a frappé, ains l'inférieure: & ainsi la fracture sera à l'opposite du coup. Secondemēt, la fracture pourra estre à costé de la playe: cōme quād on fend vn ais ou autre bois, souuēt il esclate pres du coin à fendre, & non contre le coin. Et c'est ce que veut Hipp. disant que l'os se rompt en vn autre lieu, & nō à l'opposite. Autant en escrit Celse li. 8. ch. 4. Quāt à ce qu'on trouue la partie opposite rompuē, il faut dire, comme Paul AEg. que la teste à esté

Negation.

DES ARCHEVSADES

frappée en deux ou plusieurs endroits: cōme
 sion tombe du coup, & qu'on heurte contre
 vne muraille. Car l'endroit frappé de l'enne-
 my, ou fortuitement ne sera qu'egratigné, ou
 playe en la peau charnuë: & l'opposite fra-
 cture, sans grād' offence de la peau, dont il se-
 ra mesprise. Or ce secōd coup sera plus grād,
 par ce que la bricolle est de double rencon-
 tre: l'un du retentissement du premier: l'autre
 du coup à terre, ou contre vn mur, qui ne ce-
 de point, comme la teste a cédé au premier
 coup, dont il a esté moindre. Touchant le
 plus qu'on trouue à la partie opposite, c'est
 quelque-fois sans qu'il y aye fracture, ains
 seulement pour la ruption de quelques vei-
 nes: & le plus souuent pour le coucher du
 malade sur ce costé. Car communément le
 blecé se couche, non du costé de la playe (cō-
 me il deuroit faire) ains sur le contraire: & de
 la vient que le pus sy amasse en plus grande
 quantité.

*Affirma-
 tion.* LA negatiue conclud pertinemment.

PROBLEME. IIII.

*Est-il vray qu'ès playes de la teste sil y suruiuet
 paralysie & conuulsion, la paralysie
 est du costé de la playe, & la
 conuulsion à l'opposite,
 & pourquoy?*

Negation.

GVIDON le recite du troisiéme d'A-

uicenne, & Guillaume de Salicet le confirme: combien qu'il fabuse quant au discours des nerfs: l'experience aussi le tesmoigne. Touchant à la raison: il est vray semblable que les humiditez decoulent de toutes parts à la blesseure: dont s'ensuit, que par grand'abondance d'humeur, son costé deuiet paralytique: & à faute d'icelle humidité, l'opposite est conuuls.

A V C O N T R A I R E la conuulsion est plus aisée du costé de la playe, veu que les humeurs y affluent, & font conuulsion de repletion, ou par mordication. Et l'experience le demonstre: car plus souuent est conuulse la partie du costé de la playe, que l'opposite.

Negation.

C E S T E question semble estre fondée sur ce que dict Hipp. de vuln. cap. qu'il ne faut toucher aux tamples: car le spasme aduiet incontinent à ceux qui y sont incisez: & si la tample fenestre est incisée, le spasme aduiet à la dextre: & si au contraire la dextre a esté coupée, il y a distention de nerfs à la fenestre. Or il faut bien entendre ce propos: que comme l'escrit Hipp. il n'y a conuulsion ne paralyse. Car si le nerf ou muscle est coupé d'un costé, son opposé est en cōtinuelle action, nō pas en conuulsion à parler proprement: car il fait son deuoir ordinaire. Et la partie blee n'est paralytique, iagoit qu'elle n'ayemouement: car elle n'a plus l'instrument, qui en paralyse est tout imbibé, mol & lasche. Ainsi dirons nous, qu'es autres playes de la teste il

Conclusion.

DES ARCBVSADES

aduient torcement de bouche, qui est abusiuement dicté conuulsion. Car il n'y a que paralyfie du costé de la blesseure, à cause des humeurs superflus: & l'opposite qui se void retirée est en son action. Paul Aegin. a fort bien obserué ce point liu. 3. cha. 18. part. 5.

PROBLEME. V.

Voyez Guidon en l'antid. Tr. 7. dist. 1. ch. 5. des medemens mondificatifs. **Dont prouient que l'vnguent Egyptiac verdit les tentes & plumaceaux, ayant seigné dans vn vlcere?**

EST-CE point d'autant que la sanie mêlée avec l'vnguent le decuit & recrudit? Ainfi parlent les apoticaire du sucre cuit en syrop, qui se decuit si quelque aquosité le detrempe. Or l'egyptiac deuient rouge par la cuisson. Car premierement il est verd, puis en cuisant deuiét tenné, & puis rouge. Donques si se decuit par la mixtion des serositez & du pus, en lieu tiede, il est raisonnable qu'il re-deuienne verd.

PROBLEME VI.

Est-il bon de laisser dans vn vlcere cauerneux toute l'iniectiõ, ou quelque portion d'icelle?

Negation. **ON VSE** volontiers d'iniectiõ pour mondifier vn vlcere profond ou cauerneux, quand les tentes ou plumaceaux n'y peuuent bien atteindre. Donques puis que c'est pour en oster les choses superflues & contre nature, qui empeschét la regeneration de chair,

il ne faut pas mesme qu'il y reste de l'ini-
 ction: car comme chose estrangere elle con-
 tinueroit ledict empeschement: & entant
 qu'elle retiét les parois del'vlcere eloignées
 l'une de l'autre, resiste aussi à la cõsolidation.

AV CONTRAIRE, si quelque portion *Affirmatiõ.*
 de l'iniectiõ n'y reste, on n'auance pas beau-
 coup: car tout medicament, pour actif qu'il
 soit, a besoing d'aucun seiour pour imprimer
 sa faculté. Et ne faut craindre le susdict
 empeschement: car comme la partie sçait re-
 ietter ses excremens, ainsi peut bien repous-
 ser le corps du medicament, apres s'estre ser-
 uie de sa faculté. Quant à faire distance &
 eslongnement des parois, les tentes sont de
 mesme condition & plus fortes: qui toutes-
 fois n'empeschent l'agglutination. Car la
 chair mesme les repousse de peu à peu: ce
 qu'auisant le docte chirurgien les accourcit
 fagement de semblable mesure, &c.

L'AFFIRMATION est veritable, suy- *conclusion.*
 uant l'experience confirmée par suffisantes
 raisons.

PROBLEME VII.

*D'ou vient que pour la deperdition d'une
 portion de l'os, la cicatrice en re-
 ste necessairement caue?*

EST CE d'autant que la chair (plus aisée
 à remettre que l'os) preoccupe le lieu vuide?
 H. iiiiij

DES ARCVSADES

Mais il sy peut engendrer chose semblable à l'os, qui est nommée calle, au moyẽ duquel le vuide sera rempli : dont la chair qui s'engendrera dessus paruiendra à l'egal de l'autre : tellement que la cicatrice ne demeurera caue. Et quant à la preoccupation, elle n'a pas lieu, veu que celle mesme chair qui naist dãs la canité de l'os, deuient calle par endurcissement.

IL FAVT entendre que la vertu formatrice (qui est nommée Assimilatrice, apres la premiere conformation) œuure en cecy : & que sa condition porte de produire le semblable de son subiet. Dont il aduient que la chair engendre semblable chair, & en qualité & en quantité : c'est à dire aussi épaisse & haute par dessus l'os, qui est son fondement. Or si ledict fondement est plus bas (comme il est necessairement, ou il ya perte d'une portion de l'os) la chair de nouueau engendrée sera plus basse : mesmement de ce que contre l'os elle se desseiche & reserre, pour seruir comme d'un moyen entre le dur & le mol : De telle substance est le calle qui entretient les os rompus.

PROBLEME. VIII.

Est il possible qu'aucun prenne la pisse-chaude par l'accointance d'une femme qui soit bien nette de verolle?

ON dict communément *nemo dat quod*

non habet. Si la femme est bien saine, l'homme ne peut prendre de son accointance la pisse chaude, qui est le messager & precursor de la verolle : autrement il s'enfuiroit, que ce mal n'est contagieux, & peut auoir esté de tout temps en l'Europe. &c.

L'EXPERIENCE est au contraire de *Affirmatiu.* plusieurs, qui coup à coup reprennét ce mal, n'obstant que les femmes ausquelles ils ont affaire, ne se ressentent d'aucun mal.

IL est bien possible qu'un homme aye *Conclusion.* les racines & semences de verolle, sans qu'il en reiecte & demonstre les accidens : car la force & bonté de nature y peut longuement resister : De sorte qu'il y aura quelque impressiõ de mauuaise qualité au foye, sans que les humeurs en soient notablement corrompus. Vray est que par le seul eschauffement de cest homme avec vne femme bien saine, la pisse chaude se pourra esueiller & resusciter par fois, tant que le foye aura bonne resistãce : car les humeurs qui vont de luy aux parties honteuses, ia disposez à tel malefice, sont corrompus du seul eschauffement : & le foye tasche à reietter en s'espurgeât vers ses emõctoires la portiõ de l'humeur corrompu.

PROBLEME. IX.

Est il possible qu'aucun donne la pisse chaude à d'autres, pour auoir eu accointance d'une femme apres luy, sans que ladicte femme, ou luy s'en ressentent ?

DES ARCBVSA DES

CELA est bien impossible : car sil infecte la matrice de la femme, d'ôt les autres sont depuis infectez, il ne peut en estre exempt, ne la femme aussi.

Affirmation.

L'EXPERIENCE est au contraire, comme dessus. &c.

Conclusion.

A CE propos nous pouuons dire, que tel peut auoir la semēce fort corrompuē, qui ne sent la pisse chaude : & ayant affaire avec vne femme bien saine, il fallit tellement la matrice, que ceux qui le suivent y prennent mal. Toutes-fois ladicte femme ne s'en ressentira aucunemēt, si elle a le corps de la matrice biē dense & peu eschauffē. Car pour ceste occasion les femmes resistent beaucoup plus que les hommes, à tout mal contagieux par l'acte venerien.

PROBLEME. X.

Vn ladre cōfirmé. peut-il engēdrer enfans sains, si la mere est bien saine ?

Negation.

QVIL ne puisse engendrer sinon des enfans ladres, il est prouué par experiēce de mille personnes : & de ce qu'on s'abstict de l'alliance & conionction de ceux qui sont naiz de parens ladres, par l'auis des plus sages. La raison le confirme, d'autāt que la principale matiere de quoy nous sommes faits, est la semence du pere, laquelle outre ce, a lieu d'architecte en la conformation, &c.

Affirmation.

POR l'affirmatiue, est l'experiēce de quelques vns naiz de pere ladre, & confins en ladrerie publique, qui toutes-fois ont esté reco

gneuz pour sains, & cōme tels retirez dudict lieu : cōbien que, outre la semence corrópüē du pere, ils eussent grāde occasion d'estre infects pour l'habitation & la frequētation des autres ladres en leur enfance, qui est tēdre & delicatte. Mais la raison demonstre que cela peut auenir si la mere est bien saine. Car il est possible que de sa bonne complexion & habitude, elle rabbate ou amortisse la maligne qualité de la semence paternelle, tant par mixtiō de la siēne, que de son sang, duquel les deux semences prēnent accroissēmēt, & l'enfant se nourrit plusieurs mois. Et depuis qu'il est né, par la bōne nourriture du laiēt de la mere, ou autre nourrice bien saine, & tout autre bon regime, il peut acquerir vne loüable cōditiō de santé. Ioint que la petite verolle, rougeolle, & semblables morbils expurgent en leur saison grande partie de ce qui reste de mauuaise qualité. Ainsi voit on meint corps tref-mal habitué & du tout cacochime, transi, vlcéré, & plain de mille maux, restauré & cōme tout renouuellé, au moyen de quelque purgatiōs, & cōtinuation de bōne nourriture. Ainsi les plātes bien cultiuées & souuēt trāsplantées en bons terroirs perdēt leur qualité sauuagine, amertume, acrimonie. &c. mesmēmēt la venenosité, comme on dit, de la Persée trāsplātée en Egypte. Ainsi les cātharides, viperes, & autres venins sont corrigez & adoucis par mixtiōs propres, de sorte qu'ils ne peuuent nuire, ains au cōtraire exercēt toutes loüa-

DES ARCBVS ADES

bles operations au proufit du corps humain.

Les enfans d'un ladre confirmé, peuvent estre maintenez en vn estat, ou constitution neutre, tellement qu'ils ne parviendront pas mesmes à la disposition de la laderie, pour en obtenir quelques signes equiuocques si la mere est bié saine, & la nourrice de mesme, & que ces enfans vsent tousiours de bon regime. Ce neâtmoins l'inclinatiō y demeure, laquelle se pourra diminuer aux arrier' enfans, de ligne en ligne, iusques à se perdre & abolir du tout par successiō de temps, pourueu qu'ils rencontrēt tousiours de mesmes, & soiēt bien reiglez en leur viure : Car cōme les metaux qu'on laue & relaue fort curieusement perdent & la couleur & l'acrimonie naturelle: ainsi la dispositiō lepreuse, qui passe par diuers corps bien entretenus, perd sa force de peu à peu, & en fin s'esuanouit du tout. Mais au contraire par le desordre que feront ceux de la quatriēme & cinquiēme generatiō, telle inclination reuiura, & remettra au dessus la disposition qui n'estoit apparue à aucū des prochains parens. Ainsi le soulfre prend aisēmēt le feu d'une legiere occasion. Parquoy leur alliance est dangereuse : car le mortier sent fort fort long temps (sinō tousiours) les aulx.

PROBLEME. XI.

D'on vient que ceux auxquels on a couppe du tout vn membre, cōme le bras, la main, la iambe, ou le pied, plaignent souuent de la

douleur qu'ils affirmēt sentir en diuers endroits de la partie qu'ils n'ont plus?

C'EST vne grand' merueille d'ouïr estragemēt plaindre de la douleur, qu'on sent à vn doigt, ou à vn orteil, au talon, à la cheuille du pied, ou autre endroit distinctement nōmé, des parties qui ne sent plus ioinctes au corps: & par consequent n'y eust aucune sympathie ou cōmunication: veu mesmement que tels membres amputez n'ont plus de vie, ny de sentiment: & pour en parler propremēt, ne sont plus membres, sinon par equiuocation, tout ainsi qu'un oeil de verre, vn nez d'argēt, vn bras de fer, vne jambe de bois. &c.

EST-CE point que le patiēt, plaignāt tousiours & regrettant le membre, qui luy a esté amputé, refuse la dessus, & cōme par alienatiō d'esprit se dict doulouir es parties qu'il imagine, & luy sont tousiours en fantasie: estant de vray la douleur en ce qui est resté du membre: Car si le patiēt ne souffroit aucune douleur en son corps, il ne se plaindroit d'aucune partie ainsi distinctemēt: ou il se plaindroit ordinairement quand il pense au membre retrenché: mais cela ne luy auient, que quand à l'endroit de l'amputation suruient quelque cause de douleur, comme froideur, ou grand chaleur, tensiō, & semblables. Toutes-fois c'est grād cas, qu'on ne se plaint aussi de l'endroit, qui à la verité souffre & soustiēt la douleur. Et quant à l'imaginatiō fauce, elle

DES ARCEVS ADES


n'est proprement de resuerie, ou frenaisie : car le patient le cuide ainsi, ayant au reste le sens bon & entier.

EST-CE point que l'esprit sensifque, discourt par les nerfs, represente le sentimēt des parties retranchées, ausquelles il souloit influer & festēdre? Ores qu'il ny peut paruenir, il fait vne reflexion à l'endroit du retranchement: auquel estāt vrayement la douleur, ce neantmoins y est causé vn ressentimēt de mal aux parties qui souloiēt estre: Ou bien la susdicte reflexiō, faict cōme en vn miroir, certaine representatiō des parties retrāchées: ausquelles par consequent est attribuée la douleur, qui n'est qu'au lieu ou se fait le rabbat. Adonc le sens cōmun (cētre des autres, & iuge cōmun ou superieur) se laisse abuser à tel faux sentimēt, auquel (sans vraye resuerie) s'accorde la forte & presque cōtinuelle imagination de la partie qu'on a perdu. Or que lon plaigne distinctemēt tantost le poulce, tantost le petit doigt, ou vn autre, & ores la plāte du pied, ou la cheuille, ou vn certain orteil, la cause peut estre de ce que pour lors on a vrayement la douleur au bout couppé des muscles, nerfs, tēdons ou ligamēs sensibiles, qui souloiēt paruenir & seruir à la particule, ou à l'ēdroit du mēbre que lon plaint. Et c'est d'autāt que telle extremité est plus descouuerte, ou plus delicate, & s'offence aisēmēt: les autres parts de l'amputation, estans quittes des causes de douleur. Touchant à l'esprit sensifque, il est vray que par son irradiation il peut illustrer les parties

qui sont à l'entour du nerf ou il fait son cours, voire qu'il ne peut estre bõnement enfermé en certain lieu, ains en vn momét se verse par tout, & transpire d'un lieu à autre : si est-ce qu'il se cõtient & arreste plus voluntiers & en grãd' quantite dedàs les nerfs, ausquels il est approprié. Et cõme (par exemple) ceste portió d'esprit est affectée & dediée aux nerfs du poulce de la main droicte, laquelle portió est tousiours entretenüe de l'influence des esprits, qui deriuét du cerueau à tous les nerfs, à ce que l'esprit qu'ils ont implaté de nature, ne defaille, ains soit entretenu & cõme nourry: ainsi elle ne represente que l'idée & sentiment du poulce, qui a accoustumé de seruir. De la prouiét que le patient se plaindra tout à vn coup de deux endroits en la main, ou au pied: d'autant que le nerf, ou le tendõ qui est retrâché, auoit deux parties ou rameaux, desquels l'un alloit ça, & l'autre là, cõme on voit de plusieurs. Mais cõment se peut faire cela, q' outre ceste vaine opiniõ, & faux sentimēt de douleur en la partie qui n'est plus, à tout le moins on ne se plaigne pareillemēt de l'endroit qui à la verité porte le mal? Est-ce à cause de la susdictē reflexiõ, qui fait sentir la partie où elle n'est pas? Ainsi par le miroir on se void où lon n'est point: & n'est possible que ce soit en deux endroits, l'un vray, & l'autre faux: de mesme auiet par la fauce opiniõ de douleur au mēbre amputé, laquelle ne dõne lieu au vray sentimēt de la partie offencée. FIN.



ISAGOGUE OV EPILOGVE
EN FORME D'APHORISMES,
*contenant les points principaux
qu'on doit observer aux
Arcebusades.*

- 1  L'ARQUEBUSADE consiste principalement en extreme contusion, de laquelle la plus grand' part est cachée loin de la playe, mesmement sil y a des os rompus.
- 2 LA noirceur & liuidité, qui est entour la playe, n'est signe de venin, ains d'Ecchimosé pour la contusion.
- 3 LA Sanie fuligineuse & noire es arcebusades, ne tesmoigne point de brulure, ne presage aucun danger: si n'est accompagnée de grande puanteur.
- 4 LA Gangrene suruient facilement à telles playes, tant pour l'abus des refrigeratifs, que pour le grand fracas.
- 5 DES Arcebusades on ne peut faire certain iugement de guerison, non obstant que la playe se porte bien.
- 6 LES plus belles playes sont bien souuent les plus dangereuses.
- 7 LA playe qui est plus descouuerte, ou
qui

a ses orifices droicts & amples, est des plus assurees, si le reste est pareil.

LA Gangrene pour la pluspart commén- 8
ce loing de la playe.

L'INFLATION du membre blecé est 9
toufiours suspecte, & tost ou tard dange-
reuse.

LA Fieure & les rigueurs qui suruién- 10
nent sans cause manifeste ou externe, apres
loüable suppuration, sont mortelles.

MAL d'estomach, & defaillance de cœur 11
souuent reiterées, sont messages de mort.

LES ylcères d'archusade, qui sont dans 12
les grans muscles, bié pres des gros vaisseaux,
souuent apres lōg temps causent la mort, par
vne inflammation hepaticque, venant la sup-
puration.

IL est souuent loisible d'amputer vn mē- 13
bre auant qu'il soit sphacelé: & tout sphace-
le ne requiert l'amputation.

IL ne se faut oppiniastrer d'auoir à toute 14
force le boulet, ou autre chose estrangiere
dés le commencement: ains le plus souuent
conuient différer iusques à ce que l'inflam-
mation soit passée.

IL est toufiours meilleur d'amplifier l'vn 15
des orifices, mesmement si y a des os rom-
pus, ou que la playe penetre dans le corps.

SI la phlebotomie, ou la purgation doi- 16
uent estre ordonnées, soient ordonnées tout
au commencement.

TOUT le plus grand soing du Medecin, 17

DES ARCBUSADES

curant l'arcbusade, soit de promptement sup-
purer, & conseruer la chaleur naturelle en
son temperament.

18 Q V N les six choses non naturelles s'accor-
dent à desseicher, sans eschauffer ou refroidir
que bien à poinct.

19 L E plus contraire aux arcbusades est le
temps pluuieux & chaud, nommément le
vent de midy.

20 I L est trespernicieux d'extenüer les ble-
cez durant les premiers iours, quand le mal
doit auoir long trait.

21 I L faut tousiours diminuer les viures iuf-
ques à la declination, & non pas estre con-
traint de les augmenter en l'estat.

22 C E V X qu'on saigne, ou qui ont fort sai-
gné de la playe, doiuent estre mieux nour-
ris, au plus pres de leur coustume.

23 O N ne doit iamais lasser de continuer
les reuulsions : mais sur tout au commence-
ment, & quand le mal accroist.

24 L'huile bouillant, le precipité, & le fort
Egiptiac mettent les arcbusades en bon train.

25 L'vnguent de bol, & les autres repellents
ou refrenatifs emplastiques, sont icy fort sus-
pects: si ce n'est pour quelque grand haimor-
rhagie, ou autre destuxion chaude.

26 A l'arcbusade suffist vn repellant ou refre-
natis qui n'aye point de corps.

27 L E Cataplasm d'Arnoglossa, est des plus
propres applicables, où il y a inflation.

28 L A Curation du Carboncle peut estre

TROISIEME PARTIE. 68

accomodée pour la pluspart à l'archusade.

LE meilleur de tous les digestifs est le 29
Basilicon.

DES meilleurs deterfifs sont le miel rosat, 30
& la therebinthine.

LE Seton où il conuient, doit estre con- 31
tinué, iusques à la loüable deterfion.


ES temps que la playe ne reiette gueres 32
d'excremés, il fuffist de la descourir vne fois
le iour.


FIN.


Imprimé à Paris par Fleury Preuost, pour
Pierre l'Huillier marchand, Libraire iuré
en l'vniuersité de Paris, le der-
nier iour de Feburier,
l'an 1570.

*









Vng cordons de paille de la suppure 10
Et de la colle de maillon de courtoisie
Attant que de feger de feger de la colle
La suppure de la colle
Quelle d'antant de la colle de la colle
Et de la colle de la colle de la colle
Redoublant de la colle de la colle
Gangrene pour que de la colle de la colle
Ficelle de la colle de la colle de la colle
L'op autrui de la colle de la colle
Des setons n° 30

